

Ɔtshɔ O'o nɔe Yisu Kristu á Matie sú Tshatshu o'o

Asœeke kœdœ Ɔtshɔ O'o nɔe Yisu Kristu á Matie sú. Matie kœdœ lima ayi kœko ngendja lapo á Yisu e lima she, á tshe te anga ayi avwa nœ ye. Matie kœdœ lima uzu Yuda yé anga í'iri ye kœdœ ndje Levi. Tshe sú Ɔtshɔ O'onœ asœeke fœ Ayuda. Tshe pa adœeke Yisu kœdœ adja Ayi kœshe azu á aayi kœgbara o'o gbara lima o'o tœ upu nœ ye utshunœ ala Ongboro Ayo.

Matie yisœ nœ fœ azu adœeke Yisu uzu Nazarete kœdœ Masiya, œshe kœdœ ndje gbozu nœ azu Israyele kashe endje vwaratœ endje tœ ye.

Bukunœ kurutshelœtœ ye atake:

- Uwu aata Yisu œdœ ndje kœzu she (1.1-2.24)
- Akwa nœ Yowane ayi kœza batisimu (3.1-12)
- Batisimu nœ Yisu œdœ kœwu lsu ye 6a lœ kpagagasho (3.13-4.11)
- Akwa nœ Yisu 6a lœ ogo Galilayi (4.12-18.35)
- Ana nœ Yisu ga lœ Yerusaleme (19.1-20.34)
- Lœ udu olo Yisu mindu dœ bisha (7) pa œsho: Kœwa ngbanga pa ye œdœ kœwo she (21.1-27.66)
- Kœshe Yisu lœ akuzu (28.1-20)

*Aata Yisu
(Wu 6a tœ Luk 3.23-38)*

¹ Asœeke kœdœ í'iri aata Yisu Kristu, ata Davidi á tshe dœ ndje ata Abrayamo.

² Abrayamo zu Izaka, Izaka zu Yakobo, Yakobo zu Yuda œdœ aayanœ.

³ Yuda zu Perese œdœ Zara, ayi endje kœdœ lima Tamare. Perese zu Eserone, Eserone zu Arame.

⁴ Arame zu Aminadabe, Aminadabe zu Nashone, Nashone zu Salma.

⁵ Salma zu Boaz, Rahabe kœdœ lima ayinœ. Boaz zu Obede, Luta kœdœ lima ayinœ. Obede zu Yese.

⁶ Yese zu gbozugo Davidi, yé Davidi zu Salomo tœ yashe á tshe dœ lima awo Uri.

⁷ Salomo zu Robowame, Robowame zu Abiya, Abiya zu Asafe.

⁸ Asafe zu Yozafate, Yozafate zu Yorame, Yorame kœdœ ata Oziase.

⁹ Oziase zu Yotame, Yotame zu Akaze, Akaze zu Ezekias.

¹⁰ Ezekias zu Manase, Manase zu Amœ, Amœ zu Yoziase.

¹¹ Yoziase zu Yekonia œdœ aayanœ dœ lœndœ á endje ko lima azu Israyele gu tœnœ ga tshakudu kanga 6a lœ Babilone.

¹² Manda kœko lima azu Israyele gu tœnœ ga tshakudu kanga 6a lœ Babilone, Yekonia zu Shaletiele, yé Shaletiele zu Zorobabele.

¹³ Zorobabele zu Abiwude, Abiwude zu Eliyakimi, yé Eliyakimi zu Azore.

¹⁴ Azore zu Shadœke, Shadœke zu Akimi, yé Akimi zu Eliwude.

¹⁵ Eliwude zu Eleazare, Eleazare zu Matane, yé Matane zu Yakobo.

¹⁶ Yakobo zu Yozefu akœ Mareya ayi Yisu, á endje sœ kœ'e she Kristu.

17 Ataa, koeto kpœetœ Abrayamo œerrr ga tœ Davidi, uwu aatazu sœ ndjokpa dœ vana. Koeto kpœetœ Davidi œerrr ga tœ lœndœ á endje ko lima azu Israyele gu tœnœ ga tshakudu kanga 6a lœ Babilone, uwu aatazu sœ ndje ndjokpa dœ vana; yé koeto kpœetœ lœndœnœ asœmœ œerrr ga tœ kœzu Kristu, uwu aatazu sœ ndje ndjokpa dœ vana.

*Kœzu Yisu Kristu
(Wu 6a tœ Luk 2.1-7)*

18 Ndœ budu kœzu Yisu Kristu sœ atake: Ayinœ dœ Mareya kœdœ lima koje nœ Yozefu. Kashe utshunœ adœke endje ngbœtœ endje awa bale ga tœ œsœnœ, tshe gbœ nguzu lœ awa gbœgbœ nœ Ɔtshœ Ishiri.

19 Koje nœ ye dœ Yozefu kœdœ lima uzu á tshe sœ ndjii, yé tshe yiyi lima kœmitshelœ ye ngbi fœ azu nene. Tshe yi lima kœkatœ ye ti lœ ubunœ.

20 Bata á tshe sœ lima kœgbe atake, anga andjelu nœ Gbozu wuta ga tœ ye lœ ulu œ pa fœ she adœke: «Yozefu, ata Davidi, awa zaza 6œ kœza Mareya tœ awo zœ nene. Gbambanœ nene, nguzunœ á sœ lœ ye asœmœ to lœ gbœgbœ nœ Ɔtshœ Ishiri.

21 Tshe zu bala gbolo yakoshe yé 6œ ta i'iri ye Yisu; gbambanœ nene, tshe she bala azu nœ ye lœ ekperœ nœ endje.»

22 Eneke kœ mbœœtœ endje ataa mbœœ œ'onœ á Gbozu pa lima lœ awa nœ ayi kœgbara o'o kœmbœœtœ endje:

23 «Ɔkpœ yawuru œ gbœ nguzu yé œ zu gbolo yakoshe yé endje ta i'iri ye Emanwele.»

Ádá í'iri Emanwele kœdœ «Ndjaba awa bale dœ azœ.»

²⁴ Lɔkɔ á Yozefu jo, tshe mboerœtœ ye ɓata á andjelu nœ Gbozu mi lima ndi nœ fœ she, yé œ za Mareya tœ awonœ.

²⁵ Kashe tshe ngbɔngbɔpa gbarœ olo bale dœ she nene œrrr ga tœ kœzu gbolo yakoshe nœ ye ga pa ɔshɔ, yé á Yozefu ta í'iri Yisu ga pa ye.

2

Agbangba kœwusœ ádá angerepe na kœwu Yisu

¹ Endje zu Yisu ɓa lœ Beteleme, ɓa lœ ogo Yuda dœ lɔndɔ á Erode dœ lima gbozugo. Manda kœzu she, agbangba kœwusœ ádá angerepe to lima ɓa tœ osho á ɔlɔ œ wuta tœnœ yé œ na. Endje yi lima kumu endje ga lœ Yerusaleme,

² yé á yu adœke: «Gbozugo nœ Ayuda á endje zu she ngɔngɔ sœ kpœta a? 'A wu angerepe nœ ye œ wuta ɓa tœ osho á ɔlɔ œ wuta tœnœ, yé á 'a na kœgote ga utshu ye.»

³ Lɔkɔ á gbozugo Erode djindœ upunœ ataa, tshelœ ɔkɔrɔ ye œdœ œnœ azu ogo Yerusaleme djigi tshanga ye.

⁴ Tshe vwa osho ndœ agbozu tshapa anganga Ndjaba œdœ aayi kœyisœ awa akwa, yé œ yu endje tœ osho á endje li kœzu Masiya tœnœ.

⁵ Endje gi fœ she adœke: «Ba lœ Beteleme, ɓa lœ ogo Yuda. Gbambanœ nene, œneke á ayi kœgbara o'o su dœke:

⁶ «Œɓœ Beteleme, lœ ogo Yuda,
ɓœ sœsœ adja teasho ugurutœ tshalakpi á sœ lœ
ogo Yuda nene;

gbambance nene, gbozunœ á tshe te bala utshu
 azu nœ mœ, azu Israyele,
 œ to 6a ndœ zœ.”»

⁷ Dœ tœnœ ataa, Erode vwa osho ndœ agbangba
 kœwusœ ádá angerepe læ ubunœ yé œ yu endje
 tœ kœwusœ adja lœkœnœ á angerepe wuta lima dœ
 tœnœ.

⁸ Manda nœ, tshe vwa endje ga læ Beteleme dœ
 kœpa fœ endje adœke: «'E na œ yu osho pa upu
 nœ gbolo ascœmœ dœ ɔtshœnœ; yé œdœ 'e kœgbœ
 she, 'e pandœ nœ fœ mœ adœke œmœ ndje, mœ
 na kœgote ga utshu ye.»

⁹ Manda kœdji o'o á gbozugonœ pa fœ endje,
 endje tetœ awa dœ kœero endje. Ngbewo, endje wu
 angerepe á endje wu má utshunœ 6a tœ osho á ɔlœ
 œ wuta tœnœ kœena utshu endje, œerr œ ka 6a pa
 osho á gbolonœ sœ lima tœnœ.

¹⁰ Endje sœ lima dœ egerœ yanga manda kœwu
 tœnœ.

¹¹ Endje li ga læ anda yé œ wu kpengbe gbolo dœ
 ayinœ, Mareya. Endje gote ga utshu ye yé œ donga
 she. Endje kœrœ gbarœ nœ endje yé œ ko makabo
 fœ she: Ɔrœ, zuwa yombo œdœ kada mire.

¹² Manda nœ, Ndjaba pa fœ endje læ ulu adœke
 endje kwakwatœ endje ga ndœ Erode nene. Ataa,
 endje za anga angbi awa á gu dœ tœnœ ga læ ogo
 nœ endje.

Kœkpa dœ Yisu ga læ Ezipito

¹³ Lœkœ á agbangba kœwusœ ádá angerepenœ
 ascœmœ gu daye, anga andjelu nœ Gbozu bale
 wuta ga ndœ Yozefu læ ulu yé œ pa fœ she adœke:
 «Aafo, œ za kpengbe gbolo dœ ayinœ yé œ kpa dœ
 endje ga læ Ezipito. Sœ 6a zœ œerr œdœ mœ kœpa

fœ 6œ adœeke 6œ gu yekane. Gbambanœ nene, Erode œ para gbolonœ mbœerœ kœwo she.»

¹⁴ Ataa, Yozefu kœalafu, kœza kpengbe gbolonœ œdœ ayinœ potœ ye lœ butshœ yé á kpa ga lœ Ezipito.

¹⁵ Tshe sœ 6a zœ œerrr ga tœ kuzu Erode. Œ sœ ataa, mbœerœ á œeneke á Gbozu pandœ nœ lœ awa nœ ayi kœgbara o'o kœmbœerœtœ endje. Tshe pandœ nœ adœeke: «Mœ e gbolo nœ mœ adœeke tshe wuta lœ Ezipito ye.»

Kœwo aaya agbolo

¹⁶ Lœkœ á Erode wusœ nœ adœeke agbangba kœwusœ ádá angerepe fara œene, ókó za lima she tœpanœ kpuru. Tshe za o'o adœeke endje wo agbolo yakoshe á ungu endje sœ ga tshakudu ungu bisha lakpi Beteleme œdœ lakpi á sœ dje indirinœ para kœkœ. Ungunœ á tshe ka ga panœ ascœmœ sœ lindœ œeneke á agbangba kœwusœ ádá angerepenœ za lima fœ she.

¹⁷ Kœkœ ascœmœ mbœerœtœ endje 6ata á ayi kœgbara o'o Yilimiya pa lima adœeke:

¹⁸ «Endje dji tshama á sœ kœwuta tœnœ 6a lœ ogo
Rama,
iki œdœ egerœ ditsheloœma.
Rashele dá sœ kœeki agbolo nœ ye,
tshe yiyindœ nœ adœeke endje u œene nene, mbœerœ
agbolo nœ ye tshu kœ ye.»

Ayozefu fatœ endje kœgu ga lœ ogo Israyele

¹⁹ Manda kuzu Erode, anga andjelu nœ Gbozu bale wuta ga tœ Yozefu lœ ulu 6a lœ Ezipito.

²⁰ Tshe pa fœ she adœeke: «Aalafu œ za gbolo œdœ ayinœ potœ zœ yé œ kwatœ zœ ga lœ ogo

Israyele. Gbambanœ nene, endjeneke á endje sœ lima kœpara awa kœwo gbolonœ tshu ye.»

²¹ Yozefu áalafo, œ za gbolonœ dœ pe ayinœ potœ ye, yé á endje gu ga lœ ogo Israyele.

²² Kashe kœdjindœ nœ adœke Arkelawose dá te gbozugo Yuda manda abanœ dœ Erode, awa kœgu ga zœ za she. Ndjaba yisœ osho fœ she lœ ulu á tshe gitœ ye á gu ga lœ ogo Galilayi.

²³ Tshe na œ sœ ɓa lœ ongbo á i'irinœ kœdœ Nazarete. Œ sœ ataa yeka á o'o á aayi kœgbara o'o pa lima kœmbœrcœtœ endje. Endje pa lima adœke: «Endje e she bala uzu Nazarete.»

3

*Kœyisœrcœ nœ Yowane ayi kœza batisimu
(Wu ɓa tœ Mar 1.1-8; Luk 3.1-18; Yow 1.19-28)*

¹ Dœ lœndœnœ ascœmœ, Yowane ayi kœza batisimu wuta lima œ sœ kœyisœ œrcœ ɓa lœ kpagagasho nœ ogo Yuda adœke:

² «'E fatshalɔsu 'e, gbambanœ nene, Ogo gbozu nœ tshalafo ndo ye!»

³ Yowane kœdœ uzu á ayi kœgbara o'o Isaya pa lima tœ ye lœkœnœ á tshe pa adœke:

«Anga uzu sœ kœta rawa ɓa lœ kpagagasho adœke:

'E guma ala awa Gbozu,

'e yœrɔ ala awa ye ndjii!»

⁴ Yowane verœ lima lœba á endje mbœrcœ dœ usu shamo, yé œ i lima uwu tshapa lœba á endje mbœrcœ dœ œkɔ agea ga lœ nguku ye; tshe zi lima ayila yé œ la adja ojoro awaterœ.

⁵ Azu tshalakpi Yerusalemē dōe azu ogo Yuda kō
 œdōe pe azu ogo kō á sōe mashenga dōe ungu
 Yōrdane, na lima ga ndōe ye.

⁶ Endje sōe lima kōepandōe ekperōe nōe endje, yé
 Yowane sōe lima kōeza batisimu fōe endje 6a la
 Yōrdane.

⁷ Yowane wu adōeke Afarisayi œdōe Asadukayi
 ndjoro sōe kōena lima ga tōe œsōe batisimu nōe ye,
 tshe pa fōe endje adōeke: «Ukpulu ekpe ayakoro!
 Uzu dē dá yisōe nōe fōe 'e adōeke 'e kpa awa kōewa
 ngbanga nōe Ndjaba á ndo kōena tōenōe a?

⁸ 'E mbōerōe œrōe á sōe kōema adōeke adja 'e fat-
 shalōsu 'e ye,

⁹ yé 'e papa mbōerōe 'e dōe tōe 'e nene adōeke:
 “Abrayamo kōedōe ata azōe.” Gbambancōe nene,
 mōe sōe kōemindōe nōe fōe 'e adōeke, Ndjaba li kōefa
 badja asōeke tōe aata Abrayamo!

¹⁰ Gonda sōe yindjindjinōe mbōerōe kōevwa dōe
 ɔyɔ tɔtɔe œshenōe kō ye, ɔyɔ kō á elenōe kōegaga nene,
 endje de yé œ ko va ga tōe owo.

¹¹ Œmōe, mōe sōe kōeza batisimu fōe 'e dōe ungu
 mbōerōe kōema adōeke 'e yapa ɔtshɔ 'e ye. Kashe
 tsheneke á tshe na manda mōe, tshe za bala
 batisimu fōe 'e dōe ɔtshɔ Ishiri œdōe dōe owo. Tshe
 ropa mōe dōe gbɔgbɔ ye, mōe lili kōeka ga utshu ye
 dōe pe kōezu uwu œrada nōe ye nene.

¹² Tshe za tshekara kōepe dōe tshelōe indji ng-
 warōe ga tshaabrōe ye, yé tshe mea indji ngwarōe
 mbōerōe kōekurutshelōe nōe dōe oforo. Tshe gu-
 masōe indji ngwarōe ga la kogba, yé œ ko oforonōe
 va ga tōe owo neke á ru nene.»

Batisimu nōe Yisu
(Wu 6a tōe Mar 1.9-11; Luk 3.21-22)

¹³ Anga ɔ̀lɔ bale, Yisu to ɔ̀a lɔe Galilayi yé œ ro ɔ̀a ndœ Yowane ɔ̀a langu Yɔrdane, tshe na ndoo dœ Yowane mbœrœ adœke tshe za batisimu fœ œne.

¹⁴ Yowane yi lima ndœ kœvwaratœ ye, yé á pa adœke: «Ɛmœ dá li má adœke ɔ̀œ za batisimu fœ mœ, yé ɔ̀œ kpa na ga ndœ mœ adœke mœ za batisimu fœ ɔ̀œ a!»

¹⁵ Kashe Yisu gi fœ she adœke: «Yindœ nœ adœke œ mbœrœtœ ye ngɔngɔnœ asœke ataa. Gbam-banœ nene, mara á li adœke a mbœrœ œrœ á sœ ndjii dœmœ.» Yé Yowane kœyindœ nœ ye.

¹⁶ Manda kœgbɔ batisimu nœ Yisu, tshe wuta langu. Kolœ pe dœ lɔndɔnœ asœmœ, tshalafɔ kɔrɔ ga pa ye, tshe wu fshiri nœ Ndjaba œ jerœ ga pa ye ɔ̀ata mbepa.

¹⁷ Yé tshama to ɔ̀a lafo œ pa adœke: «Tsheneke asœke kœdœ Gbolo nœ mœ á mœ yindœ ye waa, mœ za yanga nœ mœ kɔ ga ndœ ye.»

4

Djaboro wu lɔsu Yisu

(Wu ɔ̀a tœ Mar 1.12-13; Luk 4.1-13)

¹ Manda nœ, fshiri nœ Ndjaba to Yisu na tœnœ ga lœ kpagagasho mbœrœ adœke djaboro wu lɔsu ye.

² Manda kœmbœrœ ɔ̀lɔ zazu bisha œdœ butshɔ zazu bisha ndœ kœyotshelœma, Yisu sœ lima dœ ogo.

³ Djaboro, ayi kœwu lɔsu, na ndoo dœ she yé œ pa adœke: «Ɛdœ ɔ̀œ kœdœ Gbolo nœ Ndjaba, pa fœ badja asœke œ fatœ ye tœ mapa.»

⁴ Kashe Yisu gi adœke: «Endje sú ɔ̀a la Buku nœ Ndjaba adœke: “Uzu œ sœ dœ soro kolœ mbœrœ

mapa nene, kashe dœ o'o kɔ á wuta lœ ama Ndjaba.”»

⁵ Dœ tœncœ ataa, djaboro na dœ she œrrr 6a lœ Yerusaleme á dœ ongbo á sœ yercœ, œ za she tɔ 6a pa kumu Tepelo,

⁶ á œ pa fœ she adœke: «Edœ 6œ kœdœ Gbolo nœ Ndjaba, i dœ tœ zœ tshiri ga ati. Gbambancœ nene, endje sú 6a la buku nœ Ndjaba adœke:

“Ndjaba œ za awa o'o fœ aandjelu nœ ye mbœrcœ 6œ,

endje za 6œ ga ati dœ kane endje

mbœrcœ á 6œ kœzaza ada zœ tɔ badja nene.”»

⁷ Yé Yisu gi fœ she adœke: «Endje su ndje 6a la Buku nœ Ndjaba adœke: “Wuwu lɔsu Gbozu Ndjaba nœ zœ nene.”»

⁸ Djaboro kpa ɔ dœ she œrrr 6a tœ leta kumu ingiri kaga œ ma ogo gbozu tshapashɔ djigi dœ ɔtshɔrcœ, ndje dœ mokɔncœ fœ she,

⁹ yé á pa fœ she adœke: «Mœ ko œrcœncœ asœke kɔ fœ 6œ œdœ 6œ kœgote ga utshu mœ mbœrcœ kœdonga mœ.»

¹⁰ Yé Yisu kœgi fœ she adœke: «Gitœ zœ ga zœ, Satana! Gbambancœ nene, endje sú 6a la buku nœ Ndjaba adœke: “Donga Gbozu Ndjaba nœ zœ, yé œ za awwala kolœ fœ she tshebabale.”»

¹¹ Ndara tœ asœke, djaboro kœkatœ ye yé. Aandjelu kœgitœ endje ndoo dœ she, yé á kœtetœ kœmbœrcœ akwa fœ she.

*Yisu tetœ kœmbœrcœ akwa nœ ye 6a lœ Galilayi
(Wu 6a tœ Mar 1.14-15; Luk 4.14-15)*

¹² Lɔkɔ á Yisu dji adœke endje za Yowane ayi kœza batisimu ga lœ kánga, tshe kwatœ ye ga lœ Galilayi.

13 Tshe katœ Nazarete ti, œ na kœsœ 6a lœ Karpawumu, ongbo á sœ tœ mangu egerœ ungu adanga nœ Galilayi, 6a lœ ogo Zabulone œdœ pe 6a lœ Nefetali.

14 Œ sœ lima ataa mbœrœ adœke o'o á ayi kœgbara o'o Isaya pa tœncœ, kœmbœrœtœ endje. Tshe pa o'onœ adœke:

15 «Ogo Zabulone œdœ Nefetali,
á sœ tœ awa kœro ga la egerœ ungu adanga, 6a
kele ungu Yordane,
ogo Galilayi á angbi azu sœ lœncœ ascœmœ!

16 Azuncœ á endje sœ lœ ubu osho ascœmœ,
wu egerœ ingbisho!
Mbœrœ endjeneke á endje sœ lœ ubu osho nœ
kuzu,
ingbisho wuta ga pa endje!»

17 Pe dœ lœkœncœ ascœmœ, Yisu tetœ kœyisœ œrœ adœke: «'E yapa œtshœ 'e, gbambœncœ nene, Ogo gbozu nœ tshalafu ndo ye!»

*Yisu e ali ayambarœ nœ ye
(Wu 6a tœ Mar 1.16-20; Luk 5.1-11)*

18 Œlœ bale, Yisu sœ lima kœna tœ mangu egerœ ungu adanga nœ Galilayi, yé œ wu aayazu bisha, Shimu á anga i'iri ye kœdœ Petro œdœ ayancœ dœ Andere á endje dœ lima aayi kœpara ageatshalang. Endje sœ lima kœvwi gbanda 6a la egerœ ungu adanga.

19 Yisu pa fœ endje adœke: «'E na manda mœ, mœ fa 'e tœ aayi kœpara azu.»

20 Pe kpœtœ œscœncœ, endje ka lima tœ gbanda nœ endje ti yé œ na manda ye.

²¹ Tshe na lœ ingirinœ, œ kpa wu anga aayazu bisha, Ayakobo dœ ayancœ dœ Yowane, endje kœdœ agbolo nœ Zebedayi. Endje sœ lima lœ agba nœ endje awa bale dœ aba endje dœ Zebedayi, yé œ sœ lima tœ kœguma gbanda nœ endje. Yisu e endje.

²² Pe kpœtœ œscœncœ, endje katœ agba œdœ aba endje ti, yé œ na manda ye.

Yisu yisœ œrœ yé œ she azu

²³ Yisu ro djelœ ogo Galilayi djigi; tshe sœ lima kœyisœ œrœ 6a lœ Sinagoga para. Tshe sœ lima kœmindœ Ɔtsho O'o nœ ogo gbozu yé œ sœ lima kœshe azu lœ kœ6a œdœ lœ gbakindi nœ endje kœ.

²⁴ Upu nœ ye za lima ogo Siri djigi, yé endje sœ lima kœna dœ azu á endje sœ lima dœ tshelœ aka kœ6a kœ fœ she, azu á endje sœ dœ ekpe ishiri pa endje, dœ azu á endje sœ dœ kœ6a œkœ œdœ endjeneke á ada endje tshu. Yé Yisu she lima endje ye.

²⁵ Ukpulu azu ndjoro na lima manda ye: Endje to lima 6a lœ Galilayi, 6a lœ ogoncœ á endje e i'irinœ adœke tshalakpi ndjokpa* ascœmœ, dœ azu Yerusaleme ndje dœ ogo Yuda, œdœ endjeneke 6a lœ ogo á sœ 6a kele ungu Yordane.

5

Yisu yisœ œrœ 6a pa kaga (Wu 6a tœ Mar 3.13; Luk 6.12-13,20)

* **4.25** Tshalakpi ndjokpanœ kœdœ ongbo ndjokpa á angbi azu sœ lima lœncœ.

¹ Lɔkɔ á Yisu wu ukpulu azu ascemœ, tshe ɔ ga pa kaga yé œ sœ ga ati. Ayambarœ nœ ye na ga indiri ye,

² yé á tshe tetœ kœyisœ œœœ fœ endje adœke:

Adja yanga

(Wu 6a tœ Luk 6.20-23)

³ «Yanga nœ azu á endje sœ dœ lɔsu nœ oyo, gbambanœ nene, Ogo gbozu nœ tshalafœ kœdœ œœœ endje!

⁴ Yanga nœ azu á endje sœ tœ iki, gbambanœ nene, Ndjaba œ turu ngola endje!

⁵ Yanga nœ azu á endje sœ dœ lɔsu ziti, gbambanœ nene, endje gbɔ bala ogonœ á Ndjaba pa tœœœ!

⁶ Yanga nœ azu á endje sœ dœ adja ogo kœmbœœœ œœœ á sœ ndjii, gbambanœ nene, Ndjaba œ to gbɔgbɔ kœmbœœœ tœœœ fœ endje!

⁷ Yanga nœ azu á endje wu oyo anga endje, gbambanœ nene, Ndjaba œ wu oyo endje!

⁸ Yanga nœ azu á lɔsu endje sœ yerœ, gbambanœ nene, endje wu bala Ndjaba!

⁹ Yanga nœ azu á endje sœ kœmbœœœ adœke kœsœ gee sœ ugurutœ azu, gbambanœ nene, Ndjaba œ e endje agbolo nœ ye!

¹⁰ Yanga nœ endjeneke á endje sœ kœmbœœœ œœœ kanga fœ endje mbœœœ œeneke á sœ ndjii; gbambanœ nene, Ogo gbozu nœ tshalafœ sœ mbœœœ endje!

¹¹ Yanga nœ 'e œ kœsœ adœke azu gu 'e, œ mbœœœ œœœ kanga fœ 'e yé œ pa tshelœ áká ekpe o'o kɔ ga tœ 'e mbœœœ upu nœ mœ.

12 'E mətœe 'e yé œ sœe dœe egerœe yanga; gbambanœe nene, œerœe tshangbanœe sœe kœekate 'e tœe egerœenœe 6a lafo. Kolœe dœe maranœe ataa, endje mbœerœe ndje lima œerœe kanga fœe aayi kœegbara o'o á endje sœe lima utshu 'e.»

Ingbiri œedœe Ingbisho

(Wu 6a tœe Mar 9.50; Luk 14.34-35; 8.16; 11.33)

13 «'E' kœedœe ingbiri tshapashɔ. Kashe œe kœesœe adœeke kœenga ingbiri ka lœenœe ye, endje kpa gi ga lœenœe koto o? Endje kpa li kœembœerœe tœenœe dœe akwa bale nene. Endje za va e ga ushu, yé azu œe na pa nœe dœe ada endje.

14 «'E' kœedœe ingbisho tshapashɔ. Ongbo á sœe 6a pa kaga, œe li kœezatœe ye yiwa tœenœe nene.

15 Endje tata owo ga tœe miinda mbœerœe kœeza ga tshakudu losú nene. Kashe endje za 6a pa gbarœe kœeza miinda ga panœe yekane á kœetshi pa azu kɔ á endje sœe lœe anda.

16 Awa bale ndje, œe li adœeke ingbisho nœe 'e tshi 6a utshu azu mbœerœe adœeke endje wu ɔtshœrœe á 'e sœe kœembœerœe tœenœe, yeka á kœedonga Aba 'e á tshe sœe 6a lafo.»

Kœeyisœerœe tœe upu nœe awa akwa

17 «'E' gbegebe adœeke mœe na kœewo awa akwa œedœe aayi kœegbara o'o nene. Mœe nana kœewo tœenœe œe wo nene, kashe mœe na adœeke œeneke á endje pa kœembœerœetœe endje.

18 Mœe mindœe nœe fœe 'e dœe adjapu adœeke: Bata œendœe tshalafœe dœe pe tshapashɔ sœepe kœedi tœenœe, tshakanea a'eara uwu mbeti œeneke á endje sú ala buku nœe awa akwa œe 'i nene œerrr ga tœe adœeke œerœe kɔ mbœerœetœe ye yekane.

19 Mbœercœ tœncœ ataa, œdœe uzu kœvwaratœ ye kœliscœ anga awa o'o teasho lœ awa akwanœ asœeke yé á sœ kœyiscœ nœ fœ anga azu adœeke endje mbœercœ ndje awa bale, uzuncœ ascœmœ œ dœe bala aya uzu 6a lœ Ogo gbozu nœ tshalafœ. Kashe uzu á tshe liscœ awa akwanœ yé á yiscœ nœ fœ anga azu adœeke endje liscœ nœ, uzuncœ ascœmœ œ dœe bala egerœ uzu 6a lœ Ogo gbozu nœ tshalafœ.

20 Mœe sœe kœepa fœ 'e adœeke, œdœe 'e kœœscœscœ kœembœercœ œercœ á sœe ndjii kœeropa œncœ aayi kœyiscœ awa akwa œdœe Afarisayi nene, 'e li kœeli ga lœ Ogo gbozu nœ tshalafœ nene.»

Kœyiscœercœ tœe upu nœe ókó

(Wu 6a tœe Mar 11.25; Luk 12.57-59)

21 «'E dji adœeke endje pa lima fœe aata azœ adœeke: “Bœe wo uzu nene. Uzu kœ á tshe wo yangancœ, œ li adœeke endje na dœe she ga utshu aayi kœewa ngbanga.”»

22 Yé œmœe, mœe mindœe nœe fœe 'e adœeke: «Uzu kœ á tshe kœscœ dœe ókó ga tœe ayancœ, œ li adœeke endje na dœe she 6a utshu aayi kœewa ngbanga. Uzu á tshe kœegu ayancœ adœeke: “Wuscœercœ wu”, œ li adœeke endje na dœe she 6a lœ anda kœewa ngbanga nœe azu nœe Ndjaba*. Uzu á tshe kœegu ayancœ adœeke: “Iyi sœe lœe kumu zœe!” Œ li adœeke endje vwi she ga lœe lifelo.»

23 Œdœe 6œe kœena kœekatœe makabo nœe zœe ga pa ndaba fœe Ndjaba, á 6œe gbetshelœe zœe 6a zœe adœeke aya zœe sœe dœe o'o ga tœe zœe,

* 5.22 Ukpulu aayi kœewa ngbanga nœe azu nœe Ndjaba dá Ayuda e lima tœncœ Sanedre

24 katœ makabo nœ zœ ti kpœtœmœ, 6a utshu ndabanœ yé œ na utshunœ œ guma tshagurutœ zœ dœ aya zœ, yeka á kœna kœkatœ makabonœ fœ Ndjaba.

25 «Ædœ 6œ kœsœ dœ upu dœ yanga zœ, pa avwara katsha adœke 6œ djitœ zœ dœ she damba á 'e sœpe tœ ala awa. Ædœ 6œ kœmbœmœrœ ataa nene, tshe za 6œ ga utshu ayi kœwa ngbanga, ayi kœwa ngbanga œ za 6œ fœ aprusu, yé aprusunœ œ za 6œ vwi ga lœ kánga.

26 Mœ mindœ nœ fœ 6œ dœ adjapu adœke, œdœ endje kœvwi 6œ ga lœ kánga, œrrr 6œ ko ngendja á endje di fœ 6œ para kœko yekane á wuta.»

Kœyisœrœ tœ upu nœ kœpara awo uzu

27 «'E dji o'o á endje pa lima adœke: “Bœ para awo uzu nene.”

28 Yé œmœ, mœ mindœ nœ fœ 'e adœke: uzu kœ á tshe kœsœ kœtondœ awo yanganœ dœ ala nœ kœyindoesho, tshe para she ye dœmœ.

29 Yé œdœ 6œ kœsœ kœli ga lœ ekperœ mangba ala zœ á sœ ga tœ kuni zœ, œ li adœke 6œ vwata œ za vwi'i lœ ingirinœ tœ zœ. Gbambanœ nene, œ sœ dœ œtshœnœ mbœrœ 6œ adœke anga œrœ kote zœ bale ndi, tœ œsœnœ adœke endje za undu zœ djigi vwi ga lœ lifelo.

30 Ædœ 6œ kœsœ kœli ga lœ ekperœ mangba kuni zœ, œ li adœke 6œ de œ za vwi'i lœ ingirinœ tœ zœ. Gbambanœ nene, œ sœ dœ œtshœnœ mbœrœ 6œ adœke anga tshakala kane zœ bale ndi, tœ œsœnœ adœke endje za undu zœ djigi vwi ga lœ lifelo.»

*Kæyisærcœ tœ upu nœ kœkurutshelœ totœ
(Wu 6a tœ Mat 19.9; Mar 10.11-12; Luk 16.18)*

³¹ «Endje kpa pa lima adœke: “Ædœ uzu kœkatœ awonœ ti, œ li adœke tshe za mbeti kœkurutshelœ totœ fœ she.”

³² Yé œmœ, mœ mindœ nœ fœ 'e adœke: Uzu kɔ á tshe katœ awonœ ti mbœrcœ á tshe mbœrcœ angba budu tshakane ye nene, tshe vwa yashenœ ascœmœ ndœ kœmbœrcœ angba budu. Yé uzu kɔ á tshe to yashe á akɔnœ katœ ye ti, tshe mbœrcœ ndje angba budu dœ yashenœ ascœmœ.»

Kæyisærcœ tœ upu nœ kœwa igi

³³ «'E kpa dji o'o á endje pa lima fœ aata azœ. Endje pa lima adœke: “Wawa igi zœ ndœ wala nene, kashe mbœrcœ œrcœ á 6œ wa igi zœ 6a utshu Gbozu Ndjaba tœ upunœ.”

³⁴ Yé œmœ, mœ pa fœ 'e adœke 'e wawa igi 'e bale nene. 'E wawa dœ i'iri tshalafo nene; gbambanœ nene, œtœncœ kœdœ ngande tshagbozu nœ Ndjaba.

³⁵ 'E wawa igi 'e dœ i'iri ɔshɔ nene; gbambanœ nene, œtœncœ kœdœ osho kœsœ á Ndjaba œ ko ada ye ga tœncœ. 'E wawa igi 'e dœ i'iri Yerusaleme nene; gbambanœ nene, œtœncœ kœdœ ongbo nœ egerœ Gbozugo.

³⁶ Adja wawa igi zœ bale dœ kumu zœ nene; gbambanœ nene, 6œ li kœmbœrcœ adœke anga sukumu zœ bale wuta tœ imbinœ too tœ ubunœ nene.

³⁷ Pa koloencœ “Æ” œ kœdœ “Æ”, yé “œœ” œ kœdœ “œœ”. Æneke kɔ á 6œ kpa ko ga pa nœ ascœmœ, œ to 6a ndœ Satana.»

Kæyisæroe tœ upu nœ kœgi ekperœ mangba ekperœ

(Wu 6a tœ Luk 6.29-30)

³⁸ «'E dji œeneke á endje pa lima adœeke: “Uzu kœsu ala zœ, 6œ su ndje ala ye; yé uzu kœkɔ iji zœ, 6œ kɔ ndje iji ye.”

³⁹ Yé œmœ, mœ pa fœ 'e adœeke 'e gigi ekperœ fœ uzu á tshe mbœrœ ekperœ fœ 'e nene. Œdœ uzu kœda бага zœ ga tœ kuni, fa œnœ gele fœ she yé tshe kpa da ndje.

⁴⁰ Œdœ uzu kœtɔ meza pa zœ fœ ayi kœwa ngbanga adœeke œene za læba okoro nœ zœ tœ zœ ye, ka ndje tœ yɔgbɔdɔ læba nœ zœ ti fœ she yé tshe za ndje.

⁴¹ Œdœ uzu kœza 6œ dœ ɔgbɔ adœeke 6œ za gbarœ œ gi dœ œene mangba uwu ada kutu bale, za gbarœnœ œ gi dœ she mangba uwu ada kutu bisha.

⁴² To œrœ fœ uzu á tshe esho ndœ œrœ tœ zœ. Œdœ uzu kœ'esho ndœ kudá 6a ndœ zœ, vwavwaratœ zœ tœ kœza fœ she nene.»

Kœsœ dœ kœyindœsho ga ndœ ayingba

(Wu 6a tœ Luk 6.27-28,32-36)

⁴³ «'E dji œeneke á endje pa lima adœeke: “Yindœ yanga zœ yé œ yiangba yingba zœ.”

⁴⁴ Yé œmœ, mœ pa fœ 'e adœeke 'e yindœ ayingba 'e, yé œ za avwala fœ Ndjaba mbœrœ endjeneke á endje sœ kœmbœrœ œrœ kanga fœ 'e,

⁴⁵ yeka á 'e kœwuta agbolo nœ Aba 'e á tshe sœ 6a lafo. Gbambanœ nene, tshe sœ kœmbœrœ adœeke ɔɔ nœ ye tɔ ga pa aayi kœmbœrœ ekperœ dœ aayi kœmbœrœ ɔtshœrœ. Tshe sœ kœmbœrœ

ndje adœeke yavuru ni ga pa azu á endje sœ ndjii dœ azu á endje sœsœ ndjii nene.

⁴⁶ Gbambancœ nene, œdœ 'e kœyi kolœ ndœ azu á endje yindœ 'e, œrcœ tshangbancœ á 'e gbœ kœdœ gade? Aayi kœko ngendja lapo mbœmbœrcœ ndje dœ tœ endje atamœ nene a?

⁴⁷ Œdœ 'e kœsœ kœbala kolœ aaya 'e, 'e gbe adœeke 'e mbœrcœ egerœ œrcœ a? Azu á endje wuwusœ Ndjaba nene mbœmbœrcœ ndje atamœ nene a?

⁴⁸ Ataa, Aba 'e 6a lafo sœ yerœ, e'e ndje 'e sœ 6ata she.»

6

Kœyisœrcœ tœ upu nœ kœto œrcœ fœ aayi oyo

¹ «Ala 'e gbœ tœ mara á 'e sœ kœmbœrcœ dœ akwa nœ Ndjaba tœ ala azu kane. 'E mbœmbœrcœ ɔtshœrcœ á Ndjaba yindœ nœ kolœ adœeke azu wu 'e nene. Œdœ 'e kœmbœrcœ ataa, 'e gbœ œrcœ tshangba nœ 6a ndœ Aba 'e á tshe sœ 6a lafo ascœmœ nene.

² Ataa, lœkœ á 6œ kœto œrcœ fœ ayi oyo, 6i6i dœ itshi adœeke ala azu kœ sœ ga tœ zœ nene, 6ata á awulapatshœ œ mbœrcœ 6a lœ Sinagoga œdœ 6a tœ ala awa. Endje sœ kœmbœrcœ ataa adœeke azu donga œne. Mœ mindœ nœ dœ adjapu fœ 'e adœeke: Endje gbœ œrcœ tshangba œncœ endje ye.

³ Kashe œbœ, œdœ 6œ kœto œrcœ fœ ayi oyo, mbœmbœrcœ adœeke gele zœ wusœ œneke á kuni zœ mbœrcœ nene.

⁴ Ataa, œ li adœeke œrcœncœ á 6œ to ascœmœ sœpe lœ ubuncœ. Yé Aba zœ á tshe wu œrcœ á mbœrcœtœ endje lœ ubuncœ, œ gi œrcœ tshangbancœ fœ 6œ.»

*Kœyisœrœ tœ upu nœ kœza avwala
(Wu 6a tœ Luk 11.2-4)*

⁵ «Ædœ 'e kœsœ kœza avwala fœ Ndjaba, 'e sœsœ 6ata awulapatsho nene. Endje yindœ nœ adœke œne li 6a lœ Sinagoga too œne wuta 6a lœ shangbeda awa, œ ka dœ ada œne yeka á kœza avwala adœke azu kœ kœwu œne. Mœ pa fœ 'e dœ adjapu adœke: Endje gbœ œrœ tshangba œnœ endje ye.

⁶ Kashe œ6œ, œdœ 6œ kœyindœ kœza avwala, li ga lœ gbœsho nœ zœ œ tshu manda ga tœnœ, yé œ za avwala fœ Aba zœ á tshe sœ 6a zœ 6a tœ osho á sœ lœ ubunœ. Yé Aba zœ á tshe wusœ œrœ kœ á sœ lœ ubunœ, œ gi œrœ tshangba nœ fœ 6œ.»

⁷ «Ædœ 'e kœsœ kœza avwala, 'e papa o'o œerr 6ata azu á endje wuwusœ Ndjaba nene œ pa. Endje sœ kœgbe adœke œdœ œne kœpa o'o œerr dá Ndjaba œ dji œne dœ otshœnœ.

⁸ 'E mbœembœrœ 6ata endje nene; gbambanœ nene, Aba 'e wusœ œneke á 'e sœ dœ ogonœ utshunœ adœke 'e yu she tœnœ.

⁹ 'E wu mara á li adœke 'e za dœ avwala:
“Aba 'a á 6œ sœ 6a lafo,
kaka azu kœ wusœ nœ adœke i'iri zœ sœ yerœ.

¹⁰ Kaka Ogo gbozu nœ zœ na,
kaka gbetshelœ nœ zœ mbœœrœtœ endje 6a pa œsho 6ata á mbœœrœtœ endje 6a lafo.

¹¹ To rœgo á li adœke 'a zi kpesheke fœ 'a.

¹² Djerœndœ ekperœ nœ 'a,
6ata 'a djerœ ndje ndœ ekperœ nœ endjeneke á endje mbœœrœ fœ 'a.

¹³ Yé kakatœ 'a ti adœke 'a li ga lœ kœwu lœsu nene, kashe vvara 'a lœ ekperœ.

[Gbambanœ nene, œbœ kædœ Gbozu, á bœ sœ dœ gbɔgbɔ œdœ mokɔ waa dœ waa. Ame.]”

14 «Yé œdœ 'e kædjerœndœ ekperœ nœ azu, Aba 'e á tshe sœ ɓa lafo œ djerœ ndje ndœ ekperœ nœ 'e.

15 Kashe œdœ 'e kædjedjerœndœ ekperœ nœ azu nene, Aba 'e œ djerœndœ ekperœ nœ 'e á 'e mbœrœ bale nene.»

Kœyisœrœ tœ upu nœ kœyotshelœma

16 «Lɔkɔ á 'e kœsœ kœyotshelœma 'e, 'e sœsœ dœ oyo ɓata á awulapatshɔ œ mbœrœ nene. Endje sœ kœndi tshatshu endje dœ mara adœke azu kɔ wusœ nœ adœke œne sœ kœyotshelœma œne. Mœ mindœ nœ fœ 'e dœ adjapu adœke: Endje gbɔ œrœ tshangba œncœ endje ye.

17 Kashe œbœ, œdœ ɓœ kœsœ kœyotshelœma zœ, djutɔ tshatshu zœ, yé œ da kada,

18 mbœrœ azu kœwuwusœ nœ adœke ɓœ sœ kœyotshelœma zœ nene. Kashe kolœ Aba zœ á tshe sœ ɓa zœ lœ ubuncœ, œshe dá wusœ nœ. Œdœ ɓœ kœmbœrœ ataa, Aba zœ á tshe wu œrœ á sœ lœ ubuncœ asœmœ, œ to œrœ tshangbanœ fœ ɓœ.»

Kœyisœrœ tœ upu nœ kœgbœrœ ɓa lafo

(Wu ɓa tœ Luk 12.33-34)

19 «'E ngbɔngbɔɓa kœgbœrœ tshapashɔ asœke nene. Gbambanœ nene, ɓa zœ akɔkɔ œ zi, ngbandji œ ndi kotencœ yé aayi angba œ kavwa manda œ ziangba nœ ye.

20 Kashe 'e ngbɔɓa kœgbœrœ ɓa lafo. Gbambanœ nene, ɓa zœ œdœ akɔkɔ œ zi nene, œdœ ngbandji œ ndi nene, yé aayi angba gugu ndje tœ kœkavwa manda á kœzi angbanœ nene.

21 Gbambance nene, osho á kœgbærcœ nœ zœ sœ tœncœ, lœsu zœ œ sœ ndje kpœtœmœ.»

Miinda nœ undu uzu
(*Wu 6a tœ Luk 11.34-36*)

22 «Ala uzu kœdœ miinda nœ undu ye. Œdœ ala zœ kœsœ dœ œtshœncœ, undu zœ djigi œ sœ lœ ingbisho.

23 Kashe œdœ ala zœ kœsœ dœ kœbœ, undu zœ djigi œ sœ lœ ubu osho. Ataa, œdœ ingbisho á sœ lœ zœ kœdœ ubu osho, ubu oshonœ ascœmœ kpa sœ nari!»

Ndjaba too ngendja
(*Wu 6a tœ Luk 16.13; 12.22-23*)

24 «Uzu bale lili kœembœrcœ akwa fœ agbozu bisha nene. Gbambance nene, œdœ tshe kœeyiangba anga bale, tshe yindœ udu anga. Tshe kœzatœ ye fœ anga bale, tshe titœ ye tœ udu anga. 'E lili kœembœrcœ akwa fœ Ndjaba yé œ kpa za ndje tœ 'e fœ ngendja nene.»

A za lœsu azœ djigi fœ Ndjaba
(*Wu 6a tœ Luk 12.22-31*)

25 «'E wu ádánœ á mœ mindœ nœ fœ 'e adœke: 'E zaza lœsu 'e ga lafo tœ upu nœ kœzirœ œdœ kœendjœrcœ á 'e gbe dœ tœncœ mbœrcœ soro 'e nene, too kœgbe dœ lœba á 'e yindœ kœverœ ga tœ kote 'e nene. Soro uzu roropa kœzirœ nene a? Yé undu uzu roropa lœba nene a?

26 'E tondœ ayanu kane. Endje lulu ngwarœ nene, œ kœkœ ndje œrcœ nene yé œ gugu dœ kogba kœgumasœ rœgo ga lœncœ nene, kashe Aba 'e á tshe sœ 6a lafo sœ kœto kœzirœ fœ endje. 'E roropa endje nene a?

27 Æðe ugurutœ 'e, læ kœgbetshelœ ye, dá li kœza anga olo bale ga pa olo soro ye a?

28 «Yé mbœrœ gadé á 'e sœ kœza lœsu 'e ga lafo tœ upu nœ læba a? 'E wu mara á ndákɔ leyɔ œ wuta dœ tœnœ ɓa læ kindi kane: Æ sœ kœmbœrœ akwa nene, œ sœ ndje kœsu læba nene.

29 Kashe mœ pa fœ 'e adœke, Salomo á tshe dœé lima ayi kœgbœrœ waa, veverœ lima læba bale ɓata anga ndákɔ leyɔnœ asœke nene.

30 Ndjaba dá verœ læba kpesheke ga tœ gusu á sœ læ kindi yé ɓa mbatsha owo œ ju. Æðe Ndjaba kœmbœrœ ataa ga tœ a'eara ɔyɔ, tshe lili kœko læba fœ 'e kœropa nœ nene a? 'E'e kœdœ azu á kœyindœrœ nœ 'e sœ teasho!

31 'E zaza lœsu 'e ga lafo tœ kœyutœ 'e nene adœke: “A zi gadé? 'A ndjo gadé? 'A verœ læba gadé?”

32 Azu á endje wuwusœ Ndjaba nene dá para œrœnœ asœmœ kɔ. Kashe Aba 'e á tshe sœ ɓa lafo wusœ nœ adœke 'e gbe dœ tœnœ kɔ.

33 'E para utshunœ Ogo gbozu nœ Ndjaba, œdœ œrœ á sœ ndjii ɓa utshu Ndjaba, yé udu œrœ kɔkɔ, Ndjaba œ to fœ 'e.

34 Ataa, 'e zaza lœsu 'e ga lafo tœ upu nœ œrœ á mbœrœtœ endje ɓa mbatsha nene. Tshambatsha sœ ndje dœ upu nœ ye. Olo bale dœ bale sœ dœ o'o nœ ye.»

7

*'E wawa ngbanga pa anga 'e nene
(Wu ɓa tœ Luk 6.37-38,41-42)*

1 «'E wawa ngbanga pa uzu bale nene, mbœrœ á Ndjaba kœwawa ndje ngbanga pa 'e nene.

² Gbambanœ nene, Ndjaba œ wa ngbanga pa 'e b̄ata á 'e wa ga pa anga 'e. Adja mara œrœ á 'e li dœ anga 'e dá tshe li ndje dœ 'e.

³ Mbœrœ gad̄e á b̄œ sœ kœtondœ oforo ebe á sœ lœ ala aya zœ yé á gbegbe dœ maḃaya á sœ lœ ala zœ nene a?

⁴ Koto á b̄œ pa fœ aya zœ adœke: “Kaka mœ tshakavwa oforo ebe á sœ lœ ala zœ”, andaa maḃaya sœ lœ œnœ zœ a?

⁵ Wulapatsh̄o, tshakavwa maḃaya á sœ lœ ala zœ ascœmœ utshunœ œ wu osho ngbi yeka á kœtshakavwa oforo ebe á sœ lœ ala aya zœ.

⁶ «'E toto œrœ neke á sœ yerœ fœ ayavoro nene. Œdœ 'e kœmbœrœ ataa, endje fatshelœtœ endje tœ 'e œ lo 'e. 'E koko agb̄o œrœ tshelœ igi nœ 'e va fœ ak̄so nene kparawa adœke endje kœzurutshelœ nœ nene.»

*'E kœȳndœ œrœ, endje to fœ 'e ye
(Wu ḃa tœ Luk 11.9-13)*

⁷ «'E kœȳndœ œrœ, endje to fœ 'e ye; 'e kœpara œrœ, 'e gb̄o ye; 'e kœnge manda, endje k̄r̄o fœ 'e ye.

⁸ Gbambanœ nene, uzu k̄o á tshe ȳndœ œrœ, endje to fœ she; tsheneke á tshe para œrœ, tshe gb̄o; yé tsheneke á tshe nge manda, endje k̄r̄o fœ she.

⁹ Œdœ ugurutœ 'e dá za badja fœ gbolo nœ ye œdœ tshe kœȳndœ kœzirœ a?

¹⁰ Too œdœ tshe kœyu she ndœ ageatshalangu, tshe za yakoro fœ she a?

¹¹ Ataa, œdœ 'e á 'e dœ akpe azu, 'e wusœ kœto ðtsh̄rœ fœ agbolo nœ 'e, yekane Aba 'e á tshe sœ ḃa lafo kœtoto ðtsh̄rœ fœ endjeneke á endje ȳndœ nœ ḃa ndœ ye nene a?

12 «'E mbœrcœ fœ anga 'e ɓata œeneke á 'e yindœ nœ adœeke endje mbœrcœ fœ 'e. Asœ kœdœ œeneke á awa akwa œdœ aayi kœgbara o'o nœ Ndjaba yisœ nœ.»

Awa bisha
(*Wu ɓa tœ Luk 13.23-24*)

13 «'E li tœ aya manda. Gbambancœ nene, manda kœro ga ndœ kuzu sœ tœ egerœncœ, awa kœ li ga zœ sœ ndje ngbi yé azu á endje ro tœncœ lœ ndjoro.

14 Kashe manda nœ soro á ka nene sœ teasho, awa á ro ga zœ mi dœ gusu yé azu kœro tœncœ mimi.»

Aayi kœgbara o'o nœ wala
(*Wu ɓa tœ Mat 12.33; Luk 6.43-44*)

15 «'E sœ dœ gbɔdjela tœ aayi kœgbara o'o nœ wala. Gbambancœ nene, endje sœ kœna ga ndœ 'e ɓata apata kashe lœsu endje sœ ɓata lœsu amuru á endje wo osho.

16 'E wusœ endje mbœrcœ akwa tshelœ endje. Gbambancœ nene, endje kœkœ ɔtshœ leyœ ɓa tœ ekpe ɔyœ nene, endje kœkœ ndje ele fige ɓa tœ batima nene.

17 ɔtshœ ɔyœ kœ sœ kœzu ɔtshœ elencœ, yé ɔyœ á sœ dœ kœba sœ kœzu ndje elencœ tœ ekpenœ.

18 ɔtshœ ɔyœ lili kœzu elencœ tœ ekpenœ nene, yeka ɔyœ á sœ dœ kœba œ zu ndje ɔtshœ elencœ nene.

19 ɔyœ kœ á elencœ kœgaga nene, endje de yé œ ko va ga tœ owo.

20 Ataa, 'e wusœ aayi kœgbara o'o nœ wala mbœrcœ akwa tshelœ endje.»

Kœwusœ adja ayambarœ
(*Wu ɓa tœ Luk 6.46; 13.25-27*)

21 «Ɛ dœdœ uzu kɔ á tshe e mœ adœke: “Gbozu, Gbozu”, dá li ga lœ Ogo gbozu nœ tshalafɔ nene, kashe kolœ endjeneke á endje sœ kœmbœrœ œrœ á Aba mœ á tshe sœ ɓa lafo yindœ nœ, dá li ga zœ.

22 Dœ lɔkɔnœ asœmœ, azu ndjoro œ pa bala adœke: “Gbozu, Gbozu”, 'a gbara lima o'o dœ i'iri zœ; 'a gɔrɔ lima ekpe ishiri dœ i'iri zœ; 'a mbœrœ lima afá ndjoro dœ i'iri zœ!

23 Yé mœ pa bala ngbi fœ endje adœke: “Mœ wuwusœ 'e bale nene, e'e dœ aayi kœmbœrœ ekperœ, 'e gitœ 'e tœ ala mœ!”»

Anda bisha

(Wu ɓa tœ Luk 6.47-49)

24 Yisu kpa pa adœke: «Uzu kɔ á tshe kœdji o'o á mœ totœ kœpa tœnœ asœke yé á za ga tœ akwa, tshe sœ ɓata uzu nœ kœwusœrœ á tshe mɔ anda nœ ye ga pa badja.

25 Yavuru ni, ungu sú yé egerœ yugu na œ za kpɩkpɩkpɩ, kashe andanœ tete nene. Gbambanœ nene, endje mɔ lima kiti andanœ ga pa badja.

26 Kashe uzu kɔ á tshe kœdji o'o á mœ totœ kœpa tœnœ asœke yé á kœzaza ga tœ akwa nene, tshe sœ ɓata ayi indi á tshe mɔ anda nœ ye ga pa mindu.

27 Yavuru ni, ungu sú, egerœ yugu na œ za andanœ yé œ kavwa 'uru ga ati.»

Tshagbozu nœ Yisu

(Wu ɓa tœ Mar 1.22; Luk 4.32)

28 Lɔkɔ á Yisu yi lima sœ œrœnœ á ka, azu kɔ ka lima tœ ama ndje ti ɔsɔ tœ mara kœyisœrœ nœ ye.

29 Gbambanœ nene, tshe yiyi lima sœ œrœ ɓata aayi kœyisœ awa akwa nœ endje nene, kashe tshe yi lima sœ nœ ɓata uzu á tshe sœ dœ tshagbozu.

8

*Yisu she anga ayi boroma bale**(Wu 6a tœ Mar 1.40-45; Luk 5.12-16)*

¹ Yisu sœ lima kœetara kaga gu tœncœ yé ukpulu azu sœ kœena manda ye.

² Yé anga ayi boroma bale gitœ ye ndoo dœ she œ gote ga utshu ye, œ pa adœke: «Gbozu, œdœ 6œ kœyindœ nœ, 6œ mbœrcœ adœke mœ wuta yerœ.»

³ Yisu yi kane ye, œ goro she yé œ pa adœke: «Mœ yindœ nœ adœke 6œ wuta yerœ ye.» Petœ œsœncœ, tshe wuta yerœ lœ boroma nœ ye.

⁴ Yé Yisu kœpa fœ she adœke: «Mesho! Papandœ nœ fœ uzu bale nene. Kashe gu œ matœ zœ fœ nganga Ndjaba yé œ to tokóró 6ata á Moyize pa lima ndœ nœ, mbœrcœ kœema fœ azu kœ adœke 6œ wuta yerœ ye.»

*Yisu she ayi akwa nœ gbozu tshapa aturugu**(Wu 6a tœ Luk 7.1-10; Yow 4.43-54)*

⁵ Lœkœ á Yisu sœ lima kœeli ga lœ Kaparnawumu, anga gbozu tshapa aturugu tshelœ Roma na ndoo dœ she œ ki fœ she

⁶ adœke: «Gbozu, ayi akwa nœ mœ lo 6a scœnda, ada ye tshu tshakudu ye yé tshe sœ kœewu oyo tœpanœ kpuru.»

⁷ Yisu pa fœ she adœke: «A gu dœ mœ she she.»

⁸ Kashe gbozu tshapa aturuguncœ gi adœke: «Gbozu, mœ scœscœ 6ata azu á 6œ li anda nœ endje nene. Œdœ 6œ kœyindœ nœ, pa kolœ o'o bale, ayi akwa nœ mœ œ she ye.

⁹ Gbambancœ nene, œmœ ndje, mœ sœ dœ agbozu tshapa mœ yé mœ dœ ndje gbozu tshapa aturugu. Œdœ mœ kœpa fœ anga bale adœke:

“Na”, ngbewo tshe na. Cædœ mœ kpa kœpa fœ anga adœke: “Na ga mœ”, ngbewo tshe na ga ndœ mœ. Yé cædœ mœ kœpa fœ anga ayi akwa nœ mœ adœke “mbœrœ œeneke”, ngbewo tshe mbœrœ.»

¹⁰ Lɔkɔ á yisu dji o'o á gbozu tshapa aturugu scœmœ pa, tshe katœ ama ye ti ɔsɔ œ pa fœ azu á endje scœ lima kœna manda ye adœke: «Mœ scœ kœmindœ nœ fœ 'e dœ adjapu adœke, mœ gbɔgbɔ anga mara kœyindœrœ asœke ndœ anga uzu bale lœ Israyele nene.

¹¹ Mœ scœ kœpa ndje fœ 'e adœke, azu ndjoro œ to ɓa tœ osho á ɔɔ œ wuta tœncœ cædœ ɓa tœ osho á ɔɔ œ li tœncœ, yé œ gbɔ osho kœscœ ɓa pa ndaba ɓa lœ Ogo gbozu nœ tshalafœ awa bale dœ Abrayamo, dœ Izaka cædœ pe Yakobo.

¹² Kashe endjeneke á li ma lima adœke endje kœli ga lœ Ogo gbozu nœ Ndjaba, endje vwi endje ga lœ ubu osho ɓa shu. Yé ɓa zœ, endje ki œ zi tshelœ daji endje.»

¹³ Yé Yisu kœpa fœ gbozu tshapa aturuguncœ adœke: «Gu ga ndœ zœ, Ndjaba mbœrœ œeneke á ɓœ yœndœ nœ liaka kœyindœrœ nœ zœ ye.» Yé kolœ dœ ada ɔlœncœ asœmœ, ayi akwa nœ gbozu tshapa aturugu she ye.

Yisu she aayi kɔɓa ndjoro

(Wu ɓa tœ Mar 1.29-34; Luk 4.38-41)

¹⁴ Manda nœ, Yisu na ɓa lœ anda nœ Petro, œ gbɔ ayi mbeyancœ, tshe lo ga ati dœ kɔɓa biwa.

¹⁵ Tshe za kane ye, yé kɔɓa biwanœ katœ ye yé. Ayi mbeya Petro áafœ œ tetœ kœmbœrœ akwa fœ Yisu.

¹⁶ Dœ lœndɔ á ɔɔ li, endje na dœ azu ndjoro á ekpe ishiri scœ pa endje fœ Yisu. Tshe gœrɔ ekpe

ishiri pa azunœ asœmœ dœ o'o ama ye, yé œ she ndje anga ayi koba kɔ.

¹⁷ Tshe mbœrœ lima ataa mbœrœ o'onœ á Isaya ayi kœgbara o'o nœ Ndjaba pa lima kœmbœrœtœ endje. Tshe pa lima adœke: «Æshe dá ko gbakindi nœ azœ yé á ko koba nœ azœ ga pa ye.»

*Azu á endje gbe kœna manda Yisu
(Wu 6a tœ Luk 9.57-62)*

¹⁸ Lɔkɔ á Yisu wu ukpulu azu á endje ndivwiri lima she, tshe za o'o fœ ayambarœ nœ ye adœke œne zu 6a itshi egerœ ungu adanga.

¹⁹ Anga ayi kœyisœ awa akwa gitœ ye ndoo œ pa fœ she adœke: «Ayi kœyisœrœ, mœ na manda zœ tœ osho kɔ á 6œ na tœnœ.»

²⁰ Yisu gi fœ she adœke: «Angbangewo sœ dœ anda nœ endje 6a lœ œshɔ, yé ayanu sœ ndje dœ koma endje 6a lafo, kashe Gbolo nœ uzu gugu dœ osho kœlo tœnœ nene.»

²¹ Anga yambarœ nœ Yisu bale pa fœ she adœke: «Gbozu, za awa fœ mœ, mœ na œ shi aba mœ utshunœ yekane.»

²² Yé Yisu kœgi fœ she adœke: «Na manda mœ, yé œ katœ akuzu endje shi akuzu nœ endje.»

*Yisu rá yugu
(Wu 6a tœ Mar 4.35-41; Luk 8.22-25)*

²³ Yisu ɔ ga lœ agba yé ayambarœ nœ ye ro awa bale dœ she.

²⁴ Ngbangi atake, ndavuru yugu za gu tœnœ kpikpiki pa egerœ ungu adanga, lokonœ na yé ungu yi lima koetu ga lœ agba. Kashe Yisu lo lima œnœ ye yé.

²⁵ Ayambarœ gitœ endje ndoo dœ she, á jo she lœ olo dœ kœpa dœ ɔgbɔ adœke: «Gbozu, she azœ kane! A tshu ke a!»

²⁶ Yisu gi fœ endje adœke: «Mbœrœ gadé á 'e sœ dœ awaa? Kœyindœrœ nœ 'e sœ teasho! Yé tshe kœaafo á kœra yugu œdœ egerœ ungu adanganœ, osho kœyi tá.» ²⁷ Azu kɔkɔ kitœ œsœncœ yé œ sœ lima kœpa adœke: «Uzunœ asœke koedœ dé? Tshe sœ kœpa o'o fœ yugu œdœ fœ ungu yé œ sœ koedji o'o ama ye!»

*Yisu she azu bisha á ekpe ishiri sœ pa endje
(Wu 6a tœ Mar 5.1-20; Luk 8.26-39)*

²⁸ Lɔkɔ á Yisu yi kumu ye 6a atshi egerœ ungu adanga, 6a lœ ogo nœ Agadaraye, azu bisha á ekpe ishiri sœ pa endje to 6a pa udu yé œ na gu tœncœ ga ndœ ye. Endje nga lima waa dœ mara adœke uzu bale œ li kœsɔ dœ awanœ asœmœ nene.

²⁹ Endje tetœ koeta rawa adœke: «Yisu Gbolo nœ Ndjaba, 6œ yindœ kœmbœrœ œrœ gadé tœ 'a a? Bœ na 6a ke kœgaga kumu 'a a? Olo nœ 'a lili damba nene.»

³⁰ Andaa egerœ ukpulu akɔso sœ lima kœpara kœzirœ ndoo kpœmœ.

³¹ Aekpe ishirinœ di tsheloema endje fœ Yisu adœke: «Ædœ 6œ kœyindœ kœgɔrɔ 'a, vwa 'a, 'a li ga lœ ukpulu akɔso asœ.»

³² Yé Yisu kœpa fœ endje adœke: «'E na zœ!» Endje wuta lœ azu asœmœ yé œ na œ li ga lœ akɔso. Ngbewo akɔso sœmœ ndjoro to 6a pa kaga 'uru 'uru 'uru dœ ɔrɔ tra tœncœ œrrr ga la egerœ ungu adanga, yé œ nduru kɔ ye.

³³ Azu á endje sœ lima kœgbœndœ akɔsonœ kpa ye. Endje kpagu 6a lœ ongbo œ mindœ œrœ kɔ

á mbœrœtœ endje ga tœ azu soemœ bisha á ekpe ishiri soe pa endje foe azu.

³⁴ Yé azu tshelœ ongbonœ para kókó wuta kœgbótœ endje dœ Yisu. Lókó á endje wu she, endje ki foe she adœke tshe gitœ ye lœ ogo nœ œne ye.

9

Yisu she uzu á ada ye tshu

(Wu 6a tœ Mar 2.1-12; Luk 5.17-26)

¹ Yisu ɔ ga lœ agba, œ zu egerœ ungu adanga yé œ gu ga lœ ongo nœ ye.

² Endje za anga uzu á ada ye tshu, á tshe lo ga pa kelekpa, na tœnœ foe she. Lókó á Yisu wu kœyindœrœ nœ azunœ ascœmœ, tshe pa foe uzunœ á ada ye tshu adœke: «Soe dœ gbɔgbɔ, gbolo nœ mœ! Mœ djerœndœ ekperœ nœ zœ ye!»

³ Koedji atamœ, anga aayi kœyisœ awa akwa tetœ kœpa ugurutœ endje dœ tœ endje adœke: «Uzu ascœke soe kœgu œsœ Ndjaba!»

⁴ Kashe Yisu wu lima soe gbetshelœ nœ endje yé œ pa foe endje adœke: «Mbœrœ gade á 'e soe dœ ekpe gbetshelœ tœ lœsu 'e ata a?»

⁵ Edœ mœ kœpa adœke: “Mœ djerœndœ ekperœ nœ zœ”, too mœ kœpa ndje adœke: “Aalafo œ na ana”, o'o neketa dá dœ œgbɔ o'o a?»

⁶ Kashe mœ yindœ nœ adœke 'e wusœ nœ adœke: Gbolo nœ uzu soe dœ gbɔgbɔ pa œshɔ tœ koedjerœndœ ekperœ.» Manda nœ, tshe kœpa foe uzu á ada ye tshu ascœmœ adœke: «Aalafo, za kelekpa nœ zœ yé œ gu ga ndœ zœ!»

⁷ Uzunœ ascœmœ kœalafo á kœgu ga lœ anda nœ ye.

⁸ Lɔkɔ á ukpulu azu wu ataa, awa litœ endje yé endje tetœ kœdonga Ndjaba tœ mara gbɔgbɔ neke á tshe to fœ azu.

Yisu e Matie

(Wu ɓa tœ Mar 2.13-17; Luk 5.27-32)

⁹ Yisu katœ tshakpœmœ ti yé œ tetœ kœero tœnœ, ngbewo œ wu anga uzu a i'iri ye kœdœ Matie á tshe sœ ga ati ɓa lœ anda kœko ngendja lapo. Tshe pa fœ she adœke: «Na manda mœ!» Matie áalafo yé œ na manda ye.

¹⁰ Manda nœ, Yisu sœ lima kœzirœ ɓa sœnda nœ Matie. Aayi kœko ngendja lapo ndjoro dœ pe azu kœmbœrœ ekperœ sœ lima kœzi œrœ awa bale dœ she œdœ ayambarœ nœ ye.

¹¹ Afarisayi wu lima ataa œ yu ayambarœ nœ ye adœke: «Mbœrœ gadœ á ayi kœyisœrœ nœ 'e œ zi œrœ tœ œsœnœ bale dœ aayi kœko ngendja lapo œdœ dœ azu kœmbœrœ ekperœ a?»

¹² Yisu dji endje yé œ pa adœke: «Uzu á tshelœ ɔkɔ ye sœ yerœ gbegbe dœ monganga nene, kashe aayi kɔɓa dá gbe dœ she.

¹³ 'E gu œ para ádá o'o á endje sú ɓa la buku nœ Ndjaba adœke: “'E sœ dœ lɔsu nœ kœwu oyo ga ndœ azu, œtœnœ dá mœ yindœ nœ, kashe tokóró nene.” Gbambanœ nene, mœ nana mbœrœ kœ'e azu neke á endje sœ ndjii nene, kashe mœ na mbœrœ aayi kœmbœrœ ekperœ.»

Yisu tœ upu nœ kœyotshelœma

(Wu ɓa tœ Mar 2.18-22; Luk 5.33-39)

¹⁴ Ayambarœ nœ Yowane ayi kœza batisimu na ga ndœ Yisu yé œ yu she adœke: «Mbœrœ gadœ á 'a œdœ Afarisayi, 'a sœ kœyotshelœma 'a kpala

kpala yekane á ayambarœ nœ zœ mboembœœ ataa nene a?»

¹⁵ Yé Yisu gi fœ endje adœke: «'E gbe adœke azu á endje e endje ndœ angbo totœ œ sœ dœ oyo dœ lƔkœ á ayi kœto yashe sœ kpœtœ œsœœœ bale dœ endje a? Œ œ nene! Kashe manda nœ œerrr, lƔkœ á endje kœza she tshakane endje dá endje yotshelœema endje.

¹⁶ «Yé Yisu kpa kœpa fœ endje adœke uzu bale zaza tafo lœba œ pi ga pa ongboronœ nene. Gbam-banœ nene, tafo ndœema lœbanœ œ suru tshelœ ongboronœ, yé ogoronœ œ kpa sœ dœ egerœœœ.

¹⁷ Endje susu tafo ipi ga lœ ongboro anga nene. Atamœ nene, tshelœ anga œ 'u, ipinœ œ tu, yé anganœ œ ndi ye. Kashe endje sú tafo ipi ga lœ tafo anga, atamœ œœœ bale œ ndi nene.»

*Anga yawuru yuda œdœ anga yashe kœba indji
(Wu 6a tœ Mar 5.21-43; Luk 8.40-56)*

¹⁸ LƔkœ á Yisu sœ kœpa o'onœ asœmœ fœ endje ataa, anga gbozu nœ Ayuda yikumu ye œ gote ga utshu ye, yé œ pa adœke: «Yawuru nœ mœ tshu ngœngœœ asœke, kashe na œ to kane zœ ga pa ye yé tshe sœ dœ soro.»

¹⁹ Yisu áalafo yé endje te manda ye, œshe dœ pe ayambarœ nœ ye.

²⁰ Andaa anga yashe bale á tshe sœ lima kœwu oyo dœ kœba indji manda ungu ndjokpa dœ bisha, na djagamanda Yisu œ goro ama lœba ye.

²¹ Tshe sœ lima kœpa 6a lœ ye adœke: «œdœ mœ kœgoro kolœ ama lœba nœ ye, mœ she ye.»

²² Kashe Yisu fatœ ye œ wu she yé á pa adœke: «Sœ dœ gbœgbœ yawuru nœ mœ! Kœyindœœœ nœ

zœ she 6œ ye.» Yé kolœ dœ ada ðlœncœ ascœmœ, yashencœ she lœ kœba nœ ye yé.

²³ Yisu wuta 6a lœ anda nœ gbozunœ ascœmœ. Lœkœ á tshe wu aayi kœ'uru ngbake œdœ ukpulu azu á endje sœ kœta rawa,

²⁴ tshe pa adœke: «'E wuta ga shu, gbambanœ nene, yawurunœ ascœke tshutshu nene. Tshe sœ tœ olo.» Kashe endje sœ lima kœmœ she.

²⁵ Lœkœ á endje gœrœ ukpulu azunœ ga ushu, Yisu li 6a tœ osho á gbolonœ sœ tœncœ, œ za kane ye yé tshe áalafo.

²⁶ Yé o'onœ za tshelœ ogo djigi.

Yisu she aayibula bisha

²⁷ Lœndœ á Yisu katœ tshakpœtœmœ ti á sœ kœro tœncœ, anga aayibula bisha te manda ye dœ rawa adœke: «Wu oyo 'a, Gbolo nœ Davidi!»

²⁸ Lœkœ á Yisu wuta 6a lœ anda, aayibulanœ bisha na ndoo dœ she yé tshe yu endje adœke: «Adja 'e yindœ nœ adœke mœ mbœrœ ala 'e œ kœrœ a?» Endje gi fœ she adœke: «Ë, Gbozu.»

²⁹ Yisu to kane ye ga pa ala endje yé œ pa adœke: «Kaka œ mbœrœtœ ye fœ 'e liaka kœyindœrœ nœ 'e.»

³⁰ Yé ala endje kœrœ. Á Yisu kœpa fœ endje dœ œgbœ adœke: «'E dji mœ dœ œtshœncœ, 'e papandœ nœ fœ uzu bale nene!»

³¹ Kashe endje wuta, œ pandœ o'o nœ Yisu lœ ogonœ djigi.

Yisu she uzu bale á tshe papa o'o nene (Wu 6a tœ Luk 11.14-15)

³² Lɔkɔ á endje yi lima ndœ kœwuta toenœ, endje na dœ anga uzu á tshe papa o'o nene fœ she. Tshe sœ lima dœ ekpe ishiri pa ye.

³³ Yé Yisu gɔrɔ ekpe ishirinœ pa ye, á tshe tetœ kœpa o'o. Ukpulu azu ki lima tœ œsœnœ, œ pa adœke: «'A wuwu ɓalima mara anga œrœ atake bale lœ Israyele nene!»

³⁴ Kashe Afarisayi pa lima adœke: «Gbozu tshapa aekpe ishiri dá to gbɔgbɔ kœgɔrɔ dœ ekpe ishiri fœ she asœmœ!»

Yisu wu oyo ukpulu azu

(Wu ɓa tœ Mar 6.6b,34; Luk 10.2)

³⁵ Yisu na lima dje lœ ongbo œdœ dje lakpi kɔ, tshe sœ lima kœyisœ œrœ ɓa lœ Sinagoga nœ endje. Tshe sœ lima kœyisœ Ŏtshɔ O'o nœ Ogo gbozu nœ Ndjaba yé œ sœ lima kœshe azu lœ aka kɔɓa kɔ œdœ lœ gbakindi kɔ.

³⁶ Kœwu ukpulu azu, tshe sœ lima dœ oyo tœ lœsu ye. Gbambanœ nene, endje mɔ lima lœ gbetshelœ nœ endje yé œ gugu lima dœ gbɔgbɔ nene ɓata apata á aayi kœgbɔndœ endje gugu nene.

³⁷ Yé tshe kœpa fœ ayambarœ nœ ye adœke: «Leyɔ doro ndjoro lœ kindi, kashe aayi akwa ngbangba nene.

³⁸ Ataa, 'e ki fœ ayengɔ kindinœ adœke tshe kpa vwa anga aayi akwa mbœrœ kœkɔ toenœ.»

10

Aayi avwa ndjokpa dœ bisha (12)

(Wu ɓa tœ Mar 3.13-19; Luk 6.12-16)

¹ Yisu e ayambarœ nœ ye ndjokpa dœ bisha asœmœ, œ to gbɔgbɔ kœgɔrɔ dœ ekpe ishiri fœ

endje adœke endje kœgɔrɔ dœ endje yé œ she azu lœ aka kɔɓa kɔ dœ lœ gbakɛndi kɔ.

² F'iri aayi avwanœ ndjokpa dœ bisha dœke: Utshunœ kœdœ Shimu á anga i'iri ye kœdœ Petro œdœ ayanœ dœ Andere. Ajake dœ Yowane á endje kœdœ agbolo nœ Zebedayi,

³ Filipo œdœ Bartelemi, dœ Toma, dœ Matie ayi kœko ngendja lapo, dœ Jake gbolo nœ Alefe, dœ Tade,

⁴ dœ Shimu* uzu kanana, dœ Yudasi Isikariote, œshe á tshe ka Yisu.

*Yisu vwa aayi avwa nœ ye ndjokpa dœ bisha
(Wu 6a tœ Mar 6.7-13; Luk 9.1-6)*

⁵ Yisu vwa aayi avwanœ ndjokpa dœ bisha dœ kœza 'o fœ endje adœke: «'E nana œ li ga lœ ogo nœ angbi azu nene, 'e lili ndje ga lœ ongbo nœ azu Samariya nene.

⁶ Kashe 'e na ga ndœ apata á endje djingili awa á endje dœ azu Israyele.

⁷ Tœ awa na tœnœ, 'e mindœ o'o adœke: “Ogo gbozu nœ tshalafɔ ndo ye!”

⁸ 'E she aayi kɔɓa, 'e mbœrœ adœke akuzu kpa kwatœ endje ga lœ soro, 'e mbœrœ adœke aayi boroma wuta yerœ, 'e gɔrɔ ekpe ishiri. Bata á 'e gbɔgbɔ lœ awa nœ ngendja nene, 'e toto ndje lœ awa nœ kœ'esho ndœ ngendja nene.

⁹ Adja 'e zaza œrœ too anga langere ngendja bale ga lœ uwu tœ 'e nene,

¹⁰ too ngbade kœna dœ ana nene. 'E koko lœba okoro bisha nene, œdœ œrada, œdœ tshœngbɔ

* **10.4** Shimunœ asœke sœ lima uгурutœ azu á endje para lima awa kœgbɔ lipanda lœ ogo nœ endje.

potœ 'e nene. Gbambancœ nene, ayi akwa li kœgbo œercœ tshangba akwa noe ye.

11 «Lɔkɔ á 'e kœwuta ga lakpi too ga lœ anga ongbo, 'e para uzu neke á tshe li kœza osho kœsœ fœ 'e dœ ɔtshɔncœ, yé œ sœ kpcœndœ ye kpcœtœmœ œerrr ga tœ kœkatœ tshalakpinœ asœmœ ti.

12 Lɔkɔ á 'e kœli ga lœ anda noe uzu, 'e pa adœke: “Kœsœ gee sœ dœ 'e.”

13 (Edœ azu tshascœndancœ kœza osho kœsœ fœ 'e, kœsœ gee noe 'e œ sœ dœ endje. Kashe œdœ endje kœzaza osho kœsœ fœ 'e nene, 'e gi kœsœ gee noe 'e pa endje ye.

14 Yé œdœ azu anga tshalakpi bale too anga tshascœnda bale kœvwaratœ endje tœ kœza osho kœsœ fœ 'e, too tœ kœdji o'o ama 'e ye, 'e katœ tshakpcœtœmœ ti, yé œ gɔrɔ trusha tshada 'e ti kpcœtœmœ.

15 Mœ sœ kœpa dœ adjapu fœ 'e adœke, dœ lɔkɔncœ á Ndjaba œ wa ngbanga pa azu, azu ogoncœ asœmœ œ gbɔ djofele kœropa œncœ azu Sodomœ dœ Gomora.

Ercœ kanga á sœ kœna tœncœ

(Wu ba tœ Mar 13.9-13; Luk 21.12-17)

16 «'E wu! Mœ sœ kœvwa 'e b̄ata apata b̄a ugu-rutœ amuru. 'E sœ dœ gbɔdjela b̄ata ayakoro yé œ sœ dœ ɔmɔ l̄ɔsu b̄ata ambepa.

17 Ala 'e gbɔ tœ azu. Gbambancœ nene, endje ko 'e na tœncœ ga utshu aayi kœwa ngbanga noe azu noe Ndjaba yé œ sɔ 'e dœ ndjapa b̄a lœ Sinagoga noe endje.

18 Endje ko ndje 'e bala tɔ b̄a utshu agboro agbozu œdœ pe agbozugo mbœrcœ á 'e kœdœ azu

nœ mœ. Ataa, œ za awa fœ 'e adœke 'e pa o'o tœ upu nœ mœ fœ endje, azunœ œdœ endje á endje doédœ Ayuda nene ascœmœ.

¹⁹ Lɔkɔ á endje kœto 'e na tœnœ ɔa tœ osho kœwa ngbanga, 'e tɔtɔ lɔsu 'e tœ mara á 'e gi dœ o'o nene. Gbambanœ nene, dœ ada ɔlɔnœ ascœmœ, endje to o'o á li adœke 'e pa fœ 'e.

²⁰ Œ doédœ 'e dá pa o'onœ nene, kashe Ishiri nœ Aba 'e œ pa o'o lœ 'e.

²¹ «Ayazu œ va ɔtɔ ayanœ adœke endje wo she, yé aba kœzu uzu œ mbœrœ ndje ataa fœ gbolo nœ ye; agbolo œ yiangba aayi kœzu endje yé œ ko endje adœke endje wo endje ye.

²² Azu para kɔkɔ œ yiangba 'e mbœrœ i'iri mœ kashe uzu á tshe shi gbi œrrr ga tœ ndɔngɔlɔnœ, Ndjaba œ she she.

²³ Œdœ endje kœmboœrœ œrœ kanga fœ 'e ɔa lœ anga ongbo bale, 'e kpa ga lœ anga angbinoœ. Mœ pa fœ 'e dœ adjapu adœke, Gbolo nœ uzu œ na, damba 'e nana dje lœ ongbo Israyele kɔkɔ nene.

²⁴ «Yambarœ bale roropa ayi kœyisœrœ fœ she nene, yé ayi akwa roro ndje pa gbozu nœ ye nene.

²⁵ Kashe yambarœ œ sœ dœ yanga œdœ endje kœwu she ɔata ayi kœyisœrœ nœ ye, yé ayi akwa œ sœ ndje dœ yanga œdœ endje kœwu she ɔata gbozu nœ ye. Œdœ azu kœna œrrr á e ayengɔ anda Belezebula†, i'iri gadœ dá endje e ga tœ azu tshasœnda nœ ye a?»

*Uzu á endje li kœkpawa ye
(Wu ɔa tœ Luk 12.1-27)*

† **10.25** Belezebula kœdœ i'iri djaboro á tshe dœ gbozu tshapa aekpe ishiri.

26 «Awa uzu bale zaza 'e nene. Ćeroe neke kɔ á zatœ endje yiwa tœncœ œ matœ endje ngbi ga shu, yé œeneke kɔ á sœ læ ubuncœ, azu œ wusœ nœ kɔ.

27 O'o á mœ sœ kœpa fœ 'e læ ubuncœ ascœmœ, 'e pa tshandœncœ dœ ɔɔ, yé angba o'o á endje sœ kœpa ga læ utu 'e, 'e pandœ nœ ngbi ga shu.

28 'E kpakpa awa azu á endje wo undu uzu kashe á endje lili kœwo ishiri uzu nene; 'e kpa awa Ndjaba á tshe li kœwo undu uzu œdœ ishiri ye ɓa læ lifelo.

29 Endje kaka a'eara ayanu bisha ndœ kœgbɔ langere ngendja bale nene a? Andaa, anga bale ugurutœ endje œ te ga tœ ɔshɔ nene œdœ Aba 'e kœyiyindœ nœ nene.

30 Kashe e'e, œdœ sukumu 'e, Ndjaba di kɔ.

31 Mbœercœ tœncœ ataa, 'e scœsœ dœ awa nene, gbambancœ nene, 'e ropa a'eara ayanu ye.»

Kœpa o'o tœ upu nœ Yisu utshu azu

(Wu ɓa tœ Luk 12.8-9)

32 «Uzu kɔ á tshe yindœ nœ ɓa tœ ala azu adœke œne kœdœ yambarœ nœ mœ, mœ yi ndje ndœ ye ɓa utshu Aba mœ á tshe sœ ɓa lafo adœke œshe kœdœ uzu nœ mœ.

33 Kashe tsheneke á tshe 'ea mœ ɓa utshu azu, mœ 'ea ndje she ɓa utshu Aba mœ á tshe sœ ɓa lafo.»

Kœsœ gee nene kashe ingiri yakamba

(Wu ɓa tœ Luk 12.51-53; 14.26-27)

34 «'E gbegebe adœke mœ na mbœercœ kœza kœsœ gee ɓa pa ɔshɔ nene. Mœ nana mbœercœ kœza kœsœ gee nene, kashe mœ na dœ ingiri yakamba.

³⁵ Adjapu, mœ na kœkurutshelœ gbolo yakoshe dœ abanœ, yawuru dœ ayinœ, yashe dœ yinœ dœ yashe.

³⁶ Uzu dœ uzu œ sœ dœ ayingba ye lœ anda nœ ye.

³⁷ Uzu á tshe yindœ abanœ too ayinœ kœropa mœ, tshe lili kœdœ uzu nœ mœ nene. Uzu á tshe kœyindœ gbolo yakoshe too gbolo yawuru nœ ye kœropa mœ, tshe lili kœdœ uzu nœ mœ nene.

³⁸ Uzu á tshe kœza kurushi nœ ye yé á na manda mœ nene, tshe lili kœdœ uzu nœ mœ nene.

³⁹ Uzu á tshe kœyindœ kœgbœndœ soro ye, œ yiwatœ ye yé. Kashe tsheneke á tshe kœyindœ kœtshu mbœrœ mœ, tshe sœ dœ soro.»

Kœgi tshangba œrœ

(Wu 6a tœ Mar 9.41)

⁴⁰ «Uzu neke á tshe kœza osho kœsœ fœ 'e, dá tshe za ndje fœ mœ ye. Uzu neke á tshe kœza osho kœsœ fœ mœ, dá tshe za ndje fœ tsheneke á tshe vwa mœ.

⁴¹ Uzu á tshe kœza osho kœsœ fœ anga ayi kœgbara o'o nœ Ndjaba mbœrœ á tshe kœdœ ayi kœgbara o'o ascœmœ, tshe gbœ œrœ tshangbanœ 6ata á Ndjaba sœ kœto fœ ayi kœgbara o'o. Yé tsheneke á tshe za osho kœsœ fœ uzu á tshe sœ ndjii mbœrœ á tshe kœdœ uzu ndjii utshu Ndjaba, tshe gbœ ndje œrœ tshangbanœ 6ata uzu á tshe sœ ndjii.

⁴² Mœ mindœ nœ dœ adjapu fœ 'e adœke, uzu kœ á tshe su ungu kœendjoondjo, œdœ œ kœdœ yashi ziti ungu tshebabale fœ anga aya gbolo lœ agbolonœ ascœke mbœrœ á tshe dœ yambarœ nœ mœ, Ndjaba œ to œrœ tshangbanœ fœ she.»

11

Yowane ayi kœza batisimu vwa azu fœ Yisu (Wu 6a tœ Luk 7.18-35)

¹ Lɔndɔ á Yisu za o'o fœ ayambarœ nœ ye nd-jokpa dœ bisha á ka, tshe katœ tshakpœtœmœ ti œ ro kœyisœ œrœ œdœ kœmindœ ɔtshɔ O'o nœ Ndjaba dje lœ ongbo nœ endje.

² Andaa, Yowane ayi kœza batisimu sœ lœ kánga, yé tshe djindœ o'o akwa á Kristu sœ kœembœrœ tœncœ, ngbewo á vwa anga ayambarœ nœ ye

³ kœyu Yisu adœke: «Ɛbœ kœdœ tsheneke á tshe sœ kœna tœncœ a, too 'a kate anga angbi uzu?»

⁴ Yé Yisu kœgi fœ endje adœke: «'E gu œ pandœ œneke á 'e dji yé á wu fœ Yowane adœke:

⁵ Aayibula tetœ kœwu osho, aayi gbada na ana, aayi boroma wuta yerœ, aayi bitu dji o'o, akuzu kwatœ endje ga lœ soro, yé endje mindœ ɔtshɔ O'o fœ aayi oyo.

⁶ Yanga nœ uzu á tshe kakatœ kœyindœrœ nœ ye ga ndœ mœ nene!»

⁷ Lɔndɔ á ayambarœ nœ Yowane gu da ye, Yisu tetœ kœpandœ Yowane fœ ukpulu azu adœke: «Ɛrœ gadé dá 'e na kœwu tœncœ 6a lœ kpagagasho a? A'eara ɔyɔ á yugu sœ kœmea tœncœ a? Ɛ œ nene.

⁸ Yé œrœ gadé dá 'e na kœwu tœncœ a? 'E na kœwu anga uzu á tshe verœ ɔtshɔ lœba a? Ɛ œ nene, azu á endje verœ ɔtshɔ lœba sœ 6a lœ anda nœ agbozugo.

⁹ Yé ataa, œrœ gadé dá 'e na kœwu tœncœ a? 'E na kœwu ayi kœgbara o'o a? Ɛ, mœ mindœ nœ dœ adjapu fœ 'e adœke tshe ropa ayi kœgbara o'o ye.

¹⁰ Gbambance nene, Yowane ayi koeza batisimu koedoe uzu á endje sú o'o tœ upu nœ ye ba la buku nœ Ndjaba adœeke: “Mœ vwa ayi avwa nœ mœ utshu zœ mbœrœ kœguma ala awa zœ.”

¹¹ Mœ mindœ nœ dœ adjapu fœ 'e adœeke, ugu-rutœ azu tshapashœnce asœeke kœ, anga uzu bale á tshe ropa Yowane ayi koeza batisimu gugu nene. Andaa, tsheneke á tshe sœ teasho ba lœ Ogo gbozu nœ tshalafo ropa ye yé.

¹² Koeto tœ lœkœ á Yowane ayi koeza batisimu wuta kœyisœ œrœ œerrr ga tœ kpesheke, Ogo gbozu nœ tshalafo to toro kœgerœ tœnce. Aayi gbœgbœ dá sœ kœpara awa nœ kœgbœtœ nœ.

¹³ Aayi kœgbara o'o kœ œdœ awa akwa, gbara o'o œerrr ga tœ Yowane.

¹⁴ Yé œdœ 'e kœyindœ kœwusœ nœ dœ œtshœnce, Yowane koedœ Eliya á endje pa lima ndœ kœna she.

¹⁵ Kaka uzu á tshe kœsœ dœ utu, tshe dji!

¹⁶ «Mœ li azu nœ tshakpesheke dœ azu œe? Endje liili dœ agbolo á endje ka ba la wutu kœka œrœ yé á sœ kœpa o'o ugurutœ endje adœeke:

¹⁷ “A 'uru ngbake fœ 'e, kashe 'e vivi ipi nene! 'A bi itshi kuzu fœ 'e, kashe 'e kiki nene.”

¹⁸ Gbambance nene, Yowane ayi koeza batisimu na yé œ vwaratœ ye tœ kœzi œrœ œdœ kœndjo ipi, endje pa adœeke: “Tshe sœ dœ ekpe ishiri pa ye!”

¹⁹ Gbolo nœ uzu na œ sœ kœzi œrœ yé œ sœ kœndjo ipi, endje sœ kœpa adœeke: “E wu makœzirœ, mœendjondjo. Angance koedœ kolœ aayi kœko ngendja lapo œdœ azu kœmbœrœ ekperœ!” Kashe kœwusœtœ nœ Ndjaba sœ kœmatœ ye ndjii lœ awa akwa nœ ye.»

*Kœgbagbara osho tœ upu nœ ongbo Galilayi
(Wu ba tœ Luk 10.13-15)*

²⁰ Yé Yisu tetœ kœgbagbara azu tshelœ ongbo á tshe mbœrœ lima afá ndjoro læncœ; gbambancœ nene, endje yayapa lima otsho endje nene. Tshe pa fœ endje adœke:

²¹ «Oyo nœ zœ, Koraze! Oyo nœ zœ Betesayida! Gbambancœ nene, œdœ afá á mbœrœtœ endje ba ndœ 'e kœmbœrœ má tœ endje ba læ Tire œdœ ba læ Sidona, azu ba zœ œ verœ má sake, yé œ dja má tshelœ kumu endje dœ vorowo mbœrœ kœma adœke œne fatshalosu œne ye.

²² Mbœrœ tœncœ ataa, mœ sœ kœmindœ nœ fœ 'e adœke dœ lœkœ kœwa ngbanga, mœ wa o'o tœ œgbœncœ ga tœ 'e kœropa œncœ azu Tire œdœ Sidona.

²³ Yé e'e dœ azu Kaparnawumu, 'e gbe adœke 'e œ œrrr ga lafo zœ a? 'E jœrœ bala œrrr ba læ ogo nœ akuzu. Gbambancœ nene, œdœ afá á mbœrœtœ endje ba ndœ 'e, kœmbœrœ má lima tœ endje ba læ Sodomo ataa, ongbœncœ ascœmœ œ sœ má œrrr ga tœ kpesheke.

²⁴ Mbœrœ tœncœ ataa, mœ sœ kœmindœ nœ fœ 'e adœke dœ lœkœ kœwa ngbanga, mœ wa o'o nœ 'e tœ œgbœncœ kœropa œncœ azu ogo Sodomo.»

*'E na ga ndœ Yisu œ yatœ 'e
(Wu ba tœ Luk 10.21-22)*

²⁵ Dœ lændœncœ ascœmœ, Yisu pa dœ œgbœ adœke: «Uu Aba, Gbozu nœ tshalafo dœ tshapasho, mœ gi mershe fœ bœ mbœrœ á bœ má ngbi fœ azu á endje wuwusœ œrœ nene adjapu á bœ za yiwa tœncœ tœ azu kœwusœtœ œdœ agbangba kœwusœrœ.

²⁶ Aba, œbœe dá yindœe nœe adœeke œe mbœerœetœe ye ataa.

²⁷ «Aba mœe ko œerœe kœe fœe mœe. Uzu bale wuwusœe Gbolo nene, kolœe Aba dá wusœe ye. Uzu bale wuwusœe Aba nene, kolœe Gbolo dá wusœe ye, œedœe tsheneke á Gbolo yindœe kœema Aba fœe she tako.

²⁸ «E'e dœe azu kœe á 'e mœe dœe kœeko ogboro gbarœe, 'e na ga ndœe mœe, mœe ko gbarœenœe lœe kumu 'e dœe 'e yatœe 'e.

²⁹ 'E za ngbongbo awa bale dœe mœe, yé œe li ga lœe lakœe nœe mœe; gbambanœe nene, mœe dœedœe ayi gbœkumu nene kashe mœe dœe ayi œmœe lœsu. Ataa, 'e li kœeyatœe 'e dœe tœe 'e.

³⁰ Ngbongbo nœe mœe gbœgbœ nene, yé gbarœenœe á a za dœe 'e œe li 'e nene.»

12

Yisu kœedœe ayengœe lœkœe sabata

(Wu 6a tœe Mar 2.23-28; Luk 6.1-5)

¹ Manda nœe teasho atake, Yisu ro lima tœe lœe kœendi ble dœe anga lœkœe sabata. Ogo li lima tœe ayambarœe nœe ye yé endje tetœe kœeverœe ele blenœe asœemœe á sœe kœezi tœenœe.

² Lœkœe á Afarisayi wu ataa, endje pa fœe Yisu adœeke: «Wu, ayambarœe nœe zœe sœe kœembœerœe œerœe á awa akwa vwaratœe ye tœenœe dœe olo sabata!»

³ Yisu gi fœe endje adœeke: «'E didi œeneke á Davidi mbœerœe lima anga œœe bale á ogo mi lima she dœe azu nœe ye á tshe na lima tœe awanœe dœe endje nene a?»

⁴ Tshe li, œeshe œedœe azu nœe ye 6a lœe anda Ndjaba, yé endje zi mapa á endje to dœe tokœrœe fœe Ndjaba; mapa má œedœe she œedœe azu nœe ye, endje

lili má kœzi tœnce nene, kashe á sœ kolœ mbœrœ anganga Ndjaba kuti endje.

⁵ Too 'e didi ndje 6a la buku awa akwa nene adœke dœ lœkœ sabata, ata anganga Ndjaba sœ kœmbœrœ akwa lœ Tepelo gbaa, endje sœ kœmbœrœ œrœ kpi tœ awa akwa, kashe Ndjaba sœsœ kœwu lœ ala ye 6ata ekperœ nene.

⁶ Andaa mœ sœ kœmindœ nœ dœ adjapu fœ 'e adœke, œrœ á 'e wu asœke, œ ropa Tepelo ye.

⁷ Ɔdœ 'e kœwu má sœ ádá o'o á endje sú ala buku nœ Ndjaba adœke: “Mœ yindœ nœ adœke, 'e wu oyo anga 'e kashe tokóro nene;” 'e wawa ngbanga pa azu á endje mbœmbœrœ œrœ bale nene.

⁸ Gbambancœ nene, Gbolo nœ uzu kœdœ ayengœ lœkœ sabata.»

Yisu she uzu á kane ye tshu

(Wu 6a tœ Mar 3.1-6; Luk 6.6-11)

⁹ Yisu katœ tshakpœtœmœ ti, œ na œ li ga lœ Sinagoga nœ endje.

¹⁰ Anga uzu bale á kane ye tshu sœ lima kpœtœmœ. Afarisayi yu lima Yisu dœ o'o adœke: «Awa akwa nœ azœ sœ kœyindœ nœ adœke endje she uzu dœ lœkœ sabata a?» Endje yu lima she ataa mbœrœ á kœgbœ awa kœtœ meza pa ye.

¹¹ Yisu gi fœ endje adœke: «Ɔdœ anga uzu ugu-rutœ 'e kœsœ dœ pata nœ ye tshebabale, á tshe te ga lœ kudu dœ lœkœ sabata, tshe lili kœza she ga ushu nene a?

¹² Uzu ropa pata! Mbœrœ tœnce ataa, awa akwa nœ azœ za awa fœ azœ ndœ kœmbœrœ ɔtshœrœ dœ lœkœ sabata.»

13 Yé Yisu kœpa fœ uzunœ á kane ye tshu adœke:
«Yɔrɔ tshelœ kane zœ.» Tshe yɔrɔ tshelœ kane ye,
yé œ gumatœ ye ðata anga tshakalanœ.

14 Afarisayi gu œ vwarandœ o'o ugurutœ endje
tœ kœpara awa ndœ kœwo Yisu.

Ayi akwa á Ndjaba ke she

15 Lɔndɔ á Yisu djindœ o'onœ ascœmœ, tshe gitœ
ye kpœtœmœ, yé azu ndjoro na manda ye. Tshe
she aayi koba kɔ,

16 kashe œ pa fœ endje dœ ɔgbɔ adœke endje
papa o'o tœ upu nœ œne fœ uzu bale nene.

17 Tshe mbœrœ lima ataa adœke o'o á Ndjaba pa
dœ awa nœ ayi kœgbara o'o Isaya kœmbœrœ tœ
endje.

18 Tshe pa lima adœke:

«Wu ayi akwa nœ mœ á mœ ke she dœke,
mœ yindœ ye waa yé mœ sœ dœ yanga mbœrœ
she.

Mœ vwa Ishiri nœ mœ kœjerœ ga pa ye,
yé tshe yisœ ɔtshɔ awa fœ azu tshapashɔ kɔ.

19 Tshe bœrœtœ ye dœ uzu bale nene,
yé œ ta ndje rawa nene;
endje dji she kœpa o'o tœ ala awa nene.

20 Tshe kavwa tshelœ wara á lu nene,
yé tshe ru miinda á ndoo kœru tœnœ nene,
œrrr ga tœ adœke œneke á sœ ndjii ropa œrœ kɔ
yekane.

21 Yé azu kɔ á endje wuwusœ mœ nene œ ko lœsu
endje ga pa ye.»

*Yisu œdœ Belezebula
(Wu ba tœ Mar 3.22-30; Luk 11.14-23)*

²² Endje na dœ anga uzu bale á ala ye bu yé á tshe papa o'o nene fœ Yisu. Tshe sœ lima dœ ekpe ishiri pa ye. Yisu she uzunœ dœ mara adœke tshe tetœ kœpa o'o dœ pe kœwu osho.

²³ Ukpulu azu á endje sœ lima kpœtœmœ, kitœ œsœnœ yé œ sœ lima kœpa adœke: «Uzunœ asœke kœdœ ata Davidi nene a?»

²⁴ Lœkœ á Afarisayi dji endje kœpa o'o ataa, endje pa ngbi adœke: «Belezebula gbozu nœ ekpe ishiri sœ pa ye. Œshe dá za gbœgbœ fœ she tœ kœgœrœ dœ ekpe ishiri pa azu asœmœ!»

²⁵ Kashe yisu wu lima sœ gbetshelœ nœ endje, yé œ pa fœ endje adœke: «Ogo gbozu kœ á azu tshelœnœ kœsœ kœnga koshe ugurutœ endje, tshelœ ogonœ asœmœ œ ndi ye. Œdœ azu tshelœ ongbo bale too lœ bingi bale kœsœ kœnga koshe ugurutœ endje, tshelœ ongbonœ too bingine œ ndi ye.

²⁶ Œdœ Satana kœsœ kœgœrœ œneke á dœ œnœ Satana, asœmœ dá tshe sœ kœnga koshe ga tœ ye dœ tœ ye. Ataa, Ogo gbozu nœ ye œ sœpe koto o?

²⁷ 'E sœ kœpa adœke Belezebula dá to gbœgbœ fœ mœ yeka á mœ sœ kœgœrœ dœ ekpe ishiri. Yé azu nœ 'e gœrœ ndje ekpe ishiri dœ gbœgbœ nœ dœ? Ataa, azu nœ 'e dœ tœ endje œ yisœ nœ adœke 'e te dœ o'o ye.

²⁸ Kashe œdœ mœ kœsœ kœgœrœ ekpe ishiri dœ Ishiri nœ Ndjaba, dá œ sœ kœma adœke Ogo gbozu nœ Ndjaba wuta ga ndœ 'e ye.

²⁹ «Too ndje, œdœ uzu kœyindœ kœli kœko œrœ dœ œgbœ ɔa lœ anda nœ uzu nœ gbœgbœ; œ li adœke tshe i she vwagbagba ga tœnœ utshunœ yeka á kœli kœko œrœ nœ ye.

³⁰ Uzu á tshe sœsœ awa bale dœ mœ nene, œshe kœdœ yingba mœ. Yé tsheneke á tshe sœsœ kœti kane mœ adœke 'a ngboŋa azu nene, sœ kœndjõtshelœ endje.

³¹ Mbœrœ tœnœ ataa, mœ sœ kœmindœ nœ fœ 'e adœke, Ndjaba œ djerœndœ ekperœ nœ azu kœ œdœ pe kœgu œsœ Ndjaba á endje sœ kœgu tœnœ. Kashe tsheneke á tshe kœsœ kœgu œsœ Ɔtshœ Ishiri, Ndjaba œ djerœndœ ekperœ nœ ye nene.

³² Uzu á tshe pa ekpe o'o dœ upu nœ Gbolo nœ uzu, Ndjaba œ djerœndœ ekperœ nœ ye kashe œdœ tshe kœpa ekpe o'o goro œsœ Ɔtshœ Ishiri, Ndjaba œ djerœndœ ekperœ nœ ye bale nene œdœ lœ soro ye pa œshœ œdœ manda kuzu ye.»

*Endje wusœ Ɔyœ mbœrœ elenœ
(Wu 6a tœ Luk 6.43-45)*

³³ «Ɔdœ Ɔyœ kœdœ Ɔtshœ Ɔyœ, elenœ œ sœ ndje dœ Ɔtshœnœ. Yé œdœ Ɔyœ kœdœ Ɔyœ á sœ dœ kœŋa, elenœ œ sœ ndje dœ kœŋa. Gbambœ nene, endje wusœ Ɔyœ mbœrœ elenœ.

³⁴ Ukpulu ekpe ayakoro! Bata 'e kœdœ aekpe azu asœke, mara gadœ dá 'e li kœpa Ɔtshœ o'o a? Gbambœ nene, o'o á wuta lœ ama uzu to 6a tœ lœsu ye.

³⁵ Ɔtshœ uzu sœ kœmbœrœ Ɔtshœrœ á sœ kœto lœ Ɔtshœ lœsu nœ ye; yé ekpe uzu sœ kœmbœrœ ndje ekperœ á sœ kœto lœ ekpe lœsu nœ ye.

³⁶ Mœ sœ kœmindœ nœ fœ 'e adœke, dœ lœkœ kœwa ngbanga, Ndjaba œ yu azu tœ o'o á endje pa lima ngbilingbili ascœmœ kœ.

³⁷ Gbambœ nene, kolœ lindœ o'o á wuta lœ ama zœ dá 6œ te dœ o'o too 6œ te ndje dœ o'o nene.»

Ayuda yindœ kœwu ambára afá

(Wu 6a tœ Mar 8.11-12; Luk 11.29-32)

³⁸ Yé anga aayi kœyisœ awa akwa œdœ anga Afarisayi pa fœ Yisu adœke: «Gbozu, 'a yindœ nœ adœke 6œ ma anga ambára afá bale fœ 'a kane.»

³⁹ Yisu kœgi fœ endje adœke: «Azu nœ tshakpesheke, endje kœdœ aekpe azu yé œ zazatœ endje fœ Ndjaba nene; endje yindœ nœ adœke œne wu anga ambára afá bale. Kashe endje wu œrœ bale nene, kolœ ambára afá á Ndjaba ma lœ awa nœ ayi kœgbara o'o nœ ye dœ Yona asœmœ.

⁴⁰ Gbambanœ nene, 6ata á Yona mbœrœ ɔlɔ votɔ œdœ butshɔ votɔ 6a lœ egerœ ageatshalangu, awa bale Gbolo nœ uzu œ mbœrœ ndje ɔlɔ votɔ dœ butshɔ votɔ lœ ɔshɔ.

⁴¹ Dœ lɔkɔ kœwa ngbanga nœ azu pa ɔshɔ, azu Ninive œ áalafo œ wa o'o ga pa azu nœ tshakpesheke asœke. Gbambanœ nene, azu Ninive fa lima tshalɔsu endje lɔkɔ á endje dji Yona kœmindœ o'o ama Ndjaba. Kashe uzunœ á tshe sœ kpœke asœke ropa Yona ye!

⁴² Dœ lɔkɔ kœwa bala ngbanga, gbozugo yashe tshapa ogo Saba œ wa o'o ga pa 'e. Gbambanœ nene, tshe to 6a tœ ndɔngɔlɔ tshakala ogo pa ɔshɔ á sœ lœ ingirinœ, á na kœdji o'o kœwusœtœ nœ Salomo. Kashe uzunœ á tshe sœ kpœke asœke ropa Salomo ye!»

Kœkwa ekpe ishiri ga lœ uzu

(Wu 6a tœ Luk 11.24-26)

⁴³ «œdœ ekpe ishiri kœgitœ ye pa uzu, tshe sœ kœkɔrɔ na tœnœ djezœ lœ kpagagasho mbœrœ kœpara osho kœsœ tœnœ. œdœ tshe kœgbɔgbɔ osho kœsœ tœnœ nene,

⁴⁴ tshe sœ kœpa adœke: “Mœ kwatœ mœ ga lœ anda nœ mœ á mœ wuta lœ nœ.” Kashe lœkœ á tshe kœkwatœ ye yé á wu adœke uzu gugu lœ andanœ nene, endje ngbœ tshelœnœ œ guma œrœ tshelœnœ dœ awanœ,

⁴⁵ tshe na œ e anga angbi aekpe ishiri mindu dœ bisha (7) á endje sœ tœ ekpenœ kœrosœ ye. Tshe gu dœ endje awa bale œ li ga sœndanœ yé œ gumatœ endje kpœtœmœ. Ataa, oyo á uzunœ asœmœ œ kpa wu œ ropa œneke má utshunœ. Œ sœ ndje awa bale ataa mbœrœ aekpe azu nœ tshakpesheke.»

*Adja ayi Yisu œdœ pe adja aayanœ
(Wu 6a tœ Mar 3.31-35; Luk 8.19-21)*

⁴⁶ Lœndœ á Yisu sœpe lima kœpa o'o fœ ukpulu azu atake, ayinœ œdœ pe aayanœ yi kumu endje. Endje ka lima 6a ushu yé œ sœ kœpara awa kœpa o'o dœ she.

⁴⁷ Yé anga uzu bale kœpa fœ Yisu adœke: «Ayi zœ œdœ aaya ka 6a ushu œ yindœ kœpa o'o dœ 6œ.»

⁴⁸ Yisu kœgi fœ uzunœ asœmœ adœke: «Œdœ dá dœ ayi mœ a? Œdœ dá dœ aaya mœ a?»

⁴⁹ Yé tshe yisœ ayambarœ nœ ye dœ kane ye, œ pa adœke: «'E Wu ayi mœ œdœ aaya mœ, endje dá sœ ati asœke.

⁵⁰ Gbambanœ nene, uzu á tshe sœ kœmbœrœ œneke á Aba mœ á tshe sœ 6a lafo yindœ nœ, œshe kœdœ aya mœ, yingœ mœ too ayi mœ.»

13

*Ndœma toro tœ upu nœ ayi kœlu ngwarœ
(Wu 6a tœ Mar 4.1-9; Luk 8.4-8)*

¹ Dœ lókɔnœ ascœmœ, Yisu wuta lœ anda œ na kœsœ ga ati ɓa tœ mangu egerœ ungu adanga.

² Ukpulu azu ngbɔtœ endje dje indiri ye á tshe ɔ ga lœ egerœ agba yé á sœ ga ati. Ukpulu azunœ ka lima ɓa tœ mangunœ.

³ Tshe sœ lima kœpa o'o ndjoro lœ ndœma toro, yé œ pa lima fœ endje adœke: «ɔɓ bale, anga uzu na lima ga lœ kindi nœ ye mbœrœ kœlu indji ngwarœ.

⁴ Bata á tshe sœ lima kœlu indji ngwarœnœ, anganœ yo ga tœ ama awa, ayanu wu œ de ye.

⁵ Anganœ yo lima ga lœ oporo badja ɓa tœ oshɔ á ɔshɔ sœsœ ndjoro tœnœ nene. Indji ngwarœnœ ko lima katsha mbœrœ embe ɔshɔnœ lili lima nene.

⁶ Lɔkɔ á ɔɓ tɔ dœ ɔgbɔ, ungbu ngwarœnœ kɔkɔ œ ɔrɔ ye; gbambanœ nene, œshenœ lili waa ga lœ ɔshɔ nene.

⁷ Anga indji ngwarœnœ yo ga lœ ɔyɔ ishi. ɔyɔ ishincœ gboro yé œ napa ungbu ngwarœnœ, awa kœgerœ tœnœ gugu nene.

⁸ Kashe anga indji ngwarœ kpa yo ga lœ ɔtshɔ ɔshɔ, yé œ zu ɔtshɔ elenœ: Bale le kama, anganœ le zazu votɔ (60) yé anganœ le ndje zazu bale dœ ndjokpa (30).»

⁹ Yé Yisu kœpa adœke: «Ædœ 'e kœsœ dœ utu, kaka 'e dji!»

Mbœrœ gade á Yisu sœ kœyisœ œrœ lœ ndœma toro a?

(Wu ɓa tœ Mar 4.10-12; Luk 8.9-10)

¹⁰ Ayambarœ gitœ endje ndoo dœ she, œ yu she adœke: «Mbœrœ gade á ɓœ sœ kœpa o'o lœ ndœma toro a?»

11 Tshe gi fœ endje adœke: «Tœ e'e, 'e li œnœ 'e kœwusœ o'o nœ ádá Ogo gbozu nœ tshalafœ á zatœ endje yiwa tœnœ ye, kashe anga azu, endje lili kœwusœ nœ nene.

12 Gbambanœ nene, uzu á tshe sœ dœ œrœ, endje kpa ko anganœ ga pa nœ yé œ ngba tœ ye waa. Kashe tsheneke á tshe kœgugu dœ œrœ nene, endje kpa ko œneke teasho á tshe sœ dœ tœnœ, tœ ye yé.

13 'E wu ádánœ á mœ sœ kœpa o'o fœ endje lœ ndœma toro mbœrœ endje sœ kœwu œrœ kashe endje sœsœ kœwu tœnœ nene, yé endje sœ kœdji o'o kashe endje sœsœ kœdji tœnœ œdœ kœdji tshelœ katanœ kpœrœ nene.

14 Atamœ, œ mbœrœtœ ye lindœ kœgbara o'o nœ Isaya, á tshe pa adœke:

“E dji o'o waa kashe 'e dji tshelœ katanœ nene, 'e wu œrœ waa kashe 'e wu nene.

15 Gbambanœ nene, lœsu azu asœke wuta dœ œgbœnœ adœke;

endje be utu endje ga tœnœ,

endje be ala endje ga tœnœ

mbœrœ á ala endje wuwu osho nene,

mbœrœ á utu endje djidji o'o nene,

mbœrœ á lœsu endje zaza ádánœ kpœrœ nene

yé ataa endje kpa kwa ga ndœ mœ nene

mbœrœ á mœ kœshe endje.”

16 «Tœ e'e nœ 'e, 'e sœ œnœ 'e dœ yanga gbambanœ nene, ala 'e sœ kœwu osho zœ, yé utu 'e sœ kœdji o'o zœ.

17 Mœ sœ kœmindœ nœ dœ adjapu adœke, aayi kœgbara o'o ndjoro œdœ azu á endje sœ ndjii gbe ndœ kœwu œneke á 'e sœ kœwu tœnœ, kashe endje

wuwu nene. Endje gbe ndje kœdji œeneke á 'e sœ kœdji tœnœ, kashe endje djidji nene.»

*Ádá ndœma toro nœ ayi kœlu ngwarœ
(Wu 6a tœ Mar 4.13-20; Luk 8.11-15)*

¹⁸ «E'e, 'e dji ádá ndœma toro nœ ayi kœlu ngwarœnœ kane.

¹⁹ Azu á endje pandœ ogo gbozu fœ endje yé á endje sœsœ kœdji tshelœ katanœ nene, endje lœ 6ata ama awa á indji ngwarœ yo ga tœnœ: Satana na œ kakara œeneke á endje lu ga tœ lœsu endje ye.

²⁰ Anga azu sœ 6ata ɔshɔ lœ oporo badja á indji ngwarœ yo ga lœnœ: Endje sœ kœdji o'o yé œ sœ kœyindœ nœ katsha dœ yanga.

²¹ Kashe œshe endje gugu nene. Endje yindœ nœ kolœ kwata œendœ nœ œ di nene, lœkɔ á endje kœtetœ kœwu oyo too endje kœsœ kœembœrœ œrœ kanga fœ endje lœ kumu o'o ama Ndjaba, endje ka ngbiri lœ kœyindœrœ nœ endje nene.

²² Anga endje sœ 6ata indji ngwarœ á yo 6a ugurutœ ɔyɔ ishi. Endje dji o'o ama Ndjaba kashe ogo œrœ tshapashɔ œdœ yanga kœgbɔ œrœ ndjoro á sœ kœfara azu, œ na pa o'onœ yé œ zuzu elenœ nene.

²³ Anga azu sœ 6ata indji ngwarœ a yo ga lœ ɔtshɔ ɔshɔ. Endje sœ kœdji o'o ama Ndjaba yé œ sœ kœdji tshelœ katanœ. Ataa, endje sœ kœzu elenœ: Anganœ kama bale (100), anganœ zazu votɔ yé anganœ ndje zazu bale dœ ndjokpa.»

Ndœma toro tœ upu nœ ekpe gusu

²⁴ Yisu kpa pa anga angbi ndœma toro fœ endje adœke: «Ogo gbozu nœ tshalafœ sœ 6ata anga uzu bale á tshe lu ɔtshɔ ngwarœ ga lœ kindi nœ ye.

²⁵ Dœ anga butsho bale, dœ londɔ á azu lo lima, anga yingba ye bale na, œ lu ekpe gusu ɓa uguru ble yé œ gu daye.

²⁶ Lɔkɔ á blencœ gerœ lima yé á tetœ kœle tœncœ, ekpe gusunœ wuta ndje.

²⁷ Aayi akwa nœ ayengɔ kindincœ na œ pandœ nœ fœ she adœke: “Gbozu, ɓœ lu lima otsho ngwarœ ga lœ kindi nœ zœ, yé ekpe gusunœ kpa to kpœta a?”

²⁸ Tshe gi fœ endje adœke: “Anga yingba bale dá mbœrcœ œrcœncœ ascœmœ.” Yé aayi akwanœ kœyu she adœke: “Bœ yindœ nœ adœke, 'a na œ su ekpe gusunœ ye a?”

²⁹ Tshe gi adœke: “Æ œ nene. Gbambancœ nene, œdœ 'e kœscœ kœsu tœncœ, œ mbœrcœ adœke 'e ngbɔɓa dœ blencœ œ su va 'e.

³⁰ 'E katœ nœ œ gerœ awa bale œrrr ga tœ kœgbɔ tœncœ, yé dœ lɔkɔ kœkɔ tœncœ, mœ pa bala fœ aayi kœkɔ ngwarœ adœke: 'E su ekpe gusunœ utshuncœ œ i agbancœ dœ agbancœ mbœrcœ kœko va ga tœ owo. Manda nœ, 'e ko ble gu tœncœ ga la kogba nœ mœ.”»

*Ndœma toro tœ upu nœ ele mutarde
(Wu ɓa tœ Mar 4.30-32; Luk 13.18-19)*

³¹ Yisu kpa pandœ anga ndœma toro fœ endje adœke: «Ogo gbozu nœ tshalafɔ scœ ɓata ele ɔyɔ á i'irinœ kœdœ mutarde á uzu œ za á lu ga lœ kindi nœ ye.

³² Ætœncœ kœdœ leyɔ á scœ teasho lœ indji ngwarœ kɔ, kashe œ kœgerœ, œ ropa kako dɔngɔ kɔ lœ kindi yé œ fa egerœ ɔyɔ á ayanu scœ kœna kœmɔ koma endje ga lœ ganeancœ.»

*Ndœma toro tœ upu nœ ɔyɔ kœsuku mapa
(Wu ɓa tœ Luk 13.20-21)*

³³ Yisu kpa pa anga angbi ndœma toro fœ endje adœke: «Ogo gbozu nœ tshalafɔ sœ ɓata ɔyɔ kœsuku mapa á anga yashe bale za, á djanga dœ kilo zuwa ble votɔ œrrr adœke zuwa blence suku.»

*Ádá á Yisu sœ kœpa o'o lœ ndœma toro dœke
(Wu ɓa tœ Mar 4.33-34)*

³⁴ Yisu pa o'onœ kɔ asœmœ fœ ukpulu azu lœ ndœma toro. Tshe sœ lima kœpa o'o fœ endje kolœ lœ ndœma toro.

³⁵ Tshe mbœrœ lima ataa mbœrœ á o'o á ayi kœgbara o'o gbara lima kœmbœrœtœ endje. Tshe gbara lima adœke:

«Mœ pa bala o'o lœ ndœma toro,
mœ mindœ œrœ á zatœ ye yiwa tœncœ koeto ɓa tœ
ali kœmbœrœ tshapashɔ.»

Yisu mindœ ádá ndœma toro nœ ekpe gusu

³⁶ Manda nœ, Yisu katœ ukpulu azuncœ œ gu ga sœnda. Ayambarœ nœ ye na ndoo dœ she, yé œ yu she adœke: «Mindœ ádá ndœma toro nœ ekpe gusu á sœ ɓa lœ kindi fœ 'a kane.»

³⁷ Yisu gi fœ endje atake: «Uzu á tshe lu ɔtshɔ indji ngwarœ, œshe kœdœ Gbolo nœ uzu.

³⁸ Kindi kœdœ tshapashɔ. ɔtshɔ indji ngwarœ sœ kœma azu neke á endje zatœ endje ga tshakudu ogo gbozu. Ekpe gusu sœ kœma azu neke á endje sœ kœza awa ekperœ.

³⁹ Yingba á tshe lu ekpe gusu kœdœ djaboro. Kœgbɔ ngwarœ kœdœ kœka tshapashɔ; yé aayi kœkɔ ngwarœncœ kœdœ aandjelu.

⁴⁰ Awa bale mara á endje ngbɔ́ɔ́a ekpe gusu ndœ kœsho tœncœ ɓa tœ ala owo, œ sœ ndje awa bale dœ lɔ́kɔ́ nœ kœka tshapashɔ́.

⁴¹ Gbolo nœ uzu œ vwa aandjelu nœ ye, endje gi azu kɔ́ á endje sœ kœfa gbetshelœ nœ anga endje tœ kœyindoœrœ œdœ pe azu á endje sœ kœmbœrœ ekperœ, ga ushu lœ Ogo gbozu nœ Ndjaba.

⁴² Tshe ko endje va ga la owo; ɓa zœ endje ki dœ ngola endje ye yé œ zi tshelœ daji endje gbagbara gbagbara.

⁴³ Kashe endjeneke á endje zatœ endje fœ Ndjaba, endje tshi ɓata ishiri ɔ́lɔ́ ɓa lœ Ogo gbozu nœ Aba endje. Kaka uzu á tshe sœ dœ utu, tshe dji!»

Ayi kœgbɔ́rœ œdœ ɔ́gbɔ́ œrœ tshelœgi

⁴⁴ «Ogo gbozu nœ tshalafo sœ ɓata ɔ́tshœrœ nœ ngendja á zatœ endje yiwa tœncœ ɓa lœ kindi á uzu gbɔ́ yé á kpa za tshandœncœ yiwa tœncœ. Tshe sœ dœ yanga kœrosœ nœ, œ gu œ ka œrœ nœ ye kɔ́ á tshe sœ dœ tœncœ yé á kwatœ ye á yɔ́ kindinœ ascœmœ.»

⁴⁵ «Ogo gbozu nœ tshalafo sœ ɓata ayi kœka œrœ á tshe sœ kœpara ɔ́gbɔ́ œrœ tshelœgi.

⁴⁶ Lɔ́kɔ́ á tshe kœgbɔ́ œrœncœ á œsœncœ li, tshe ka œrœ kɔ́ á tshe sœ dœ tœncœ yé œ yɔ́ dœ ɔ́gbɔ́ œrœ tshelœginœ ascœmœ ye.»

Ndœma toro tœ upu nœ gbánda

⁴⁷ «Ogo gbozu nœ tshalafo kpa sœ ɓata gbánda á endje vwi ga la egerœ ungu adanga yé á sœ kœko tshelœ aka ageatshalangu kɔ́.

⁴⁸ Lɔ́ndɔ́ á kœsu kperœ, aayi kœpara ageatshalangu œ gbota ga tœ mangu, manda nœ endje sœ ga ati mbœrœ kœko ageatshalanguncœ lœncœ.

Endje ko ɔtshɔ endje ga lœ kingi yé œ ko endjeneke á endje lili nene va e.

⁴⁹ Bala kœka ndje tshapashɔ œ sœ ndje kolœ ataa: aandjelu œ na bala kœkurutshelœ aayi katshalɔsu dœ aayi ɔtshɔ azu

⁵⁰ mbœercœ kœko endje va ga la owo. Ba zœ dá azu ndjoro œ kɪ yé á zɪ tshelœ daji endje gbagbara gbagbara.»

Tafo kœgbɔrcœ œdœ pe ongboronœ

⁵¹ Yisu yu endje adœke: «'E wusœ ádá o'onœ ascœmœ kɔ yé a?» Endje gi adœke: «Ë.»

⁵² Yé tshe kœpa fœ endje adœke: «Dœ tœncœ ataa, ayi kœyisœ awa akwa kɔ á tshe te yambarœ nœ Ogo gbozu nœ tshalafo, tshe sœ ɓata anga ayengɔ œrcœ á tshe gbɔ tafo œrcœ œdœ pe ongboro œrcœ lœ kœgbɔrcœ nœ ye.»

Azu Nazarete gugu dœ kœyindœrcœ ga ndœ Yisu nene

(Wu ɓa tœ Mar 6.1-6; Luk 4.16-30)

⁵³ Lɔndɔ á Yisu pa o'o lœ ndœma toronœ ascœmœ á ka, tshe katœ tshakpœtœmœ tɪ,

⁵⁴ yé œ gu ga lakpi nœ ye. Tshe tetœ kœyisœ œrcœ neke á sœ ndjii ɓa lœ Sinagoga nœ endje yé azu kɔ á endje sœ lima kpœtœmœ, kɪ lima tœ œscœncœ. Endje pa lima adœke: «Tshe gbɔ kœwusœtœ œdœ pe gbɔgbɔ nœ kœmbœrcœ dœ afánœ ascœke kpœta a?»

⁵⁵ Æ dœdœ gbolo nœ ayi kœguma maɓaya dœke nene a? Ayinœ dœdœ Mareya nene a? Jake, Yozefu, Shimu œdœ pe Yuda kœdœ aaya nœ nene a?

⁵⁶ Yé ayingǎnœ kǎ sǎesœ ɓa ugurutœ azœ nene a? Tshe gbǎ gbǎgbǎnœ asœke kǎ kpœta a?»

⁵⁷ Yé œerœnœ ascœmœ mbœrœ lima adœke endje sœ dœ kœyindœrœ ga ndœ ye nene. Á Yisu kœpa fœ endje adœke: «Endje lisœ ayi kœgbara o'o tœ osho kǎ, kashe ɓa lakpi nœ ye œdœ ɓa lœ ɓingi nœ ye, endje lisœ ye nene.»

⁵⁸ Yisu mbœmbœrœ afá ɓa zœ ndjoro nene kolœ mangba kœtshapu kœyindœrœ nœ endje.

14

Kuzu Yowane ayi kœza batisimu

(Wu ɓa tœ Mar 6.14-29; Luk 9.7-9)

¹ Dœ lœndœnœ ascœmœ, Erode á tshe dœ lima gbozu tshapa ogo Galilayi, djindœ œeneke kǎ á Yisu mbœrœ

² yé œ pa fœ aayi akwa nœ ye adœke: «Yowane ayi kœza batisimu dœmœ! Œshe dá she lœ akuzu ascœmœ! Mbœrœ tœnœ ataa á tshe sœ dœ gbǎgbǎ ndœ kœfarœ ascœmœ.»

³ Andaa, Erode za lima awa adœke endje za Yowane œ i she dœ djingiri, yé œ vwi she ga lœ anda kánga mangba Erodiade, awo ayancœ dœ Filipo.

⁴ Gbambanœ nene, Yowane sœ lima kœpa fœ Erode adœke: «Œ lili adœke ɓœ za Erodiade tœ awo zœ nene!»

⁵ Erode yi lima ndœ kœwo Yowane kashe awa Ayuda dá sœ lima kœza she. Gbambanœ nene, endje kǎ, endje wu lima Yowane ɓata ayi kœgbara o'o tako.

⁶ Ataa, dœ lœkǎ angbo olo kœzu Erode, yawuru nœ Erodiade vitœ ye ɓa utshu azu á endje na ndœ

angbonœ. Tshe za lima yanga fœ Erode tɔpanœ kpuru,

⁷ yé Erode dara ama ye adœeke œene to œerœ kɔ á tshe yu œene tœnœ fœ she ye.

⁸ Tshe dji upu á ayinœ mi fœ she yé œe yɔsho ndœ œerœ ɔa ndœ Erode adœeke: «Za kumu Yowane ayi kœza batisimu ga lœ saani fœ mœ!»

⁹ Oyo za gbozugo. Kashe kolœ mangba kœdarama ye á tshe dara ɔa utshu azu nœ ye á tshe e endje, tshe za awa adœeke endje za tœnœ fœ she.

¹⁰ Tshe vwa anga uzu bale adœeke tshe na œ wa kumu Yowane ayi kœza batisimu ɔa lœ anda kánga.

¹¹ Endje za kumu ye ga lœ saani gutœnœ, œ za fœ ovoro yawurunœ yé á tshe za fœ ayinœ.

¹² Ayambarœ nœ Yowane na œ za lima oko ye á shi. Manda nœ, endje na lima œ pandœ œeneke á mbœerœtœ endje ascœmœ fœ Yisu.

Yisu to kœzirœ fœ azu kutu mindu (5.000)

(Wu ɔa tœ Mar 6.30-44; Luk 9.10-17; Yow 6.1-14)

¹³ Lɔkɔ á Yisu dji o'onœ ascœmœ, tshe katœ tshakpœtœmœ ti yé œe ɔ ga lœ egerœ agba mbœerœ kœero ga tœ osho á azu gugu tœnœ nene. Kashe ukpulu azu lakpi djezœ dji œsœnœ yé œe na manda ye.

¹⁴ Lɔkɔ á Yisu wuta lœ egerœ agba, tshe wu ukpulu azu ndjoro, œ sœ dœ oyo tœ lɔsu ye mbœerœ endje yé œe tetœ kœshe agbakindi nœ endje.

¹⁵ Dœ lɔndɔ á ɔlɔ te lima tœ kœdi tœnœ, ayambarœ nœ Yisu na ndoo dœ she œe pa adœeke: «ɔlɔ

di ye yé oshonœ asœke azu gugu tœnœ nene; gi ukpulu azunœ asœke dœ endje gu ga lakpi œ yœ kœzirœ nœ endje.»

¹⁶ Yisu gi fœ endje adœke: «Ádánœ adœke endje gu, gugu nene. 'E to kœzirœ fœ endje dœ tœ 'e!»

¹⁷ Kashe endje pa fœ she adœke: «'A sœ kolœnœ kpœke dœ mapa mindu œdœ dœ ageatshalangu bisha.»

¹⁸ Yisu kœpa fœ endje adœke: «'E ko rotoœnœ fœ mœ ga mœ.»

¹⁹ Manda nœ, tshe pa fœ ukpulu azunœ adœke endje sœ ga ati ga pa gusu. Tshe ko mapa sœmœ mindu dœ ageatshalangu bisha œ ti ala ye ga lafo, yé œ donga Ndjaba. Tshe kavwa tshelœ mapa œ ko fœ ayambarœ nœ ye, á endje kurutshelœnœ tœ ukpulu azunœ.

²⁰ Uzu dœ uzu zi œrrr kpœtœ ama ogo nœ ye. Ayambarœ ko udunœ á sœpe kperœ kperœ dœ kingi ndjokpa dœ bisha.

²¹ Tœ kœdi ayashe dœ pe agbolo nene, azu á endje zi lima œœnœ, sœ ga pa œœ nœ ayakoshe kutu mindu (5.000).

Yisu na pa egerœ ungu adanga

(Wu 6a tœ Mar 6.45-52; Yow 6.15-21)

²² Manda nœ atake, Yisu pa fœ ayambarœ nœ ye adœke endje œ ga lœ egerœ agba dœ œ zu ga itshi egerœ ungu adanga utshu œne. Andaa, tshe sœpe œnœ ye lima kœgi ukpulu azunœ ga manda endje.

²³ Yé manda kœgi ukpulu azunœ asœmœ ga manda endje, tshe œ 6a pa kaga mbœœ kœza avwala. Lœkœ á œlœ di, tshe sœpe lima 6a zœ kuti ye;

24 egerœ agba wuta lima lœ ingir̄inœ tœ ɔshɔ ye. Loko sœ lima kœyakpa egerœ agbanœ; gbambanœ nene, yugu sœ lima kœza gu tœnœ dja ga utshunœ.

25 Dœ ɔgbɔ butshɔ, Yisu na pa ɔkɔ ungu dœ ada ye ga ndœ ayambarœ nœ ye.

26 Lɔkɔ á endje wu lima she kœna pa ɔkɔ ungu atake, awa za endje yé endje pa adœke: «Asœke kœdœ ngandoro!» Yé endje ve rawa dœ awa kɔ.

27 Kashe ngbewo, Yisu kœpa fœ endje adœke: «'E sœ dœ gbɔgbɔ, œmœ dœmœ! Awa zaza 'e nene!»

28 Yé á Petro kœpa fœ she adœke: «Gbozu, œ kœdœ adja œbœ dœmœ, za awa adœke mœ na pa ɔkɔ ungu ga ndœ zœ.»

29 Yisu gi fœ she adœke: «Na ga mœ zœ!»

Petro kœjerœ lœ egerœ agba yé œ kœtetœ kœna pa ɔkɔ ungu na tœnœ ga ndœ Yisu.

30 Kashe lɔndɔ á tshe wu adœke yugu rosœ nœ ye, awa za she, tshe tetœ kœnduru tœnœ ga la ungu yé œ ta rawa adœke: «Gbozu, she mœ kane!»

31 Ngbewo Yisu kœyi kane ye á kœtepa ye, yé á kœpa fœ she adœke: «Uzu á tshe sœ dœ kœyindœrœ teasho! Mbœrœ gadé á bœ sœ kœshara upu a?»

32 Endje ɔ bibisha ga lœ egerœ agba yé yugu katœ nœ ye.

33 Ayambarœ á endje sœ lima 6a lœ egerœ agba, gote dœ matshukuda endje ga utshu Yisu yé œ pa adœke: «Adja œbœ kœdœ Gbolo nœ Ndjaba!»

*Yisu she aayi koba 6a lœ ogo Genazarete
(Wu 6a tœ Mar 6.53-56)*

34 Manda kœzu ungunœ, endje wuta ga lœ ogo Genazarete.

³⁵ Azu oshonœ asœmœ wu lima sœ Yisu ye, œ pandœ kœyikumumu ye fœ azu dje lœ ogonœ kœ, yé á endje ko aayi koŋa kœ natœnœ fœ she.

³⁶ Endje sœ lima kœditshelœma endje fœ she adœke tshe katœ amba ama yœgbœdœ lœba nœ ye fœ endje dœ endje goro. Yé endjeneke kœ á endje sœ lima kœgoro tœnœ, she lima lœ koŋa nœ endje ye.

15

Yisu œdœ kœyisœrœ nœ alata (Wu ŋa tœ Mar 7.1-13)

¹ Afarisayi œdœ aayi kœyisœ awa akwa to ŋa lœ Yerusalemœ œ na ga ndœ Yisu, yé œ yu she adœke:

² «Mbœrœ gadœ á ayambarœ nœ zœ sœsœ kœmbœrœtœ endje liaka o'o ama agbozu Ikrizia nene a? Gbambanœ nene, endje sœsœ kœdjuto kane endje utshu kœzirœ nene.»

³ Yisu gi fœ endje adœke: «Ka e'e a, mbœrœ gadœ á 'e zaza awa o'o nœ Ndjaba ga tœ akwa nene yé á sœ kœmbœrœtœ 'e lindœ o'o ama alata 'e a?

⁴ Gbambanœ nene, Ndjaba pa adœke: “Li œsœ aba zœ dœ ayi zœ.” Tshe pa ndje adœke: “Tsheneke á tshe kœgu œsœ abanœ too œsœ ayinœ, tshe li kœgbœ djofele nœ kuzu.”

⁵ Kashe e'e, 'e sœ kœpa adœke uzu kœpa fœ abanœ too fœ ayinœ adœke: “œrœ á mœ yi má ndœ kœto tœnœ fœ ŋœ kœdœ makabo á mœ gumasœ nœ fœ Ndjaba”,

⁶ uzunœ asœmœ œ lisœ abanœ too ayinœ nene. œtœnœ ataa á 'e za o'o ama Ndjaba vwi'i, yé á ga kolœ ndœ kœmbœrœ œrœ lindœ o'o ama aata 'e.

⁷ Wulapatshə! Ayi kœgbara o'o Isaya gbara lima o'o dœ ətshəncœ tœ upu nœ 'e ləkə á tshe pa adœke:
⁸ “Azu asœ sœ kœliscœ mœ kolœ lœ ama endje, kashe lœsu endje sœ zara tœ mœ.

⁹ Kœdonga osho nœ endje sœ gbambancœ, gbambancœ nene, œrœ á endje sœ kœyiscœ nœ kœdœ kolœ o'o á to lœ ama azu.”»

Ɔrœ á fa uzu tœ ayi uburu

(Wu 6a tœ Mar 7.14-23)

¹⁰ Manda nœ, Yisu e ukpulu azu yé œ pa fœ endje adœke: «'E dji yé œ wusœ œneke dœ ətshəncœ kane:

¹¹ Ɔ doédœ œrœ á li ga lœ ama uzu dá fa she tœ ayi uburu nene. Kashe œneke á wuta lœ ama ye dá fa she tœ ayi uburu.»

¹² Ayambarœ nœ Yisu kœgitœ endje ga ndœ ye, yé á kœyu she adœke: «Bœ wusœ nœ adœke o'o zœ za ókó ga tœ lœsu Afarisayi i?»

¹³ Tshe gi adœke: «Ɔyɔ kə á doédœ Aba mœ á tshe sœ 6a lafo dá lu nene, endje sú ye.

¹⁴ 'E katœ endje ye: Endje kœdœ aayibula á endje sœ kœyiscœ awa fœ aayibula anga endje. Andaa œdœ ayibula kœsœ kœyiscœ awa fœ anga ayibula, endje yo kəkə bibisha ga lœ kudu.»

¹⁵ Petro za o'o œ pa fœ she adœke: «Mĩndœ ádá o'o nœ ascœmœ fœ a'a kane.»

¹⁶ Yisu kœgi adœke: «E'e ndje, 'e gugu damba dœ kœwusœrœ nene a?

¹⁷ 'E wuwusœ nœ adœke œrœ kə á li ga lœ ama uzu sœ kœli ga lœ ye, yé manda nœ á tshe nu ga lœ gbakoto nene a?

¹⁸ Kashe œneke á wuta 6a lœ ama uzu to 6a lœsu, yé œtœncœ dá fa she tœ ayi uburu.

19 Gbambanœ nene, gbetshelœ nœ koembœrœ ekperœ to ɓa tœ lœsu uzu, gbetshelœ ɓata: Kœwo azu, koepara awo azu, koembœrœ angba budu, kœzi angba, koepa ekpe o'o tœ upu nœ uzu dœ pe kœgu osho.

20 Œrœ á fa uzu tœ ayi uburu dœ mœ! Kashe utshu kœzi œrœ á ɓœ koedjudjutɔ kane zœ nene, œ fa ɓœ tœ ayi uburu nene.»

*Kœyindœrœ nœ yashe Kanana
(Wu ɓa tœ Mar 7.24-30)*

21 Manda nœ, Yisu áalafo lakpincœ ascœmœ, œ gitœ ye ga lœ ogo Tire dœ pe Sidona.

22 Anga yashe Kanana bale á tshe sœ lima kœsœ kpœtœmœ na, yé œ tetœ koetarawa adœke: «Wu oyo mœ, Gbozu, Gbolo nœ Davidi! Ekpe ishiri sœ koendanga yawuru nœ mœ tɔpanœ kpuru.»

23 Kashe Yisu gigi o'o bale fœ she nene. Ayambarœ nœ ye na á ki ga tœ ye adœke: «Gɔrɔ she ye, mbœrœ tshe sœ koena manda azœ dœ rawa.»

24 Yisu kœgi adœke: «Endje vwa mœ kolœ fœ agbolo Israyele á endje sœ ɓata apata á endje yiwa.»

25 Kashe yashenœ ascœmœ na œ gote ga utshu ye, yé œ pa adœke: «Gbozu, ti kane mœ ga lafo!»

26 Yisu gi adœke: «Œ sœsœ dœ otshœnœ kœko kizirœ nœ agbolo mbœrœ kœko tœnœ va fœ aya-voro nene.»

27 Yashenœ gi adœke: «Adjapu Gbozu, kashe aya-voro zi ndœema kœzirœ á yo tœ ama gbozu nœ endje ga tshakudu ndaba kizirœ.»

28 Yé Yisu gi fœ she adœke: «Yashe, kœyindœrœ nœ zœ gerœ waa! Œ mbœrœtœ endje fœ ɓœ ɓata

á 6œ yindœ nœ.» Yé ngbewo, yawuru nœ ye kœshe pe dœ lœkœnœ asœmœ ye.

*Yisu she azu indiri egerœ ungu adanga
(Wu 6a tœ Mar 7.31)*

²⁹ Yisu wuta lœ ogonœ asœmœ yé œ ro ga tœ mangu egerœ ungu adanga lœ Galilayi. Tshe ɔ ga pa kaga yé œ sœ ga ati.

³⁰ Azu ndjoro na ga ndœ ye. Endje na dœ azu á ada endje ndi, dœ aayibula, dœ aayi vwiriti, dœ aayi bitu, dœ pe anga aayi kœba ndjoro. Endje katœ endje ga utshu Yisu, yé á tshe she endje.

³¹ Azu katœ ama endje ti ɔsɔ lœkɔ á endje wu aayi bitu kœpa o'o; dœ azu á endje ndi, kœshe tœnœ; dœ azu á ada endje ndi, kœna ana; dœ pe azu á ala endje bu, á tetœ kœwu osho. Yé á azu kœ donga mokœ nœ Ndjaba nœ Israyele.

*Yisu to kœzirœ fœ azu kutu vana
(Wu 6a tœ Mar 8.1-10)*

³² Yisu e ayambarœ nœ ye, œ pa fœ endje adœke: «Oyo azunœ asœ ka mœ waa, gbambanœ nene, endje mbœrœ olo votɔ dœ mœ, yé endje gugu dœ kœzirœ nene. Mœ yiyindœ kœgi endje dœ ogo nene: Ete nene, endje mbombo tœ ala awa ye.»

³³ Ayambarœ pa fœ she adœke: «A gbɔ má rœgo lœ kpagagashonœ asœke kpœta yeka á kœto fœ endje á endje kœzi, á kœle endje a?»

³⁴ Yisu yu endje adœke: «'E sœ dœ mapa koto o?» Endje gi fœ she adœke: «Mindu dœ bisha dœ pe a'eara ageatshalangu teasho.»

³⁵ Yé á tshe kœpa fœ ukpulu azunœ asœmœ adœke endje lœ ga tœ ɔshɔ.

³⁶ Tshe ko mapa mindu dœ bisha dœ pe ageat-shalangunœ œ donga Ndjaba, œ ko fœ ayambarœ, yé á ayambarœ kœkurutshelœ nœ tœ ukpulu azunœ.

³⁷ Uzu dœ uzu zi œrrr œ le she kpoetœ ama ogo nœ ye. Ayambarœ rœ ama udu rœgo á œepe ga lœ kingi mindu dœ bisha (7).

³⁸ Andaa, azu á endje zi lima œrœnœ sœ ayakoshe kutu vana, endje didi ayashe dœ agbolo nene.

³⁹ Manda kœgi azu gangba endje, Yisu œ ga lœ egerœ agba yé œ ro ga lœ ogo Magadane.

16

Afarisayi œdœ Asadukayi yœndœ ambára afá bale 6a ndœ Yisu

(Wu 6a tœ Mar 8.11-13; Luk 12.54-56)

¹ Afarisayi dœ Asadukayi na ga ndœ Yisu œ tetœ kœgi uku ga tœ awa ye. Endje yu she adœke tshe ma anga ambára afá tœ kœma adœke œ to 6a lafo.

² Yisu gi fœ endje adœke: «Dœ adila, 'e sœ kœpa adœke: “Yavuru œ ni nene, mbœrœ tshalafo sœ tshee.”

³ Yé pe dœ amazi tuu, 'e sœ kœpa adœke: “Kpesheke yavuru œ ni zœ, mbœrœ tshalafo bu shoshosho.” Ataa 'e wusœ kœpandœ mara á tshalafo sœ dœ tœnœ ye, kashe 'e lili kœpandœ ambára nœ œrœ nœ tshakpesheke asœ nene.

⁴ Azu nœ tshakpesheke á endje dœ aekpe azu yé á zazatœ endje fœ Ndjaba nene, sœ kœyœndœ ambára! Kashe endje wu anga angbi ambára bale nene, kolœ œnœ Yona œ ka ye. Manda nœ, tshe katœ endje ti kpoetœmœ yé œ ro daye.»

*Kœyisœrœ nœ Afarisayi œdœ Asadukayi
(Wu 6a tœ Mar 8.14-21)*

⁵ Lɔkɔ kœzu ayambarœ ga itshi kota, œndœ kœko kœzirœ djerœ endje ye.

⁶ Yisu kœpa fœ endje adœke: «Ala 'e gbɔ dœ ɔyɔ kœsuku mapa nœ Afarisayi dœ pe Asadukayi kane.»

⁷ Ayambarœnœ te lima tœ kœpa ugurutœ endje adœke: «Tshe sœ kœpa ataa mbœrœ á a nana dœ mapa nene.»

⁸ Kashe Yisu wu lima sœ gbetshelœ nœ endje, yé œ pa fœ endje adœke: «E'e dœ azu á kœyindœrœ nœ 'e sœ teasho, mbœrœ gadé á 'e sœ kœyutœ 'e ugurutœ 'e adœke 'e gugu dœ mapa nene a?

⁹ Œrrr kpesheke, 'e wuwu damba sœ œrœ nene a? Œndœ mapa mindu á 'e kurutshelœ nœ tœ azu kutu mindu (5.000) œdœ kingi kotoo á 'e ko lima dœ udunœ, djerœ 'e ye a?

¹⁰ Œndœ mapa mindu dœ bisha (7) á 'e kuru lima tshelœ nœ tœ azu kutu vana œdœ kingi kotoo á 'e ko lima dœ udunœ, djerœ 'e ye a?

¹¹ Mbœrœ gadé á 'e wuwusœ nœ adœke mœ sœsœ lima kœpa o'o tœ mapa fœ 'e nene lɔkɔ á mœ sœ lima kœpa fœ 'e adœke: Ala 'e gbɔ tœ ɔyɔ kœsuku mapa nœ Afarisayi dœ Asadukayi a?»

¹² Yé á ayambarœnœ kœwusœ nœ adœke tshe papa o'o tœ upu nœ kœsœ dœ gbɔdjela tœ ɔyɔ kœsuku mapa nene, kashe tshe pa tœ kœyisœrœ nœ Afarisayi dœ pe Asadukayi.

*Petro mindœ nœ adœke Yisu kœdœ Kristu
(Wu 6a tœ Mar 8.27-30; Luk 9.18-21)*

¹³ Lɔkɔ á Yisu yi kumu ye ga lœ ogo Sezaré, ogo gbozu Filipino, tshe yu ayambarœ nœ ye adœke:

«Azu sœ kæpa má kotoo tœ upu nœ Gbolo nœ uzu a?»

¹⁴ Endje gi adœke: «Anga azu sœ kæpa adœke, œbœ kœdœ Yowane ayi kœza batisimu; anga endje sœ kæpa ndje adœke œbœ kœdœ Eliya; yé anga endje kpa sœ kœ pa œnœ endje adœke, œbœ kœdœ Yilimiya too anga ayi kœgbara o'o ugurutœ aayi kœgbara o'o liya.»

¹⁵ Yé Yisu kœyu endje adœke: «Yé ka e'e a, 'e sœ kæpa má œnœ 'e adœke œmœ kœdœ dœ?»

¹⁶ Shimu Petro za o'o yé á gi adœke: «Æbœ kœdœ Kristu, Gbolo nœ Ndjaba nœ soro.»

¹⁷ Yisu kæpa fœ she adœke: «Yanga nœ zœ, Shimu gbolo nœ Yona, mbœrcœ œ dœdœ œkœ dœ indji dá pandœ o'o asœ fœ bœ nene, kashe Aba mœ á tshe sœ ba lafo dá pandœ nœ.

¹⁸ Yé œmœ, mœ sœ kœpandœ nœ fœ bœ adœke œbœ kœdœ Badja, ga pa badjanœ asœmœ dá mœ mœ bala Ikrizia nœ mœ, yé kuzu œ sœ bala dœ gbœgbœ ga pa Ikrizianœ nene.

¹⁹ Mœ za bala herela nœ Ogo gbozu nœ tshalafo fœ bœ; œrcœ kœ á bœ i ga tœnœ ba pa œshœ, Ndjaba œ i ndje ga tœnœ ba lafo; œrcœ kœ á bœ vvara tshelœnœ ba pa œshœ, Ndjaba œ vvara ndje tshelœnœ ba lafo.»

²⁰ Manda nœ, Yisu kœkœ lima ayambarœ nœ ye dœ œgbœ adœke endje papandœ nœ fœ uzu bale adœke œne kœdœ Kristu nene.

*Yisu pandœ o'o kuzu dœ pe kœshe nœ ye
(Wu ba tœ Mar 8.31-9.1; Luk 9.22-27)*

²¹ Kœto kœtœ lœkœnœ asœmœ, Yisu Kristu tetœ kœpandœ nœ fœ ayambarœ nœ ye adœke: «Æ li adœke mœ ro ga lœ Yerusaleme yé œ wu

œrœ kanga waa tshakane agbozu Ikrizia, agbozu tshapa anganga Ndjaba ndje dœ aayi kœyisœ awa akwa yekane. Endje wo mœ, yé manda olo votɔ, Ndjaba œ she mœ lœ akuzu.»

²² Yé Petro gi she ga indirinœ yé œ tetœ kœgbagbara she adœke: «Gbozu, Ndjaba œ gbɔndœ zœ lœnœ ye! Œrœ ataa œ wuta ga tœ zœ nene.»

²³ Kashe Yisu fatœ yé œ pa fœ Petro adœke: «Gitœ zœ tœ mœ, Satana! Œbœ kœdœ uzu nœ kœza o'o ga pa mœ adœke mœ te. Gbetshelœ nœ zœ lili dœ œnœ Ndjaba bale nene, kashe œ li dœ œnœ azu.»

²⁴ Manda nœ, Yisu pa fœ ayambarœ nœ ye adœke: «Œdœ uzu kœyindœ kœna manda mœ, œ li adœke tshe vwaratœ ye tœ undu ye dœ tœ ye, œ za kurushi nœ ye yeka á kœna manda mœ.

²⁵ Gbambanœ nene, uzu kɔ á tshe sœ dœ ogo kœsœ dœ soro œ tshu ye; kashe tsheneke á tshe tshu mboerœ mœ, œshe dá sœ dœ soro.

²⁶ Ataa uzu kœgbɔ œrœ tshapashɔ asœke kɔ gbaa, œ sœ dœ she kotoo bata á soro ye ndi a? Œrœ gadœ dá tshe ka á kpa yɔ dœ soro ye a?

²⁷ Gbolo nœ uzu œ kwa bala tœ ye awa bale dœ aandjelu nœ ye lœ mokɔ nœ Abanœ, yé tshe gi bala fœ uzu dœ uzu liaka akwa tshelœ ye.

²⁸ Mœ sœ kœpa fœ 'e dœ adjapu adœke, ugurutœ 'e á 'e sœ asœ, anga 'e œ tshu nene utshu kœwu Gbolo nœ uzu kœna bata gbozugo.»

17

*Yisu fatœ ye dœ ala ayambarœ nœ ye
(Wu ba tœ Mar 9.2-13; Luk 9.28-36)*

¹ Manda olo mindu dœ bale, Yisu za Petro, Jake œdœ pe ayancœ dœ Yowane po tœ ye, œ gitœ ye dœ endje ga indirinœ ga pa egerœ kaga.

² Tshe fatœ ye dœ ala endje; tshatshu ye tetœ kœtshi toencœ b̄ata ɔb, lœba ye wuta tœ imbinœ urrr b̄ata ishiri osho.

³ Ngbewo, Eliya œdœ Moyize wuta ga utshu endje, yé œ sœ kœpa tshama endje dœ Yisu.

⁴ Petro pa fœ Yisu adœke: «Gbozu, œ sœ dœ ɔtshancœ adœke a lœ kpœke. Œdœ b̄œ kœyindœ nœ, mœ m̄o anda tande vot̄o: Bale fœ b̄œ, bale fœ Moyize œdœ bale ndje fœ Eliya.»

⁵ Tshe sœpe damba kœpa 'o atake, trale ondroro jerœ ga pa endje, yé anga tshama wu b̄a lœncœ adœke: «Tsheneke kœdœ Gbolo nœ mœ á mœ yindœ ye waa, mœ za yanga nœ mœ djigi ga ndœ ye. 'E dji she!»

⁶ L̄ok̄o á ayambarœ dji tshamancœ asœmœ ataa, awa litœ endje kpakpakpa yé endje yo ga ati œ fa tshatshu endje ga tœ ɔsh̄o.

⁷ Yisu na ndoo dœ endje œ turutœ endje yé á pa adœke: «'E alafo, 'e sœsœ dœ awa nene.»

⁸ Kœmesho ga lafo atake, endje wu kolœ Yisu kuti ye.

⁹ Bata endje sœ lima kœjerœ kaga, Yisu k̄o endje adœke: «'E papandœ œrcœ k̄o á 'e wu asœke fœ uzu bale nene, œrrr ga tœ adœke Gbolo nœ uzu she lœ akuzu yekane.»

¹⁰ Yé ayambarœ nœ ye yu she adœke: «Mbœrcœ gad̄e á ayi kœyisœ awa akwa pa lima adœke Eliya œ na utshuncœ yekane a?»

¹¹ Tshe gi fœ endje adœke: «Adjapu, Eliya œ na utshuncœ mbœrcœ kœguma œrcœ k̄ok̄o.

12 Kashe mœ sœ kœpa fœ 'e adœke: Eliya na 6a lima ye, yé azu yiyindœ ye nene, kashe endje mbœerœ fœ she œeneke kɔ á endje yi lima ndœ nœ. Awa bale ndje endje mbœerœ œerœ kanga fœ Gbolo nœ uzu.»

13 Yé á ayambarœ nœ ye kœwusœ nœ adœke, tshe sœ lima kœpa o'onœ fœ œene tœ Yowane ayi kœza batisimu.

*Yisu she gbolo á tshe sœ dœ ekpe ishiri
(Wu 6a tœ Mar 9.14-29; Luk 9.37-43a)*

14 Lɔkɔ á endje wuta lima ndoo dœ ukpulu azu, anga yakoshe bale na ga ndœ Yisu, œ gote dœ matshukuda ye ga utshu ye á pa adœke:

15 «Gbozu, wu oyo gbolo yakoshe nœ mœ. Tshe sœ dœ kɔba ɔkɔ á sœ ndœ kœka she waa, œ geta she kpala kpala ga tawo too ga langu.

16 Mœ na dœ she fœ ayambarœ nœ zœ, kashe endje lili tœ kœshe she nene.»

17 Yisu kœpa adœke: «E'e kœdœ aekpe azu, yé 'e gugu dœ kœyindœerœ nene! Mœ kpa sœpe dœ 'e œerrr manda olo koto yekane a? Mœ kpa ru lɔsu mœ mbœerœ 'e manda olo koto o? 'E na dœ gbolonœ fœ mœ ga mœ.»

18 Yisu nga fœ ekpe ishirinœ; tshe wuta lœ gbolonœ yé á tshe kœshe pe dœ lɔndɔnœ asœmœ ye.

19 Ayambarœ gitœ endje ndoo dœ Yisu, yé á yu she yaa adœke: «Yé ká a'a, mbœerœ gade á 'a lili má œnœ 'a kœgɔrɔ ekpe ishirinœ nene a?»

20 Yisu pa fœ endje adœke: «Mbœerœ kœyindœerœ nœ 'e sœ teasho. Mœ sœ kœpa tœnœ fœ 'e dœ adjapu, œdœ anga ɔlɔ bale 'e kœsœ dœ kœyindœerœ á sœ dœ egerœnœ ɔata ele ɔyɔ á i'irinœ kœdœ

mutarde, 'e pa fœ kaga asœke adœke: “Aafo kpœke œ tɔ ɓa e”, kaga œ mbœrœtœ ye liakanœ ye. (Eroe bale á sœ dœ sharapu ɓa ndœ 'e œ gugu nene. [

²¹ Kashe kolœ lœ awa nœ avwala œdœ lœ œnœ kœyotshelœma dá endje li kœgɔrɔ dœ mara ekpe ishirinœ asœke.]»

*Yisu kpa pa o'o kuzu œdœ kœshe nœ ye
(Wu ɓa tœ Mar 9.30-32; Luk 9.43b-45)*

²² Anga ɔɔ bale, ayambarœ ngbɔɓa lima tœ endje ɓa lœ ogo Galilayi, Yisu pa fœ endje adœke: «Endje ka Gbolo nœ uzu ga tshaabrœ azu;

²³ endje wo she yé manda olo votɔ, Ndjaba œ she she lœ akuzu.» Ayambarœ nœ ye sœ lima dœ oyo waa.

Yisu dœ Petro yɔ lapo

²⁴ ɔɔ á endje li ga lœ Kaparnawumu, azu á endje ka lapo ɓa lœ Tepelo na ga ndœ Petro, yé á pa fœ she adœke: «Gbozu nœ 'e œ yɔ lapo nœ Tepelo nene a?»

²⁵ Petro gi adœke: «Ë, tshe yɔ ye.» ɔɔ á Petro yi kumu ye ga sœnda, Yisu yu she adœke: «Gbetshelœ nœ zœ kœdœ gade Shimu? Aɗe dá yɔ walaka lapo nœ agbozugo nœ tshapashɔ a? Agbolo nœ endje too anga angbi azu?»

²⁶ Petro gi adœke: «Angbi azu.» Yé Yisu kœpa fœ she adœke: «Agbolo nœ endje yɔyɔ ka nene.

²⁷ Kashe a yɔ œnœ azœ ye, mbœrœ á kœzaza ókó fœ azunœ asœ nene. Mbœrœ tœnœ, na ga la kota œ vwi ngada; ali ageatshalangu á ɓœ djɔ she, a tshelœma ye, ɓœ gbɔ langere ngendja lœnœ. Za œ gu dœ tœnœ, œ za fœ endje mbœrœ mœ œdœ pe ɓœ.»

18

Uzu á tshe ropa azu kɔ ɓa lœ Ogo gbozu nœ tshalafɔ

(Wu ɓa tœ Mar 9.33-37; Luk 9.46-48)

¹ Dœ lɔndɔnœ asœmœ, ayambarœ nœ Yisu gitœ endje ga indiri ye, yé á pa fœ she adœke: «Ɛde dá ropa azu kɔ ɓa lœ Ogo gbozu nœ tshalafɔ a?»

² Yisu e anga gbolo œ za she tɔ ga ugurutœ endje

³ yé œ pa adœke: «Mœ sœ kœpa fœ 'e dœ adjapu adœke, œdœ 'e kœyayapatœ 'e yé á sœ ɓata aya agbolo nene, 'e li bala ga lœ Ogo gbozu nœ tshalafɔ nene.

⁴ Ataa, tsheneke á tshe mbœrœtœ ye ɓata aya gbolonœ asœ, œshe dá ropa azu kɔ ɓa lœ Ogo gbozu nœ tshalafɔ.

⁵ Uzu á tshe za osho kœsœ fœ gbolo lœ i'iri mœ ɓata tsheneke asœ, za osho kœsœ fœ mœ dœ tœ mœ ye.

Ɔgbɔ kœmi upu

(Wu ɓa tœ Mar 9.42-48; Luk 17.1-2)

⁶ «Kashe uzu á tshe mbœrœ adœke anga aya gbolo bale ugurutœ agbolo asœke á endje sœ dœ kœyindœrœ ga ndœ mœ, li ga lœ ekperœ, œ li adœke endje du egerœ badja ga lœ igi ye, œ na dœ œ geta she ga la egerœ ungu.

⁷ Oyo nœ azu tshapashɔ á endje sœ kœmbœrœ adœke azu li ga lœ ekperœ! Ɛ li adœke œrœ ataa mbœrœtœ endje, kashe oyo nœ uzu neke á yanganœ œ te mbœrœ she.

⁸ Ɛdœ kane zœ too ada zœ dá sœ kœmbœrœ adœke ɓœ te, wa œ ko va e zara tœ zœ; œ li dœ ɔtshɔnœ mbœrœ ɓœ adœke ɓœ li ga lœ adja soro dœ kane zœ bale too dœ ada zœ bale, tœ œsœncœ

adœke 6œ soepe dœ kane zœ bibisha œdœ pe ada zœ bibisha yé endje vwi 6œ ga læ kudu owo á ru nene.

⁹ Yé œdœ ala zœ kœvwa 6œ ndœ ekperœ, vwata yé œ za vwi'i zara tœ zœ, œ li dœ ɔtshɔnœ mbœrœ 6œ adœke 6œ li ga læ adja soro dœ ala zœ bale, tœ œsœnœ adœke 6œ soepe dœ ala zœ bibisha yé endje vwi 6œ ga læ kudu owo nœ lifelo.»

¹⁰ «Ala 'e gbɔ adœke 'e kœgugu œsœ anga gbolo bale ugurutœ aya agbolo asœke nene. Gbambanœ nene, mœ sœ kœpa fœ 'e, aandjelu nœ endje sœ ɔlo dœ ɔlo indiri Aba mœ á tshe sœ 6a lafo. [

¹¹ Gbambanœ nene, Gbolo nœ uzu na ndœ kœshe azu á endje sœ lima læ djingili.]

Pata á tshe yiwa

(Wu 6a tœ Luk 15.3-7)

¹² «'E gbe œnœ 'e koto o? Œdœ anga uzu kœsœ dœ apata kama bale (100), yé anga bale læ ugu-rutœ endje kœyiwa, ataa tshe katœ udu endje zazu vana dœ ndjokpa dœ mindu dœ amance vana (99) 6a pa kaga, ndœ kœna kœpara tsheneke tshebale á tshe yiwa asœmœ nene a?

¹³ Œ kœsœ adœke tshe gbɔ she, mœ sœ kœpa fœ 'e dœ adjapu adœke, tshe sœ dœ yanga ye kœropa udu endje zazu vana dœ ndjokpa dœ mindu dœ amance vana (99) á endje yiyiwa nene asœmœ.

¹⁴ Awa bale, Aba 'e á tshe sœ 6a lafo asœmœ, yiyindœ nœ adœke anga gbolo bale ugurutœ aya agbolonœ asœmœ yiwa nene.»

Kœgi aya zœ á tshe sœ læ djingili ga tœ ɔtshɔ awa

¹⁵ «Œdœ anga aya zœ kœmbœrœ ekperœ ga tœ zœ, na ga ndœ ye kutu zœ œ gbagbara she tœ

ekperœ á tshe mbœrœ, œdœ tshe kœdji 6œ, dá tshe kpa wuta aya zœ.

16 Ædœ tshe kœdjidji 6œ nene, kpa za anga uzu bale too bisha ga ndœ zœ yeka á 'e kœwa o'onœ “mbœrœ œ li adœke atimu bisha too votœ yindœ o'onœ yekane.”

17 Ædœ tshe kœvwaratœ ye ndœ kœdji endje, pandœ nœ ga lœ Ikrizia, yé tshe kœdjidji ndje azu Ikrizia nene, za she 6ata angbi uzu too 6ata ayi kœka lapo.

18 «Mœ sœ kœpa fœ 'e dœ adjapu adœke: Ærœ kœ á 'e i ga tœnœ pa œshœ asœ, endje i ndje ga tœnœ 6a lafo; yé œrœ kœ á 'e vwara tshelœ nœ pa œshœ asœ, endje vwara ndje tshelœ nœ 6a lafo.

19 «Mœ kpa sœ kœpa fœ 'e dœ adjapu adœke, œdœ azu bisha ugurutœ 'e pa œshœ kœpa upu ama endje bale ndœ kœyœndœ œrœ gadœ, Aba mœ 6a lafo œ to œrœnœ ascœmœ fœ endje ye.

20 Gbambanœ nene, osho á azu bisha too votœ œ ngbœtœ endje ga tœnœ dœ i'iri mœ, mœ sœ ugurutœ endje zœ.»

Ayi akwa á tshe vwaratœ ye Kœdjerœndœ ekperœ nœ ayanœ

21 Ataa, á Petro na ga ndœ ye á yu she adœke: «Gbozu, œdœ aya mœ kœmbœrœ ekperœ fœ mœ, mœ djerœndœ ekperœnœ awa kotoo? Ærr ga tœ awa minu dœ bisha a (7)?»

22 Yisu kœgi fœ she adœke: «Mœ papa fœ 6œ adœke awa minu dœ bisha nene, kashe œrrr ga tœ awa zazu votœ dœ ndjokpa awa minu dœ bisha.

²³ Ogo gbozu nœ tshalafo œ sœ bala koloœnœ ataa: Æ sœ бата anga gbozugo bale á tshe yi lima ndœ koetondœ o'o tœ upu nœ kuða nœ ye dœ aayi akwa nœ ye.

²⁴ Tœ ali nœ, endje na dœ anga ayi akwa á tshe sœ dœ kuða nœ ye tãpanœ kpuru fœ she.

²⁵ Bata á tshe sœsœ lima dœ œrœ bale ndœ kœgi toœnœ nene, gbozunœ za awa adœke endje za she yã œrœ dœ awonœ, agbolo nœ ye, œdœ ndje pe dœ œrœ kã á tshe sœ dœ toœnœ lœ okoro kuða nœ ye.

²⁶ Ayi akwanœ gote ga tœ ada ye, œ di tshelœma ye fœ she adœke: “Gbozu, sœ dœ ugu lœsu ga ndœ mœ, yé mœ gi fœ ẽœ para zœ.”

²⁷ Oyo za gbozu nœ ayi akwanœ, tshe katœ ye adœke tshe gu zœ yé œ katœ kuða nœ ye lœ kumu ye ti ye.

²⁸ «Kœwuta ayi akwa asœmœ atake, tshe togba dœ anga yanganœ á tshe sœ dœ kuða nœ ye teasho lœ kumu ye; tshe za ɔngɔɔ yanganœ kperœ ndœ kœwo she dœ kœpa fœ she adœke: “Gi kuða nœ mœ fœ mœ.”

²⁹ Ayi akwa nganœ sœmœ kœgote ga tœ ada ye, yé œ di tshelœma ye fœ she dœ kœpa adœke: “Sœ dœ ugu lœsu ga ndœ mœ, mœ gi fœ ẽœ zœ.”

³⁰ Kashe tshe vwaratœ ye, yé ga pa nœ tshe na dœ she œ za she vwi ga lœ anda kãnga ndœ kœkate adœke tshe gi kuða nœ œne yekane.

³¹ Kœwu œrœ á tshe mbœrœ asœmœ ataa, œ za oyo tœ lœsu aayi akwa anganœ, yé endje na œ pandœ œrœ kã á ro asœmœ fœ gbozu nœ endje.

³² Yé gbozu e she, á pa fœ she adœke: “Ekpe ayi akwa, mœ katœ kuða nœ mœ lœ kumu zœ ti kã mbœrœ á ẽœ ditshelœma zœ fœ mœ.

³³ Æ6œ ndje, 6œ lili má ndœ kœwu oyo ayi akwa nga zœ бата á œmœ dœ tœmœ mœ wu oyo zœ nene a?”

³⁴ Oko za gbozu, tshe za she vwi ga lœ anda kánga ndœ kœkate ndje adœke tshe kœgi kudá nœ œne kœ fœ œne yekane.»

³⁵ «Ataa, Aba mœ 6a lafo œ mbœrœ bala mara œrœnœ asœmœ fœ 'e, œdœ uzu dœ uzu ugurutœ 'e kœdjedjœndœ ekperœ nœ ayanœ dœ lœsu ye bale nene.»

19

Kœyisœrœ tœ upu nœ kœndjœtshelœ totœ œdœ kœsœ angara

(Wu 6a tœ Mar 10.1-12)

¹ Ɔlœ á Yisu katœ kœmindœ upu asœmœ, tshe gitœ ye lœ Galilayi ndœ kœro ga lœ ogo Yuda 6a kele ungu Yœrdane.

² Azu ndjoro na manda ye, yé 6a zœ tshe sœ kœshe endje.

³ Anga Afarisayi na ga ndœ ye dœ gbetshelœ nœ kœgi uku ga tœ awa ye, yé á yu she adœke: «Æ li dœ yakoshe kovwaratœ ye tœ awonœ lœ upu kœ a?»

⁴ Tshe gi fœ endje adœke: «'E didi lima œneke á endje sú 6a la buku nœ Ndjaba adœke, lœ kœmbœrœ œrœ ga pa œshœ asœke, Ndjaba mbœrœ lima yakoshe œdœ yashe nene a?»

⁵ Manda nœ, tshe pa adœke: Mbœrœ tœnœ ataa á yakoshe œ katœ abanœ dœ ayinœ ti, á sœ ga tœ œsœnœ dœ awonœ, yeka á endje bisha œ wuta undu uzu tshebale.

⁶ Ataa, endje kpa sœsœ azu bisha nene kashe undu uzu tshebale. Kaka adœke uzu ndjondjo tshelœ œeneke á Ndjaba ngbɔɔa ga tœ nœ nene.»

⁷ Endje pa fœ she adœke: «Mbœrœ gade á Moyize za lima awa adœke yakoshe su mbeti kœkurutshelœ totœ ga tshakane yashe lœkœ á tshe kœkatœ ye ti a?»

⁸ Yisu gi fœ endje adœke: «Moyize za lima awa ndœ kœkatœ awo 'e ti mbœrœ agbɔ lœsu nœ 'e, kashe utshunœ œ sœsœ lima ataa nene.

⁹ Mœ sœ kœpandœ nœ fœ 'e adœke, œdœ uzu kœkatœ awonœ ti, á kœdœdœ tœ upu nœ angba budu nene, á tshe kpa to anga angbi yashe, tshe sœ kœpara awo uzu.»

¹⁰ Ayambarœ kœpa fœ she adœke: «Ædœ upu nœ kœtotœsho nœ yakoshe dœ yashe kœsœ ataa, ádá nœ kœtotœsho gugu nene.»

¹¹ Yisu gi fœ endje adœke: «Æ dœdœ uzu kœ dá dji tshelœ kata o'o asœ nene, kashe kolœ endjeneke á Ndjaba za awa fœ endje.

¹² Gbambanœ nene, ádá á azu œ vwaratœ endje kœto ayashe sœ ndjoro: Endje zu anga azu dœ kœba kutshu; anga kœsœ angara to tshakane azu; yé anga azu yiyindœ kœto ayashe nene mbœrœ kœpara Ogo gbozu nœ tshalafœ. Uzu á tshe li kœdji tshelœkata o'o asœke kœ, kaka tshe dji!»

Yisu to kane ye ga pa agbolo

(Wu 6a tœ Mar 10.13-16; Luk 18.15-17)

¹³ Azu na dœ agbolo fœ Yisu adœke tshe to kane ye ga pa endje kashe ayambarœ nœ ye sœ lima kœgeta endje.

14 Yisu pa adœeke: «'E katœ agbolo endje na ga ndœ mœ, 'e kœkœ endje nene mbœerœ Ogo gbozu nœ tshalafo sœ mbœerœ azu á endje lœ бата endje.»

15 Yé manda kœto kane ye ga pa endje, tshe gitœ ye kpœtoemœ ye.

Gbolo modo ayi kœgbœrœ

(Wu ba tœ Mar 10.17-31; Luk 18.18-30)

16 Anga uzu bale na ga ndœ Yisu, yé œ yu she adœeke: «Ayi kœyisœrœ, œtshœrœ gade dá mœ kœembœerœ yeka á kœgbœ soro neke á ka nene a?»

17 Yisu kœpa fœ she adœeke: «Mbœerœ gade á bœ sœ kœyu mœ pa œtshœrœ a? Kolœ Ndjaba kuti ye dá dœ œtshœ uzu. Œdœ bœ kœyindœ kœgbœ soro, gbœndœ awa o'o ama Ndjaba.»

18 Tshe yu Yisu adœeke: «Œneketa a?» Yisu gi fœ she adœeke: «Bœ wo uzu nene, bœ para awo uzu nene, bœ zi angba nene, bœ wa o'o dœ wala ga pa uzu nene.

19 Li œsœ aba zœ dœ ayi zœ, yé bœ yindœ yanga zœ бата á bœ yindœtœ zœ dœ tœ zœ.»

20 Gbolo modonœ gi fœ she adœeke: «Œrœnœ ascœmœ kœ, mœ sœ kœembœerœtœ mœ liakanœ zœ. Œrœ gade dá kpa sœpe adœeke mœ mbœerœ a?»

21 Yisu pa fœ she adœeke: «Bœ kœyindœ kœsœ ndjii tœ ala Ndjaba, gu œ ka œrœ nœ zœ, œ kurutshelœncœ tœ aayi oyo, yé bœ gbœ bala kœgbœrœ ba lafo. Manda nœ, fatœ zœ œ na manda mœ.»

22 Manda o'onœ ascœmœ, tshe gu dœ oyo tœ ye, mbœerœ tshe sœ lima dœ œrœ waa.

23 Yé Yisu kœpa fœ ayambarœ nœ ye adœeke: «Mœ sœ kœpa dœ adjapu fœ 'e, œ sœ tœ œgbœnœ

bala tœ ayi kœegbœrœ kœeli ga lœ Ogo gbozu nœ tshalafœ.

²⁴ Yisu kpa pa fœ endje adœke: «E gbœogbœ adœke agea á i'iri ye kœedœ shamo li tœlœ ogoro imbili. Kashe œ kpa gbœ kœerosœ nœ adœke ayi kœegbœrœ li ga lœ Ogo gbozu nœ Ndjaba.»

²⁵ Kœdji o'onœ asœmœ ataa, ayambarœ katœ ama endje ti œœ, yé œ pa adœke: «Atamœ, uzu de dá li kœeshe tœnœ a?»

²⁶ Yisu tondœ endje, yé œ pa fœ endje adœke: «Ba tœ azu, œ li nene; kashe ba tœ Ndjaba, œrœ kœ li ye.»

²⁷ Yé Petro kœza 'o, á kœpa fœ she adœke: «Wu kane, 'a katœ œrœ nœ 'a ti kœ á na manda zœ asœ; œ sœ bala dœ a'a koto o?»

²⁸ Yisu pa fœ endje adœke: «Mœ pa fœ 'e dœ adjapu adœke: «Olo á Ndjaba kpa mbœrœ tshandœ œrœ kœ tœ tafonœ, olo á Gbolo nœ uzu œ sœ ga lœ ngande mokœ nœ ye ndœ kœwa ngbanga, e'e á 'e na lima manda mœ, 'e sœ ndje ga pa ngande tshagbozu mokœ ndjokpa dœ bisha ndœ kœwa ngbanga pa mara azu Israyele ndjokpa dœ bisha.»

²⁹ Yé uzu kœ á tshe katœ anda nœ ye, dœ aayanœ, ayingœnœ, abanœ, aayinœ, agbolo nœ ye, kindi nœ ye ti mbœrœ i'iri mœ, tshe kpa gbœ œrœ kœeropœnœ ye, tshe gbœ ndje soro nœ waa dœ waa.

³⁰ Azu ndjoro á endje sœ utshunœ, endje sœ bala tœ ndœngœlœnœ, yé endje nœ ndœngœlœnœ œ te bala azu nœ tshatshunœ.»

20

Ayi akwa ba lœ kindi vinu

¹ «Kœgbo Ogo gbozu nœ tshalafo sœ bata anga gbozu akwa, á tshe wuta dœ amazi kœpara aayi akwa nœ tshelœ kindi vinu nœ ye.

² Tshe djitœ ye dœ endje dœ otshœnœ pa denari* bale á li adœke endje gbœ dœ œbœ bale, yeka á vwa endje ga lœ kindi vinu nœ ye.

³ Kœwuta she dœ ada œbœ mindu dœ vana utshu kakpi œbœ, tshe wu anga azu, endje sœ gbambœnœ,

⁴ tshe pa fœ endje adœke: “E'e ndje, 'e na ga lœ kindi vinu nœ mœ, mœ to ndje ngendja á li dœ œbœ bale fœ 'e.”

⁵ Endje ro ndje da ye. Tshe kpa wuta dœ kakpi œbœ œdœ dœ ada œbœ votœ manda kakpi œbœ, œ pa kolœnœ ata fœ anga azu á tshe gbœ endje.

⁶ Kœwuta ga pa œrœ nœ ada œbœ mindu dœ adila, tshe kpa wuta ndje, œ kpa gbœ anga azu á endje sœ ndje ba zœ yé œ pa fœ endje adœke: “Mbœrœ gadœ dá 'e sœ kpœke œrrr kpïï á mbœmbœrœ akwa nene a?”

⁷ Endje gi fœ she adœke: “Uzu bale zaza akwa fœ 'a nene.” Gbozu akwanœ kœpa fœ endje adœke: “E'e ndje, 'e na ga lœ kindi vinu nœ mœ.”

⁸ «Kœwuta ga tœ umbru osho, ayengœ kindi vinunœ pa fœ kapeta adœke: “E ayi akwanœ para dœ œ ko ngendja tshangba akwa nœ endje fœ endje, kœtœ tœ endjeneke á mœ e endje tœ ndœngœlœnœ asœmœ œrrr ga tœ endjeneke á mœ e má endje utshunœ.”

⁹ Azunœ ada œbœ mindu nœ adila na œ gbœ uzu dœ uzu denari bale.

¹⁰ Kœwuta ga tœ azu á endje na má utshunœ, endje gbe œnœ endje adœke œne dá gbœ tœpanœ

* **20.2** Denari kœdœ ngendja tshangba akwa nœ œbœ bale á uzu mbœrœ.

kpuru; kashe endje gbɔ ndje uzu dɔe uzu denari bale.

¹¹ Lɔkɔ á endje gbɔ ngendjanɔe, endje te lima tɔe kɔepulɔema endje tɔe ayengɔ kindinɔe.

¹² Endje pa lima adɔeke: “Aayi akwa á endje na manda nɔe, endje mbɔerɔe akwa kolɔe manda ada ɔɔ bale, ɔe to ngendja fɔe endje awa bale dɔe 'a á a wu oyo ɔerrr kpɔii tshakudu ɔɔ dɔe kɔewosho!”

¹³ Kashe tshe gi fɔe anga bale ugurutɔe endje adɔeke: “Yanga mɔe, mɔe mbɔembɔerɔe ekperɔe fɔe ɔe nene; a djidjimatɔe azɔe dɔe mɔe tɔe denari bale lɔe ɔɔ bale nene a?”

¹⁴ Za ɔeneke á sɔe tshakane zɔe asɔemɔe, ɔe gu dɔe tɔenɔe zɔe. Mɔe yindɔe kɔeto ngendja fɔe uzu á tshe na tɔe ndɔngɔɔnɔe asɔemɔe awa bale dɔe ɔe.

¹⁵ Ɖ lili dɔe mɔe kɔembɔerɔe ɔeneke á mɔe yindɔe nɔe dɔe ɔerɔe nɔe mɔe nene a? Too ɔe sɔe dɔe uku ga tɔe mɔe mbɔerɔe á mɔe sɔe dɔe ɔtshɔ lɔsu a?”

¹⁶ Atamɔe, azu á endje sɔe tɔe ndɔngɔɔnɔe ɔe wuta bala azu utshunɔe; yé endjeneke á endje sɔe utshunɔe, ɔe wuta tɔe ndɔngɔɔnɔe.»

Yisu kpa pandɔe mara kuzu dɔe pe kɔeshe nɔe ye tɔe awa vɔtɔ

(Wu ɔa tɔe Mar 10.32-34; Luk 18.31-34)

¹⁷ Yisu dɔe ayambarɔe nɔe ye ndjokpa dɔe bisha (12) sɔe lima kɔero ga lɔe Yerusaleme, yé á tshe sɔe kɔepa fɔe endje na tɔenɔe tɔe awa adɔeke:

¹⁸ «'E wu, a sɔe kɔeɔ ga lɔe Yerusaleme, ɔa tɔe osho á endje ka Gbolo nɔe uzu fɔe agbozu tshapa anganga Ndjaba ɔedɔe fɔe aayi kɔeyisɔe awa akwa. Endje wa agbɔ ngbanga ga pa ye adɔeke endje wo she.

19 Yé œ za she fœ angbi azu mbœerœ á endje kœmœ she, á kœsœ she, á kœkuru she ga pa kurushi, yé manda olo votœ Ndjaba œ she she lœ akuzu.»

Kœyœndœerœ nœ ayi agbolo yakoshe nœ Zebedayi

(Wu 6a tœ Mar 10.35-45; Luk 22.25-27)

20 Awo Zebedayi na ga ndœ Yisu dœ agbolo yakoshe nœ ye bisha, œ gote ga utshu ye mbœerœ kœyœndœ œrœ bale.

21 Yisu yu she adœke: «Bœ yindœ gadœ?» Tshe pa fœ Yisu adœke: «Mœ ki ga tœ zœ, 6œ kœgu bala ga lœ ogo tshagbozu nœ zœ, lœ agbolo yakoshe nœ mœ bisha asœke, za anga bale ga tœ kuni zœ, yé anga bale ga tœ gele zœ.»

22 Yisu gi adœke: «'E wuwusœ œrœncœ á 'e esho ndœncœ ascœmœ nene. Adja 'e li kœndjo ungu lœ yashi nœ œrœ kanga á mœ ndjo bala ye a?» Endje pa fœ Yisu adœke: «'A li dœ tœncœ ye.»

23 Yisu kœpa fœ endje adœke: «Adjapu, 'e ndjo ungu lœ yashi œrœ kanganœ á mœ ndjo ye. Kashe tœ kœza awa fœ uzu kœsœ ga ati ga pa kuni mœ too ga pa gele mœ, ascœmœ lili dœ mœ nene. Mbœerœ tœncœ kœdœ osho á sœ fœ endjeneke á Aba mœ guma endje.»

24 Udu ayambarœncœ ndjokpa dji o'onœ ataa œ tetœ kœso ókó ga tœ aayazu bisha, Ajake dœ Yowane.

25 Kashe Yisu e endje œ pa fœ endje adœke: «'E wusœ nœ adœke agbozu sœ kœko azu ogo dœ œgbœ ga tshakudu tshagbozu nœ endje, yé agboro azu sœ kœma gbœgbœ endje ga pa aaya azu.

26 Æ lili adœke œercœ ataa mbœercœtœ endje 6a ugurutoe 'e nene. Kashe œedœ anga uzu bale kœegbe kœesœ tœ egerœ uzu ugurutoe 'e, œ li adœke tshe fatœ ye tœ ayi akwa noe 'e yekane.

27 Yé œedœ anga uzu bale kœeyindœ kœesœ ut-shunœ ugurutoe 'e, œ li adœke tshe dœ kanga noe 'e.

28 Mbœercœ tœncœ ataa, Gbolo noe uzu nana adœke azu mbœercœ akwa fœ she nene, kashe tshe na kœembœercœ akwa fœ azu dœ pe ndje kœezatœ ye fœ kuzu mbœercœ kœeshe ukpu azu.»

Yisu she aayibula bisha

(Wu 6a tœ Mar 10.46-52; Luk 18.35-43)

29 Lœkœ á endje sœ lima kœewuta lœ Yeriko, ukpulu azu te manda Yisu.

30 Anga aayibula bisha sœ lima ga ati indiri awa. Kœedji adœke Yisu dá ro asœmœ, endje tetœ kœeta rawa adœke: «Gbozu, ata Davidi, wu oyo 'a kane!»

31 Ukpulu azu sœ lima kœegbagbara endje adœke endje sœ koko, kashe endje kpa ta tshandœ rawanœ dœ agbœ adœke: «Gbozu, ata Davidi, wu oyo 'a kane!»

32 Yisu ka, œ e endje, yé œ pa fœ endje adœke: «Ærcœ gade dá 'e yindœ noe adœke mœ mbœercœ fœ 'e a?»

33 Endje kœepa fœ she adœke: «Gbozu, kolœncœ adœke ala 'a kœrœ.»

34 Yisu wu oyo endje, yé œ goro ala endje. Trale ala endje kœrœ ye, yé endje te manda ye.

21

Yisu li ga lœ Yerusaleme

(Wu 6a tœ Mar 11.1-11; Luk 19.28-40; Yow

12.12-19)

¹ Lɔkɔ á endje ndo dœ ongbo Yerusalemē œdœ dœ tshalakpi Betefaje, ɓa pa gaga á i'irinœ kœdœ kaga ɔyɔ Olive, Yisu vwa anga ayambarœ nœ ye bisha utshunœ

² dœ kœpa fœ endje adœke: «'E na ɓa lakpi á sœ utshu 'e ɓa e. Kœli 'e tshendja, 'e wu aya ane* á endje du she kpœtœmœ dœ ayinœ, 'e vvara she œ gu dœ she fœ mœ.

³ Yé œdœ uzu kœpa o'o fœ 'e; 'e gi fœ she adœke: “Gbozu dá gbe dœ she.” Yé ataa, tshe gi kane ye tœ ye katsha fœ 'e ye.»

⁴ Œ wuta ataa mbœrœ á o'o á ayi kœgbara o'o pa lima kœmbœrœtœ endje. Tshe pa lima adœke:

⁵ «'E pandœ nœ fœ yawuru nœ Siyona adœke:

Wu, gbozugo nœ zœ sœ kœna ga ndœ zœ.

Tshe sœ kœna ɓata amba uzu. Tshe ɔ ga pa ayi ane, œdœ ga pa ayancœ á tshe dœ aya agea nœ akwa.»

⁶ Ayambarœ ro œ mbœrœ œneke á Yisu pa tœncœ fœ endje.

⁷ Endje gu dœ ayi ane œdœ ayancœ, yé endje ko lœba nœ endje œ guma ga pa endje, á Yisu ɔ á sœ ga pa nœ.

⁸ Ukpulu azu ndjoro saka lœba nœ endje ga tœ ala awa; anga endje de lima ganea ɔyɔ, yé œ guma ga tœ awa.

⁹ Azu á endje sœ lima kœna ɓa utshu ye dœ pe endjeneke á endje sœ lima kœna manda ye, sœ lima kœta rawa adœke: «Ozana nœ ata Davidi! Kaka Ndjaba to kane ye ga pa uzu á tshe na dœ i'iri Gbozu! Ozana fœ Ndjaba á tshe sœ ɓa lafo!»

* 21.2 Ane kœdœ agea á aayi oyo ɓa ndœ Ayuda sœ lima kœna dœ endje ndœ kœko kongba.

10 Ɔlo á Yisu li ga lœ Yerusaleme, tshelœ ongbo djigi turu, azu tetœ kœyu osho adœke: «Uzu de dá a?»

11 Azu á endje na lima dœ Yisu gi adœke: «Ayi kœgbara o'o Yisu dœmœ, uzu Nazarete, lœ ogo Galilayi.»

Yisu g̃arɔ aayi kœka œrœ lœ Tepelo

(Wu 6a tœ Mar 11.15-19; Luk 19.45-48; Yow 2.13-22)

12 Manda nœ, Yisu li ga lœ Tepelo, yé œ g̃arɔ azu á endje sœ lima kœka œrœ dœ pe endjeneke á endje sœ lima kœyɔ œrœ kɔ ga ushu. Tshe ivwi ndaba nœ azu kœyapa ngendja, œ geta ngande nœ aayi kœka ambepa.

13 Yé tshe pa fœ endje adœke: «Endje sú 6a la buku nœ Ndjaba adœke: “Anda nœ mœ œ dœ bala anda nœ kœza avwala, kashe 'e fa tœ wutu nœ aayi angba!”»

14 Aayibula dœ pe agbangevweta na ga ndœ Yisu 6a lœ Tepelo yeka á tshe she endje.

15 Agbozu tshapa anganga Ndjaba œdœ pe aayi kœyisœ awa akwa so ókó ndœ kœwu mara œrœ kœza uvuru osho á tshe sœ lima kœmbœrœ tœnœ dœ pe agbolo á endje sœ lima kœta rawa 6a lœ Tepelo adœke: «Ozana nœ ata Davidi!»

16 Yé endje pa fœ Yisu adœke: «Bœ sœ kœdji œneke á endje pa asœ zœ a?» Kashe Yisu pa fœ endje adœke: «Mœ dji ye, ataa 'e didi lima mbetinœ ascœmœ nene a? Mbetinœ á pa adœke: “Bœ mbœrœ dœ mara adœke œdœ agbolo dœ pe aayi mangɔ donga 6œ.”»

17 Manda nœ, tshe katœ endje lœ ongbonœ ascœmœ, œ gu kœlo 6a lœ Betani.

*Yisu darandœ ɔyɔ fige
(Wu 6a tœ Mar 11.12-14,20-24)*

¹⁸ Osho kɔrɔ panœ dœ amazi, lɔkɔ á tshe sœ kœkwatœ ye ga lœ ongbonœ, ogo mi she.

¹⁹ Tshe wu anga ɔyɔ fige ndoo dœ ama awa, œ na ndoo dœ tœnœ, kashe tshe gbɔgbɔ elenœ bale nene, kolœ kakonœ. Yé tshe pa fœ ɔyɔ figenœ adœke: «Bœ kpa le bale nene!» Trale, ɔyɔ figenœ asœmœ ɔrɔ ye.

²⁰ Kœwu œrcœnœ ataa, ayambarœ katœ ama endje ti ɔsɔ, yé œ yu Yisu adœke: «Kotoo trale á ɔyɔ fige asœke ɔrɔ ata a?»

²¹ Yisu gi fœ endje adœke: «Mœ sœ kœmindœ nœ fœ 'e dœ adjapu, œdœ anga ɔlɔ bale á 'e kœsœ dœ kœyindœrcœ yé á sœsœ dœ sharapu nene, 'e mbœrcœ kolœ œrcœ á mœ mbœrcœ tœ ɔyɔ fige asœ nene, kashe œdœ 'e kœpa fœ kaga asœ adœke: “Gitœ zœ kpœke dœ œ na œ te ga la egerœ ungu adanga”, œ mbœrcœ ndje tœ endje liaka nœ.

²² Œrcœ kɔ á 'e yœndœ nœ lœ avwala dœ kœyindœrcœ, 'e gbɔ ye.»

*Kœyu o'o tœ tshagbozu nœ Yisu
(Wu 6a tœ Mar 11.27-33; Luk 20.1-8)*

²³ ɔlɔ á tshe li ga lœ Tepelo, agbozu tshapa anganga Ndjaba dœ pe agbozu Ikrizia na ga ndœ ye ɔlɔ á tshe sœ kœyisœ œrcœ, á yu she adœke: «Bœ gbɔ awa kœmbœrcœ akwa nœ zœ asœke kpœta a? Œdœ dá za awa kœmbœrcœ akwa ata fœ 6œ a?»

²⁴ Yisu gi fœ endje adœke: «Mœ yindœ kœyu 'e dœ o'o bale, œ kœsœ adœke 'e gi o'o fœ mœ gbá yekane á mœ kœyisœ osho á mœ gbɔ awa kœmbœrcœ dœ œrcœnœ asœ kɔ fœ 'e.

25 Ēde dá vwa lima Yowane kœza batisimu fœ azu a? Ē dœ lima Ndjaba too azu?» Yé endje tetœ kœmircœtshelœ endje ugurutœ endje yé œ pa adœke: «Ēdœ a kœgi fœ she adœke: “Ndjaba dá vwa lima she”, tshe yu azœ adœke: “Mbœrœ gadé á 'e yiyi lima ndœ o'o ama ye nene a?”

26 Yé a kpa pa adœke: “Azu dá vwa lima she”, œ li adœke a kpa awa ukpulu azu, mbœrœ azu para wusœ nœ adœke Yowane kœdœ lima ayi kœgbara o'o.»

27 Yé á endje gi fœ Yisu adœke: «'A wuwusœ nœ nene.» A Yisu gi fœ endje adœke: «Ēmœ ndje awa bale, mœ pa ndje ndœ uzu á tshe za awa nœ kœmbœrœ œrcœncœ asœke kœ fœ 'e nene.»

Ndœma toro tœ upu nœ agbolo yakoshe bisha

28 «'E gbe œneke adœ gadé tœ o'o asœ a? Anga yakoshe sœ dœ agbolo yakoshe bisha. Tshe na ga ndœ ali gbolonœ, œ pa fœ she adœke: “Na kpesheke ga lœ kindi vinu œ mbœrœ akwa 6a zœ.”

29 Alincœ gi fœ she adœke: “Ē ngba mœ ye;” manda nœ tshe gbetshelœ ye œ na da ye.

30 Tshe kpa na ga ndœ bishancœ, œ pa kolœ nœ ata fœ she. Tsheneke asœ gi fœ she adœke: “Mœ na zœ Gbozu”, kashe tshe nana ga zœ nene.

31 Uzu de ugurutœ endje bisha dá mbœrœ gbetshelœ nœ abancœ a?» Endje gi adœke: «Ali gbolonœ.» Á Yisu pa fœ endje adœke: «Dœ adjapu, mœ sœ kœmindœ nœ fœ 'e, ayi kœko ngendja lapo dœ pe ayi angba budu œ wuta utshu 'e ga lœ Ogo gbozu nœ Ndjaba.

32 Gbambancœ nene, Yowane na lima ndœ kœyisœ awa á sœ ndjii fœ 'e, 'e yiyindœ nœ nene. Kashe aayi kœko ngendja lapo dœ pe aayi angba

budu dá yindœ ye. Yé ataa 'e wu gbaa, 'e fafat-shalɔsu 'e ndœ kpa kœyindœ ye nene.»

*Ndœma toro nœ ayi kœdjo kindi
(Wu 6a tœ Mar 12.1-12; Luk 20.9-19)*

³³ «'E kpa dji anga ndœma toro. Anga uzu bale djo kindi vinu. Tshe tɔ gbadjada dji tœncœ tshak-pata, œ dji kudu mbœrcœ kœpu ele vinuncœ ga lœncœ, yé œ mɔ anda kœgbɔndœ œrcœ ga lœ nœ. Manda nœ, tshe za kindi nœ fœ aayi akwa kindi vinu, yé œ na ana.

³⁴ ɔlɔ kœkɔ ele vinuncœ li, tshe vwa anga aayi akwa nœ ye fœ aayi akwa kindi vinuncœ adœke endje vwa œsœ œncœ œne ele vinu nœ fœ œne.

³⁵ Kashe endje ko aayi akwa nœ ye ascœmœ, œ ɓi anga bale, œ wo anga yé œ wo votɔncœ dœ badja.

³⁶ Tshe kpa vwa anga aayi akwa ndjoro, kœropa endjeneke má utshuncœ, endje mbœrcœ kolœ nœ fœ endje awa bale.

³⁷ Tœ ndɔngɔlɔ nœ, tshe vwa gbolo yakoshe nœ ye fœ endje dœ gbetshelœ adœke: “Endje kpa li ndara œsœ ye yé.”

³⁸ Kashe lɔkɔ á endje wu gboloncœ kœna ga ndœ endje, endje guma o'o lœ ugurutœ endje adœke: “'E wu, gboloncœ á tshe sœpe dœ œrcœ manda abancœ dœke. A wo she yeka á kindincœ kœte œncœ azœ.”

³⁹ Endje za she œ vwi she ga ushu lœ kindi vinuncœ yeka á wo she.»

⁴⁰ «Ataa, lɔkɔ á ayengɔ kindincœ kœna, tshe mbœrcœ œrcœ gade tœ aayi akwa kindi vinuncœ a?»

⁴¹ Endje gi fœ she adœke: «Tshe na œ wo aayi akwa kindincœ kɔ dœ oyo nene yé œ kpa za

kĩndĩnœ fœ anga angbĩ aayi akwa á endje li kœko ele vinunœ fœ she liaka olo á tshe gbe dœ tœnœ.»

⁴² Yisu kœpa fœ endje adœke: «'E dĩdĩ damba o'onœ asœke ala buku nœ Ndjaba nene a?

Endje su adœke: “Badja á ayi kœmœ anda za vwi'i, tœnœ dá wuta sharagunda.

Ɔ to ɓa ndœ Gbozu,
yé œ ga tœ ala 'a waa!”»

⁴³ «Mœ kpa pa ndje fœ 'e adœke: Endje gi 'e lœ Ogo gbozu nœ Ndjaba, yé œ za fœ angbĩ azu á endje li kœmbœrœ akwa á œrœ tshangbœnœ sœ dœ ɔtshœnœ. [

⁴⁴ Uzu á tshe te pa badja asœmœ, tshe kœ ngende ngende. Yé tsheneke á badja œ te ga pa ye, œ ndi tshelœ ye krœna.]»

⁴⁵ Manda kœdji o'o asœmœ, agbozu tshapa anganga Ndjaba dœ pe Afarisayi wusœ nœ adœke Yisu sœ kœpa o'o asœ tœ œne.

⁴⁶ Endje para lima awa ndœ kœtepa ye, kashe endje kpa awa ukpulu azu, mbœrœ endje sœ lima kœza she ɓata ayi kœgbara o'o.

22

Ndœma toro tœ upu nœ egerœ angbo totœ (Wu ɓa tœ Luk 14.15-24)

¹ Yisu tetœ kœpa 'o fœ endje dœ ndœma toro adœke:

² «Ogo gbozu nœ tshalafœ sœ ɓata anga gbozugo á tshe guma kœzirœ angbo totœ nœ gbolo yakoshe nœ ye.

³ Tshe vwa aayi akwa nœ ye fœ azu á tshe e má endje ndœ angbœnœ, kashe endje yiyindœ kœna tœnœ nene.

⁴ Tshe kpa vwa anga angbi aayi akwa ndœ koemindœ nõe fœ azu á tshe e endje adœke: “E na ga mœ ngɔngɔ asœ, mœ guma kœzirœnœ ye; mœ wo angombe nõe mœ dœ pe agea ogoro. 'E na ga mœ ndœ angbo totoœnœ, œrœ kɔ gumatœ endje ye.”

⁵ Kashe azunœ gbegbe dœ angbonœ nene, yé œ na ndœ akwa nõe endje: Anga na ga lœ kindi, anga na kœpara ngendja nõe ye;

⁶ anga endje tepa aayi akwanœ, á mbœrœ œrœ kanga fœ endje yé á wo endje.

⁷ Gbozugo su dœ ókó, œ vwa aturugu nõe ye endje wo azu á endje wo aayi akwa nõe ye, yé œ sho ongbo nõe endje.

⁸ Manda nõe, tshe pa fœ aayi akwa nõe ye adœke: “Mœ guma kœzirœ angbo ye, kashe azu á mœ e endje, œ dœdœ azu á li má adœke mœ e endje dœmœ nene.

⁹ 'E ro ɓa lœ shangbeda awa, dœ œ e azu kɔ á 'e gbɔ endje gu tœnœ ndœ kœzirœ.”

¹⁰ Aayi akwanœ asœmœ wuta ga lœ shangbeda awa, œ ngbɔɓa azu kɔ á endje gbɔ endje gu tœnœ: Œdœ aekpe azu, œdœ ɔtshɔ azu. Yé dœ tœnœ ataa, anda angbonœ su kperœ dœ azu.

¹¹ «Lɔkɔ á gbozugo li ndœ kœwu azu á endje sœ pa ndaba nõe kœzirœ, tshe wu anga uzu bale, tshe veverœ lœba angbonœ nene.

¹² Tshe yu she adœke: “Yanga mœ, ɓœ sœsœ dœ lœba angbo nene, ɓœ li ga mœ koto o?” Tshe gigi o'o nene.

¹³ Yé á gbozugo kœpandœ nõe fœ aayi akwa nõe ye adœke: “E i ada ye dœ kane ye ga tœnœ, œ vwi she ga ushu ɓa lœ ubu osho, osho á azu sœ

kœki tœnœ dœ kœzi tshelœ daji endje gbagbara gbagbara.”

¹⁴ Adjapu, endje e azu ndjoro, kashe endjeneke á endje ke endje ngbangba nene.»

Lapo nœ Sezare

(Wu 6a tœ Mar 12.13-17; Luk 20.20-26)

¹⁵ Yé Afarisayi ngbɔtœ endje ga tœnœ ndœ kœvwarandœ Yisu adœke œne gbɔ she tœ o'o ama ye.

¹⁶ Endje vwa anga ayambarœ nœ endje dœ pe azu nœ Erode mbœrcœ kœpa fœ Yisu adœke: «Ayi kœyisœrcœ, 'a wusœ nœ adœke 6œ sœ kœpa okporo o'o, 6œ sœ kœyisœ adja awa Ndjaba, 6œ sœ ndje kœkatœ zœ ti fœ uzu adœke tshe li ga lœ zœ dœ ekpe o'o nene. Bœ kpakpa awa uzu nene, œ wuwu ndje tshatshu uzu nene.

¹⁷ Ataa, pandœ gbetshelœ nœ zœ fœ a'a kane: œ li adœke azu yɔ lapo nœ Sezare a, too nene?»

¹⁸ Kashe Yisu wu lima sœ ekpe gbetshelœ nœ endje ye, yé œ pa fœ endje adœke: «Awulapatshɔ, mbœrcœ gadé á 'e sœ kœyu tshelœma mœ a?

¹⁹ 'E ma anga ngendja bale nœ kœyɔ dœ laponœ gamœ mœ wu kane.» Endje ma anga denarinœ bale fœ she.

²⁰ Yisu yu endje adœke: «Tshatshu uzu asœke dœ pe i'iri á endje sú asœke kœdœ œnœ dœ?»

²¹ Endje gi adœke: «Ænœ Sezare». Yé Yisu kœpa fœ endje adœke: «'E gi œrcœ nœ Sezare fœ Sezare, œnœ Ndjaba fœ Ndjaba.»

²² Kœdji o'onœ asœmœ ataa, endje katœ ama endje ti œsɔ, œ katœ ye yé œ ro da ye.

*Upu nœ kœshe lœ akuzu
(Wu 6a tœ Mar 12.18-27; Luk 20.27-40)*

²³ Kolœ dœ ðlœnœ asœmœ, anga Asadukayi na ga ndœ Yisu. Endje dá sœ kœpa adœke kœshe lœ akuzu gugu nene. Á endje yu Yisu adœke:

²⁴ «Ayi kœyisœrœ, Moyize pa adœke, œdœ uzu kœtshu á kœzuzu gbolo nene, ayancœ œ to koyancœ manda ye mbœrœ á tshe kœembœrœ angwa fœ ayancœ á tshe tshu asœmœ.

²⁵ Andaa 6a ndœ 'a, 'a sœ dœ anga ayazu mindu dœ bisha (7). Alincœ to yashe, œ zuzu gbolo dœ she nene, œ tshu ye; 6ata á endje zuzu lima dœ yashencœ asœmœ nene, tshe katœ ye ti fœ ayancœ.

²⁶ Æ mbœrœtœ endje awa bale ataa ga tœ bisha ayancœ, ga tœ voto ayancœ œrrr ga tœ tshencœ mindu dœ bisha.

²⁷ Manda endje para, yashencœ kœtshu ye.

²⁸ Atamœ, dœ olo kœshe lœ akuzu yashencœ asœmœ œdœ awo dœ? Mbœrœ endje mindu dœ bisha (7) kœ to lima she tœ awo endje yema a!»

²⁹ Yisu gi fœ endje adœke: «'E sœ lœ djingili, mbœrœ 'e wuwusœ buku nœ Ndjaba dœ pe gbœgbœ nœ ye nene.

³⁰ ðlœ kœshe lœ akuzu, ayakoshe dœ ayashe œ totœ endje nene kashe endje lœ 6ata aandjelu 6a lafo.

³¹ Æ kœdœ tœ o'o nœ kœshe lœ akuzu, 'e didi o'o á Ndjaba pa fœ 'e ala buku nœ ye nene a? Tshe pa adœke:

³² «Emœ kœdœ Ndjaba nœ Abrayamo, Ndjaba nœ Izaka œdœ Ndjaba nœ Yakobo.» Yisu kpa pa adœke, Ndjaba kœdœ Ndjaba nœ asoro kashe tshencœ akuzu nene.»

³³ Koedji o'onœ ataa, ukpulu azu za lima ama endje ti ɔsɔ tœ koeyisœrœ nœ ye.

Awa o'o á ropa anganœ kɔ

(Wu ɓa tœ Mar 12.28-34; Luk 10.25-28)

³⁴ Lɔkɔ á Afarisayi dji adœke Yisu ngbɔ ama Asadukayi ga tœnœ, endje ngbɔtœ endje ga tœnœ.

³⁵ Yé anga ayi koeyisœ awa akwa yu she ndœ koedji gbetshelœ nœ ye adœke:

³⁶ «Ayi koeyisœrœ, awa o'o gadé dá ropa anganœ lœ awa akwa a?»

³⁷ Yisu gi fœ she adœke: «Æ li adœke ɓœ yindœ Gbozu Ndjaba nœ zœ dœ lɔsu zœ bale, dœ ishiri zœ kɔ, dœ pe gbetshelœ nœ zœ kɔ.

³⁸ Ascœmœ koedœ awa o'o á ropa anganœ yé œ sœ ndje dœ ádá waa.

³⁹ Bisha awa o'onœ á sœ ndje dœ ádá waa awa bale dœke: “Bœ yindœ yanga zœ ɓata á ɓœ yindœtœ zœ dœ tœ zœ.”

⁴⁰ Awa akwa kɔ œdœ pe aayi kœgbara o'o kɔ to lœ awa o'onœ bisha asœke.»

Masiya œdœ Davidi

(Wu ɓa tœ Mar 12.35-37; Luk 20.41-44)

⁴¹ Afarisayi ngbɔɓa lima tœ endje ga tœnœ yé Yisu yu endje dœ o'o atake:

⁴² «'E gbe má œnœ 'e kotoo tœ upu nœ Masiya a? Æshe koedœ ata dé?» Endje gi fœ she adœke: «Ata Davidi.»

⁴³ Yisu pa fœ endje adœke: «Koto yeka á ishiri pa lima fœ Davidi adœke tshe e she “Gbozu” a? Gbambanœ nene, Davidi pa adœke:

⁴⁴ “Gbozu pa fœ Gbozu nœ mœ adœke: na œ sœ ga pa kuni mœ,

œrrr ga toenœ adœke mœ ko ayingba zœ ga tshakudu ada zœ yekane.”

⁴⁵ «Ɔdœ Davidi kœ'e she lima Gbozu ataa, koto á tshe pkpa dœ ata nœ a?»

⁴⁶ Uzu bale lili lima kœgi o'o fœ she nene. Yé kœto kpœtœ olonœ ascœmœ, uzu bale kpa yuyu she dœ o'o nene.

23

Yisu gbagbara aayi kœyisœ awa akwa œdœ pe Afarisayi

(Wu ða tœ Mar 12.38-39; Luk 11.43,46; Luk 20.45-46)

¹ Yé Yisu sœ lima kœpa 'o fœ ukpulu azu dœ pe fœ ayambarœ nœ ye adœke:

² «Aayi kœyisœ awa akwa œdœ Afarisayi kœdœ azu á endje sœ mbœrœ kœpandœ awa akwa nœ Moyize.

³ Ataa, 'e mbœroetœ 'e lindœ o'o endje yé œ mbœrœ œneke kœ á endje pa fœ 'e; Kashe 'e zaza angwa kœmbœrœ œrœ nœ endje nene, mbœrœ endje sœsœ kœza œneke á endje sœ kœyisœ nœ ga tœ akwa nene.

⁴ Endje sœ kœi kikili kongba yé œ sœ kœko ga pa kanga azu; kashe endje dœ tœ endje, endje gogoro bale dœ yœkœne endje nene.

⁵ Ɔrœ kœ á endje sœ kœmbœrœ toenœ, endje sœ kœmbœrœ dœ mara adœke azu wusœ œne. Ataa, œnœ endje ndœema lœba á endje sũ o'o ama Ndjaba ga toenœ yé á i ga pa ala endje too ga tœ kane endje sœ tœ egerœnœ. Ɔnœ endje apara yœgbœdœ lœba sœ kpi tœ œnœ anga endje. ⁶ Endje yindœ kœsœ

6a utshunœ 6a tœ osho á œsœncœ li œdœ kœsœ lœ ngande á sœ 6a utshunœ lœ Sinagoga.

⁷ Endje yindœ nœ adœke azu bala œne tœ osho angbœtœ yé œ e œne “Rabi*” yekane.

⁸ «Kashe e'e, 'e eetœ 'e “Rabi” nene, mbœrœ e'e kœ kœdœ ayazu, yé 'e sœ dœ Rabi kolœ tshebale.

⁹ 'E ee uzu bale pa œshœ asœ “Aba” nene, mbœrœ 'e sœ dœ Aba 'e kolœ tshebale á tshe sœ 6a lafo.

¹⁰ 'E yiyindœ nœ adœke endje e 'e “Agbangba kœyisœrœ” nene, mbœrœ 'e sœ kolœ dœ gbangba kœyisœrœ bale á tshe kœdœ Kristu.

¹¹ Œ li adœke uzu á tshe dœ egerœ uzu ugurutoe 'e dœ ayi akwa nœ 'e.

¹² Uzu á tshe titœ ye ga lafo, endje ku she ga ati, yé tsheneke á tshe zatœ ye ga ati, endje ti she ga lafo.»

Yisu gbagbara wulapatshœ nœ aayi kœyisœ awa akwa

(Wu 6a tœ Mar 12.40; Luk 11.39-52; Luk 20.45-47)

¹³ «Oyo nœ 'e dœ ayi kœyisœ awa akwa œdœ awulapatshœ Afarisayi! 'E sœ kœtshu manda Ogo gbozu nœ tshalafœ utshu azu. E'e dœ tœ 'e, 'e sœsœ kœeli ga zœ nene, yé 'e sœ kœkœ endjeneke á endje gbe ndœ kœeli toencœ, kœeli ga zœ.»

[
¹⁴ «Oyo nœ 'e dœ aayi kœyisœ awa akwa œdœ awulapatshœ Afarisayi; 'e sœ kœpara awa kœ kœkœ œrœ á ayashe koya sœ dœ toencœ kœ tœ endje, 'e sœ ndje kœza avwala dœ o'o ndjoro mbœrœ kœematœ

* **23.7** Rabi 6ata i'iri kœdœ lima i'iri ayi kœyisœrœ nœ awa akwa á œsœ ye li

'e. Mbœerœ toenœ ataa, Ndjaba œ wa bala œgbɔ ngbanga ga tœ 'e.]»

15 «Oyo nœ 'e dœ aayi kœyisœ awa akwa œdœ awulapatshɔ Afarisayi, 'e sœ kœkɔrɔ na toenœ djezœ mbœerœ kœpara anga uzu bale adœke tshe fatshalɔsu ye, yé lɔndɔ á 'e mbœerœ á tshe fatshalɔsu ye, 'e kpa sœ kœyi she ga lœ kudu owo nœ lifelo awa bisha kœropa 'e.»

16 «Oyo nœ 'e, agbozu aayibula! 'E sœ kœpa adœke: “Ædœ uzu kœdarama ye dœ i'iri anda Ndjaba, œ sœsœ dœ o'o nene; kashe œdœ uzu kœdarama ye dœ i'iri œrœ á sœ ɔa lœ anda Ndjaba, dá tshe mbœerœ dœ œtshɔnœ.”

17 Aayi indi, aayibula, œrœ gafe dá sœ dœ ádá kœropa nœ a: Őrœ too Tepelo á mbœerœ adœke œrœnœ wuta yerœ a?

18 'E kpa sœ kœpa adœke: “Ædœ uzu kœdarama ye dœ i'iri ndaba á endje to œrœ ga panœ fœ Ndjaba, œ sœsœ dœ o'o nene; kashe œdœ uzu kœdarama ye tœ tokóró á endje ko ga panœ, dá tshe mbœerœ dœ œtshɔnœ.”

19 Aayibula! Őrœ gafe dá sœ dœ ádá kœropa nœ a: Tokóró too ndaba á mbœerœ adœke tokórónœ wuta yerœ a?

20 Ataa, uzu á tshe dara ama ye dœ i'iri ndaba, dá tshe dara ama ye pa ndabancœ œdœ ndje pe pa œrœ kɔ á sœ panœ.

21 Uzu á tshe dara ama ye dœ i'iri Tepelo, dá tshe dara ndje ama ye dœ i'iri Ndjaba á tshe sœ ɔa zœ.

22 Uzu á tshe dara ama ye dœ i'iri tshalafo, dá tshe dara ama ye dœ i'iri ngande tshagbozu œdœ ndje dœ i'iri Ndjaba á tshe sœ panœ.»

23 «Oyo nœ 'e, aayi kœyisœ awa akwa œdœ awu-lapatshɔ Afarisayi! 'E sœ kœko bale lœ ndjokpa lœ kako dɔngɔ á tshafunœ ga waa, kashe 'e sœsœ kœmbœrœtœ 'e lindœ awa akwa á sœ dœ ádá waa nene b̄ata: Kœsœ ndjii, kœwu oyo azu dœ pe kœyindœrœ. Œrœ á li má adœke 'e za ga tœ akwa dœmœ, yé œ tshapu kœmbœrœ udunœ nene.

24 Agbozu ayibula! 'E sœ kœsa ipi mbœrœ kœwo dœ aya voma, kashe 'e sœ kœmerœ shamo!»

25 «Oyo nœ 'e, aayi kœyisœ awa akwa œdœ awu-lapatshɔ Afarisayi! 'E sœ kœdjutɔ tshapa yashi œdœ pe tshapa saani, kashe tshelœnœ su dœ œrœ nœ angba œdœ dœ œrœ nœ ogo ekperœ nœ 'e.

26 Farisayi ayibula, djutɔ tshelœ yashi utshunœ yeka á tshapa nœ kœga ndje.»

27 «Oyo nœ 'e, aayi kœyisœ awa akwa œdœ awu-lapatshɔ Afarisayi! 'E sœ b̄ata udu á endje dja tshapanœ dœ imbi ngbeya, á ga kolœ dja ga pa nœ, kashe tshelœnœ su kperœ dœ ngbabi akuzu œdœ dœ tshelœ aka mara ufu œrœ kɔ.

28 E'e ndje awa bale dja ga ushu, 'e sœ kœmatœ 'e b̄ata azu á endje sœ ndjii tœ ala azu, kashe b̄a lœ 'e, e'e kœdœ awulapatshɔ œdœ aayi ngbindiroe.»

29 «Oyo nœ 'e, aayi kœyisœ awa akwa œdœ awu-lapatshɔ Afarisayi! 'E sœ kœmbœrœ ɔtshɔ udu mbœrœ aayi kœgbara o'o, yé œ sœ kœguma tshapadu azu á endje sœ ndjii dœ ambara.

30 Yé 'e sœ kœpa adœke: “Œdœ 'a kœsœ lima lɔndɔ nœ alata 'a zœ, 'a ngbɔtœ 'a lima dœ endje ndœ kœwo aayi kœgbara o'o nene.”

31 Ataa, 'e wusœ nœ dœ tœ 'e adœke e'e kœdœ aata azu á endje wo lima aayi kœgbara o'o ye!

³² Yé ngǎngǎ asœke, 'e te læ kumu kœmbœrœ udu akwa nœ aata 'e!

³³ E'e kœdœ ayakoro, ukpulu akatsha ayakoro! 'E gbe koto kœkpa awa adœke endje wa ngbanga djofele nœ lifelo 'e a?

³⁴ Mbœrœ tœnœ ataa, mœ sœ kœvwa aayi kœgbara o'o, dœ aayi kœwusœtœ dœ pe aayi kœyisœ awa akwa fœ 'e. 'E wo anga endje, œ kuru anga endje ga pa kurushi, 'e kpa sǎ anga endje dœ ndjapa ɓa læ Sinagoga nœ 'e œ gǎrǎ endje læ ongbo dœ ongbo.

³⁵ Yé indji azu á endje sœ ndjii á tu lima ga pa ɔshǎ asœmœ, sœ ga pa kumu 'e, kœto ɓa tœ indji Abele á tshe sœ ndjii œrrr ga tœ indji Zakariya, gbolo nœ Barashi á 'e wo lima she ɓa ugurutœ œyerœ osho œdœ ndaba læ anda Ndjaba.

³⁶ Mœ sœ kœpa fœ 'e dœ adjapu adœke: Tshangba œrœnœ asœmœ kǎ œ sœ ga pa kumu 'e dœ azu nœ tshakpesheke asœke!»

*Kœpulœma tœ upu nœ Yerusaleme
(Wu ɓa tœ Luk 13.34-35)*

³⁷ «Yerusaleme, Yerusaleme, œɓœ á ɓœ sœ kœwo aayi kœgbara o'o yé á sœ kœve endjeneke á Ndjaba sœ kœvwa endje fœ ɓœ dœ badja, awa ndjoro mœ yi lima ndœ kœngbǎɓa azu nœ zœ ga tœ œsœnœ bale ɓata á ayi ngato œ ngbǎɓa ayancœ ga tshakudu ombo ye, kashe 'e yiyi lima ndœ nœ nene!

³⁸ Mbœrœ tœnœ ataa, Ndjaba œ gi ala ye pa anda nœ 'e, yé anga œrœ bale kpa gu nene.

³⁹ Gbambancœ nene, mœ sœ kœpa fœ 'e adœke: Kœto ngǎngǎnœ asœke, 'e kpa wu mœ nene œrrr

ga tœ lɔkɔ á 'e pa adœke: “Kaka Ndjaba to kane ye ga pa uzu á tshe na dœ i'iri Gbozu.”»

24

O'o tœ upu nœ kœndi Tepelo

(Wu ɓa tœ Mar 13.1-2; Luk 21.5-6)

¹ Lɔkɔ á Yisu wuta lima lœ Tepelo á tetœ kœro tœnœ, ayambarœ nœ ye na ndoo dœ she mbœrœ kœma mara á endje mɔ dœ Tepelo.

² Yisu za o'o yé œ pa fœ endje adœke: «'E wu œrœnœ ascœmœ kɔ? Mœ sœ kœpa dœ adjapu adœke anga badja bale œ kpa ka ga pa anganœ nene; tshelœnœ œ ndi para ye.»

Oyo œdœ œrœ kanga

(Wu ɓa tœ Mar 13.3-13; Luk 21.7-19)

³ Lɔkɔ á Yisu sœ ga ati ɓa pa kaga ɔyɔ olive, ayambarœ nœ ye gitœ endje ndoo dœ she ga indirinœ, yé œ yu she adœke: «Pa fœ 'a kane, dœ ɔɔ gade dá œrœnœ ascœmœ œ mbœrœ má tœ endje a? Yé ambára gade dá matœ endje dœ olo kœkwa ɓœ œdœ dœ olo kœka tshapashɔ a?»

⁴ Yisu gi fœ endje adœke: «Ala 'e gbɔ, uzu bale fafara 'e nene.

⁵ Gbambanœ nene, azu ndjoro œ na bala dœ i'iri mœ, œ pa adœke: “Œmœ kœdœ Masiya!” Yé endje fara azu ndjoro.

⁶ ɔɔ á 'e kœdjindœ upu nœ koshe á sœ lœ on-dœnœ œdœ œneke á sœ lœ ingirinœ, awa zaza 'e nene; œ li adœke œrœ ataa wuta yeka, kashe œ dœdœ damba kœka tshapashɔ dœmœ nene.

⁷ Ogo bale œ nga koshe dœ anga ogo, yé ogo gbozu bale œ nga koshe dœ anga ogo gbozu,

egeræ ogo ædœe kœturu ɔshɔ œ za osho ngbang-bangba.

⁸ Ɔerœnce ascœmœe kɔ œ sœe bala ɓata ali kœeka œerœ á ka yashe utshu kœezu gbolo.

⁹ «Azu œ ko 'e bala mbœerœ adœeke endje ndanga 'e yé œ wo 'e. Angbi azu kɔ œ yiangba 'e mbœerœ i'iri mœe.

¹⁰ Yé azu ndjoro œ katœ kœyindœerœ nœ endje; endje tɔ gbandatœ endje dœe pe kœyiangbatœ endje ugurutœ endje.

¹¹ Ayi kœgbara o'o nœ wala œ wuta yé œ djingili tshelœ azu ndjoro.

¹² Manda nœ, ngbindiroe œ gerœ lœe azu, yé kœyindoesho œ gerœ nene.

¹³ Kashe uzu neke á tshe ka ngbiri œerrr ga tœe ndɔngɔlɔnœ, œshe ascœmœe dá she.

¹⁴ Endje mindœe Ɔtshɔ O'o ogo gbozu pa ɔshɔ djigi; angbi azu kɔ œ dji yeka á manda nœ á tshapashɔ œ ka.»

Egeræ oyo

(Wu ɓa tœe Mar 13.14-23; Luk 21.20-24)

¹⁵ «'E wu bala tsheneke á endje e she “ayi kœendi œerœ” á ayi kœgbara o'o Daniyele pa lima tœe ye ɓa tœe œeyerœ osho. Kaka tsheneke á tshe di mbetincœ asœeke wusœe ádánœ!

¹⁶ Yé œ li adœeke endjeneke á endje sœe ɓa lœe ogo Yuda, kpa ga pa kaga.

¹⁷ Tsheneke á tshe kœesœe ɓa pa anda, œ lili adœeke tshe jerœ ga ati mbœerœ kœeko gbarœ nœe ye ɓa scœnda nœe ye nene.

¹⁸ Tsheneke á tshe kœesœe ɓa lœe kindi, œ lili adœeke tshe kwatœe ye ndœe kœeza yɔgbɔdɔ lœeba nœe ye nene.

19 «Oyo nœ ayashe nguzu œdœ endjeneke á endje sœ kœko ɔngɔ ga lœ ama agbolo dœ olonœ asœmœ!

20 'E za avwala fœ Ndjaba mbœerœ á 'e kœkpakpa dœ yapu nœ izi too dœ olo sabata nene.

21 Gbambanœ nene, dœ lɔkɔnœ asœmœ, egerœ oyo œ sœ zœ; œ sœ tœ egerœnœ kœrosœ œeneke á endje wu ɓa lima kœto kpœtœ ali kœmbœerœ tshapashɔ œrrr ga tœ ngɔngɔ asœke, yé mara œerœ ataa œ kpa mbœerœtœ endje bale nene.

22 Œdœ Gbozu kœgbe má lima tœ kœgi ata olonœ nene, uzu bale œ sœpe má dœ soro nene; kashe mbœerœ endjeneke á tshe ke endje dá tshe kundœ átá olonœ asœmœ.

23 «Yé œdœ anga uzu kœpa fœ 'e adœke: “Masiya sœ ɓa ke” too “tshe sœ ɓa e”, 'e yiyindœ nœ fœ she nene.

24 Gbambanœ nene, aekpe masiya œdœ aayi kœgbara o'o nœ wala œ wuta ndjoro. Endje mbœerœ afá yé œ ma ambárá œerœ ndjoro dœ mara adœke œne djingili tshelœ kumu azu. Œdœ œ kœli ndje, endje mbœerœ ndje awa bale fœ endjeneke á Ndjaba ke endje.

25 'E dji kane! Mœ va tshelœ utu 'e tœnœ ut-shunœ ye.

26 «Œdœ endje kœpa fœ 'e adœke: “E wu, tshe sœ ɓa lœ kpagagasho”, 'e nana ga zœ nene. Too œdœ endje kœpa fœ 'e adœke: “e wu, tshe zatœ ye yiwa tœnœ ɓa ke”, 'e yiyindœ nœ nene.

27 Bata á yavuru œ yerœwa ɓa lafo, kœto ɓa tœ osho á ɔɔ œ wuta tœnœ œrrr ga tœ osho á ɔɔ œ li tœnœ, dœ mara ataa dá Gbolo nœ uzu œ na bala dœ tœnœ.

28 Osho á oko uzu sœ tœncœ dá adivumbala œ ngbœtœ endje 6a zœ.»

Ambára kœna Gbolo nœ uzu
(*Wu 6a tœ Mar 13.24-27; Luk 21.25-28*)

29 «Manda kœwu oyo nœ oloncœ ascœmœ, œlœ œ te ubuncœ, yapu œ kpa tœ nene, angerepe œ to 6a lafo œ yo ga ati, gbœgbœ nœ tshalafo œ turu.

30 Yé ambára Gbolo nœ uzu œ wuta 6a lafo; azu kœ pa œshœ œ ditshelœema endje, endje wu Gbolo nœ uzu kœna lœ ongoro dœ gbœgbœ djigi œdœ lœ mokœ.

31 Tshe vwa bala aandjelu nœ ye ndœ kœ'uru ngbake tœ osho kœ pa œshœ: Tshe ngbœ6a bala endjeneke á tshe ke endje tœ osho kœ ga tœncœ.»

Kœyiscœœ á to lœ œyœ fige
(*Wu 6a tœ Mar 13.28-31; Luk 21.29-33*)

32 «'E dji ádá kœyiscœœ á to lœ œyœ fige: Lœndœ á ganeancœ kœyœrœtshelœetœ endje, 'e wusœ nœ adœke yapu kœlu ngwarœ ndo ye.

33 Œ sœ ndje atamœ fœ 'e, œlœ á 'e kœwu ndje œercœ ataa kœmbœrcœetœ endje, 'e wusœ nœ adœke Gbolo nœ uzu ndo ye, tshe sœ lœ manda 'e.

34 Mœ sœ kœpa fœ 'e dœ adjapu, azu nœ tshakpesheke, endje tshu kœ nene á œercœncœ œ mbœrcœetœ endje.

35 Tshalafo dœ tshapa œshœ œ ro ye, kashe o'o ama mœ œ ro nene.»

Ndjaba kuti ye dá wusœ ndœngœlœ olo
(*Wu 6a tœ Mar 13.32-37; Luk 17.26-30,34-36*)

36 «Kashe oloncœ œdœ ada œlœncœ ascœmœ, uzu bale wuwusœ nœ nene; œdœ aandjelu 6a lafo,

ædœ Gbolo nœ uzu, endje wuwusœ nœ nene, Aba kuti ye dá wusœ nœ.

³⁷ Løndɔ nœ kœna Gbolo nœ uzu, œrœ œ mbœrœtœ endje kolœ b̄ata mara œrœ á mbœrœ lima tœ endje dœ l̄kɔ nœ Nowa.

³⁸ Gbambanœ nene, dœ l̄ndɔnœ asœmœ, ut-shu l̄kɔ egerœ kœsu ungu pa ɔshɔ djigi, azu sœ lima kœziœ dœ kœndjorœ, endje sœ lima kœtotœ endje too kœko ayawuru nœ endje ndœ totœ œrr ga tœ olo á Nowa li lima ga lœ egerœ agba.

³⁹ Endje sœsœ lima kœgbe dœ œrœ bale nene œrr á egerœ kœsu ungu na, á endje tara para k̄kɔ. Œ sœ ndje ataa l̄kɔ á Gbolo nœ uzu œ na bala.

⁴⁰ Yé ayakoshe bisha œ sœ b̄a lœ kindi, endje za anga bale, œ katœ anga ti.

⁴¹ Ayashe bisha œ sœ kœtɔ œrœ lœ kafuru, endje za anga bale, œ katœ anga ti.

⁴² Ataa, ala 'e gbɔ mbœrœ 'e wuwusœ olo neke á Gbozu nœ 'e œ na dœ tœnœ nene.

⁴³ 'E wusœ nœ adœke, ædœ ayengɔ anda kœwusœ ada ɔlɔ nœ butshɔ á ayi angba œ na kœzi angba œrœ nœ ye, tshe lo olo nene yé tshe katœ ye adœke tshe to ogoro lœ anda nœ ye nene.

⁴⁴ Mbœrœ tœnœ ataa, e'e ndje, ala 'e gbɔ mbœrœ Gbolo nœ uzu œ na dœ ada ɔlɔ neke á 'e wuwusœ nœ nene.»

*Ayi akwa á tshe sœ kœmbœrœtœ ye lindœ nœ
(Wu b̄a tœ Luk 12.41-48)*

⁴⁵ «Ataa, œdœ dá dœ ayi akwa á tshe sœ kœmbœrœtœ ye lindœ o'o gbozu nœ ye, yé á sœ ndje dœ kœwusœrœ á gbozu akwa nœ ye za she tœ kapeta nœ anganœ, mbœrœ kœto kœziœ fœ endje liaka ada ɔlɔ dali a?

⁴⁶ Yanga nœ ayi akwanœ asœmœ œdœ gbozunœ kœgu á gbɔ she lœma akwanœ!

⁴⁷ Mœ sœ kœpa dœ adjapu fœ 'e: gbozu œ za she tœ kapeta tshapa œrœ nœ ye kɔ.

⁴⁸ Kashe œdœ œshe kœdœ ekpe ayi akwa, á pa ɓa lœsu ye adœke: “Gbozu nœ mœ œ gu katsha nene”,

⁴⁹ yé á tetœ kœɓi aayi akwa anganœ, kœzi œrœ dœ pe kœndjo œrœ awa bale dœ aayi kœndjorœ,

⁵⁰ gbozu nœ ayi akwanœ asœmœ œ gu dœ olo œdœ dœ ada ɔɔ á ayi akwanœ wuwusœ nœ nene.

⁵¹ Tshe gɔrɔ ayi akwanœ, œ mbœrœ œrœ kanga nœ awulapatshɔ fœ she, ɓa tœ osho á azu œ ki dœ pe kœzi tshelœ daji endje gbagbara gbagbara.»

25

Ndœma toro tœ upu nœ akpɔ ayawuru ndjokpa

¹ «Yé Ogo gbozu nœ tshalafɔ sœ ɓata œkpɔ ayawuru ndjokpa á endje ko miinda nœ endje, yé á wuta kœna kœetogba dœ yakoshe totœ.

² Anga endje mindu kœdœ aayi indi, anga endje mindu kœdœ aayi kœwusœrœ.

³ Kœko miindanœ, aayi indinœ mindu susu lima kada ga lœ œnœ endje nene;

⁴ kashe aayi kœwusœrœnœ mindu su lima kada ga lœ anga á na dœ tœnœ dœ miinda nœ endje.

⁵ Bata œndœ yakoshœnœ sœ lima kœdi tœnœ waa, olo mbœrœ endje, endje lo para ye.

⁶ «Lœ œgbɔ butshɔ, anga uzu bale tetœ rawa adœke: “'E wu, yakoshœnœ dá yi kumu ye asœ; 'e wuta ndœ ye.”

⁷ Œkpɔ ayawurunœ kœjo para yé kœtetœ kœguma miinda nœ endje.

⁸ Aayi indinœ kœpa fœ ayi kœwusœrœ adœke: “E su anga kada nœ 'e fœ 'a mbœrœ œnœ 'a miindanœ sœ kœru tœnœ.”

⁹ Aayi kœwusœrœ kœgi fœ endje adœke: “Æ ngba 'a ye, œ gegerœ yeka á 'a kœsu mbœrœ 'a œdœ fœ 'e nene. 'E na œ yœ œne 'e ba ndœ aayi kœka œrœ.”

¹⁰ Lœndœ á aayi indinœ ro kœyœ kadanœ ga zœ atake, yakoshe totoœnœ yi kumu ye. Akpœ ayawuru mindu á endje guma má tœ endje yindjindjinœ asœmœ, li dœ she ga sœnda angbo totoœnœ, yé endje kœtshu mandanœ ga tœnœ ye.

¹¹ Œendœnœ di manda nœ, œkpœ ayawuru indinœ gu œ tetœ kœ'e osho adœke: “Gbozu, gbozu, kœrœ manda fœ 'a ka!”

¹² Kashe tshe gi adœke: “Mœ sœ kœpa dœ adjapu fœ 'e adœke, mœ wuwusœ 'e nene.”

¹³ Atamœ, ala 'e gbœ, mbœrœ 'e wuwusœ olo dœ pe ada œbœ nene.»

*Ndœma toro tœ upu nœ ngendja
(Wu ba tœ Luk 19.11-27)*

¹⁴ «Æ sœ bala bœta anga yakoshe á tshe yi lima ndœ kœna ana: Tshe e aayi akwa nœ ye œ katœ œrœ nœ ye fœ endje.

¹⁵ Tshe ko fœ anga talata mindu, anga talata bisha, fœ votœnœ talata* bale: Tshe ko fœ uzu dœ uzu liaka gbœgbœ nœ ye. Manda nœ, tshe ro daye.

¹⁶ Ayi akwa á tshe gbœ talata mindu gu œ za ga tœ akwa, yé œ kpa gbœ anganœ mindu ga panœ.

¹⁷ Tsheneke á tshe gbœ talata bisha mbœrœ ndje awa bale, yé œ kpa gbœ talata bisha ga panœ.

* 25.15 Talata bale li dœ denari ndjokpa

18 Kashe tsheneke á tshe gbɔ talata bale, gu œ dji kudu ɓa lœ ɔshɔ, yé œ za talata bale nœ gbozu akwa nœ ye yiwa tœncœ ga lœ nœ.»

19 «Endœncœ koedi œrrr manda nœ, gbozu nœ aayi akwanœ asœmœ gu, yé œ tetœ kœyu endje tœ akwa á tshe ka lima tœncœ fœ endje.

20 Tsheneke á tshe gbɔ lima talata mindu gitœ ye ndoo, œ pa adœke: “Gbozu, wu, ɓœ ko lima talata mindu fœ mœ. Anganœ mindu á mœ gbɔ ga panœ dœke.”

21 Gbozu nœ ye pa fœ she adœke: “Ɖ sœ dœ ɔtshɔncœ, œɓœ koedœ ɔtshɔ ayi akwa yé ɓœ mbœrcœtœ zœ lindœ nœ. Bata á ɓœ mbœrcœtœ zœ lindœ nœ lœ aya akwa ataa, mœ za ɓœ ga pa egerœncœ. Na ga mœ œ sœ dœ yanga awa bale dœ gbozu nœ zœ.”

22 Tsheneke á tshe gbɔ lima talata bisha na ndje œne ye, yé œ pa adœke: “Gbozu, ɓœ ko lima talata bisha fœ mœ. Anganœ bisha á mœ gbɔ ga panœ dœke.”

23 Gbozu nœ ye pa fœ she adœke: “Ɖ sœ dœ ɔtshɔncœ, œɓœ koedœ ɔtshɔ ayi akwa yé ɓœ mbœrcœtœ zœ lindœ nœ. Bata á ɓœ mbœrcœtœ zœ lindœ nœ lœ aya akwa ataa, mœ za ɓœ ga pa egerœncœ. Na ga mœ œ sœ dœ yanga awa bale dœ gbozu nœ zœ.”

24 «Tsheneke á tshe gbɔ lima talata bale kœna, yé á kœpa œncœ ye adœke: “Gbozu, mœ wu lima sœ nœ adœke œɓœ koedœ gbozu á ɓœ ngaanga: Bœ sœ kœkɔ ngwarœ á œ dœdœ ɓœ dá lu nene, ɓœ sœ kœkɔ ngwarœ ɓa tœ osho á ɓœ lulu œrcœ bale nene.

25 Awa za mœ, yé á mœ na á za talata nœ zœ yiwa tœncœ ga lœ ɔshɔ. Wu, œrcœ nœ zœ dœke.”

²⁶ Kashe gbozu nœ ye gi fœ she adœke: “Ekpe ayi akwa, ayi ɔdɔ! Bœ wu lima sœ nœ adœke mœ sœ kœkɔ ngwarœ á œ dœdœ mœ dá lu nene, mœ sœ kœkɔ ngwarœ ɓa tœ osho á mœ lulu œrœ bale nene.

²⁷ Ataa, œ li má adœke ɓœ ko ngendja nœ mœ ga lœ anda kœgumasœ ngendja, yé á mœ kœgu má atake, á kœgbɔ anga œrœ nœ mœ ga pa nœ.

²⁸ 'E za talatanœ ascœmœ bale tœ ye, yé œ za fœ tsheneke á tshe sœ dœ tœnœ ndjokpa ascœmœ.

²⁹ Gbambanœ nene, uzu kɔ á tshe sœ dœ œrœ ndjoro, endje to anganœ ga panœ fœ she. Tsheneke á tshe gugu dœ œrœ nene, endje ko œneke teasho á tshe sœpe dœ tœnœ, tœ ye yé.

³⁰ Tœ ayi akwanœ á ádá ye gugu nene ascœ, 'e wwi she ga lœ ubu osho ɓa shu: 'Ba zœ kœdœ kolœ iki œdœ kœ zi tshelœ daji gbagbara gbagbara.”»

Ndɔngɔlɔ kœwa ngbanga

³¹ «Lɔkɔ á Gbɔlo nœ uzu œ na bala lœ mokɔ nœ ye dœ aandjelu para, tshe sœ ɓa pa ngande tshagbozu nœ mokɔ nœ ye.

³² Azu ogo kɔ pa ɔshɔ œ ngbɔtœ endje ɓa utshu ye, yé tshe kurutshelœ azu dœ azu ɓata á ayi kœgbɔndœ ayarœ œ kurutshelœ apata dœ ayaburu.

³³ Tshe ko apata ga tœ kuni ye, yé œ ko ayaburu ga tœ gele ye.

³⁴ Yé gbozugo œ pa fœ endjeneke á endje sœ ga tœ kuni ye adœke: “'E na ga mœ, e'e á Aba mœ to kane ye ga pa 'e. 'E li ga lœ ogo tshagbozu á endje guma ɓa lima sœ nœ fœ 'e, kœtotœ kœmbœrœ tshapashɔ.

35 Gbambanœ nene, mœ sœ lima dœ ogo yé 'e to kœzirœ fœ mœ; mœ sœ lima dœ ogo ungu yé 'e su ungu fœ mœ; mœ dœ lima gene yé 'e za osho kœsœ fœ mœ;

36 mœ sœ lima kpendronœ yé 'e za læba fœ mœ; mœ sœ lima dœ kôba yé 'e na ndœ kœtitœ mœ; mœ sœ lima læ anda kânga yé 'e na kœwu mœ.”

37 «Yé azu á endje sœ ndjii gi fœ she adœke: “Gbozu, lɔkɔ gadé á 'a wu lima bœ dœ ogo yé á to kœzirœ fœ bœ a, dœ ogo ungu yé á su ungu fœ bœ a?”

38 Lɔkɔ gadé á 'a wu lima bœ tœ gene yé á za osho kœsœ fœ bœ a? Lɔkɔ gadé dá 'a wu lima bœ kpendronœ yé á za læba fœ bœ a?”

39 Lɔkɔ gadé dá 'a wu lima bœ dœ kôba too læ anda kânga yé á 'a na kœwu bœ a?”

40 Yé gbuzugo œ gi fœ endje adœke: “Mœ sœ kœpa fœ 'e dœ adjapu adœke: ɔlɔ kɔ á 'e sœ lima kœmboerœ œrœncœ ascœmœ fœ anga aaya læ aaya mœ á œsœ endje lili nene, œmœ dá 'e sœ lima kœmboerœ tœncœ fœ mœ ascœmœ.”

41 «Manda nœ, tshe pa bala fœ endjeneke á endje sœ ga pa gele ye adœke: “E gitœ 'e zara tœ mœ, e'e dœ azu á endje darandœ 'e! 'E na œ yo ga la owo á ru nene, á endje guma fœ djaboro dœ aandjelu nœ ye.

42 Gbambanœ nene, mœ sœ lima dœ ogo yé 'e toto kœzirœ fœ mœ nene; mœ sœ lima dœ ogo ungu yé 'e susu ungu kœndjo tœncœ fœ mœ nene;

43 mœ na lima tœ gene yé 'e zaza osho kœsœ fœ mœ nene; mœ sœ lima kpendronœ yé 'e zaza læba fœ mœ nene; mœ sœ lima dœ kôba yé 'e nana œ

titœ mœ nene; mœ sœ lima lœ anda kánga yé 'e nana œ wu mœ nene.”

⁴⁴ Yé endje ndje, endje gi bala adœke: “Gbozu, ɔɔ gade dá 'a wu lima bœ dœ ogo too dœ ogo ungu, tœ gene too kpendronœ a, dœ koba too lœ anda kánga yeka á gbegbe lima dœ bœ nene a?”

⁴⁵ Yé tshe gi bala fœ endje adœke: “Mœ sœ kœpa fœ 'e dœ adjapu, ɔɔ dœ ɔɔ á 'e mboembœrœ lima œrœnce ascœmœ fœ anga aya bale ugurutœ aaya mœ á œsœ endje lili nene, 'e mboembœrœ ndje lima fœ mœ nene.”

⁴⁶ Yé endjeneke œ li bala ga lœ djofele neke á ka nene. Andaa, azu á endje sœ ndjii œ li bala ga lœ soro nœ waa dœ waa.»

26

Kœvwarandœ Yisu

(Wu ba tœ Mar 14.1-2; Luk 22.1-2; Yow 11.45-53)

¹ Lɔkɔ á Yisu mindœ upunœ ascœmœ kɔkɔ ye, tshe pa fœ ayambarœ nœ ye adœke:

² «'E wusœ nœ adœke œ sœpe olo bisha kœwuta ga tœ angbo nœ pake: Endje za Gbolo nœ uzu yɔ œrœ ndœ kœkuru she ga pa kurushi.»

³ Yé agbozu tshapa anganga Ndjaba dœ pe agbozu Ikriزيا ngbɔtœ endje ba scœnda nœ egerœ nganga Ndjaba á 'iri ye kœdœ Kayifa.

⁴ Endje djitœ endje yé œ wa adœke œne frandœ Yisu œ tepa ye yeka á kœ wo she.

⁵ Endje sœ lima kœpa adœke: «Æ lili adœke a za she dœ lɔndɔ angbonœ nene, ete nene azu œ oma ye.»

Anga yashe su yombo ga lœ kumu Yisu

(Wu ba tœ Mar 14.3-9; Yow 12.1-8)

⁶ Lɔkɔ á Yisu sœ lima 6a lœ Betani 6a sœnda nœ ayi boroma Shimu,

⁷ anga yashe bale na dœ yombo nœ ye lœ anga á endje mbœrœ dœ albatre*, ama yombonœ gbɔ waa. Tshe su yombonœ ga lœ kumu Yisu lɔndɔ á tshe sœ pa ndaba kœzi œrœ.

⁸ Lɔkɔ á ayambarœ nœ ye wu ataa, endje sœ dœ ekpe lœsu yé œ pa adœke: «Mbœrœ gadé á tshe ndi ungu yombonœ asœ ataa?

⁹ Œ li má adœke endje ka yombonœ asœmœ dœ amanœ tœ ɔgbɔnœ yé œ kurutshelœ ngendjanœ tœ aayi oyo.»

¹⁰ Yisu wusœ nœ lima adœke endje sœ kœpa ataa, yé œ pa fœ endje adœke: «Mbœrœ gadé á 'e sœ kœendanga yashenœ asœke a? (Œrœ á tshe mbœrœ fœ mœ kœdœ ɔtshœrœ.

¹¹ Gbambanœ nene, 'e sœ tœ œsœnœ dœ aayi oyo ɔɔ dœ ɔɔ. Kashe œmœ, 'e sœ dœ mœ awa bale waa nene.

¹² Tshe su yombonœ asœmœ kpɔɔ ga tœ ɔkɔ mœ mbœrœ kœguma mœ ndœ kœshi mœ.

¹³ Mœ sœ kœpa dœ adjapu fœ 'e adœke: Osho kɔ á endje pandœ ɔtshɔ O'onœ asœke tœnœ pa tshapashɔ djigi, endje pandœ œrœ á yashe asœke mbœrœ, yé endje gbe dœ she.»

Kœvato osho nœ Yuda

(Wu 6a tœ Mar 14.10-11; Luk 22.3-6)

¹⁴ Yé anga yambarœ bale lœ andjokpa dœ bisha á i'iri ye kœdœ Yudasi Isikariote, na ga ndœ agbozu tshapa anganga Ndjaba,

* **26.7** Albatre kœdœ badja á tshelœnœ sœ ngbi á endje mbœrœ dœ anga yé amanœ gbɔ waa

¹⁵ yé œ pa fœ endje adœke: «Ærœ gadé dá 'e za fœ mœ œdœ mœ kœza she yɔ œrœ fœ 'e a?» Endje di langere ngendja zazu bale dœ ndjokpa (30), yé á ko fœ she.

¹⁶ Kœto pe dœ lɔkɔnœ ascœmœ, Yuda tetœ kœpara awa ndœ kœza Yisu fœ endje.

*Yisu zi œrœ angbo pake dœ ayambarœ nœ ye
(Wu 6a tœ Mar 14.12-21; Luk 22.7-14,21-23; Yow
13.21-30)*

¹⁷ Dœ ali olo nœ angbo nœ mapa á susuku nene, ayambarœ na kœyu Yisu adœke: «Bœ yindœ nœ adœke 'a guma kœziœ nœ pake fœ 6œ kpœta a?»

¹⁸ Tshe pa fœ endje adœke: «'E na 6a ndœ anga uzu bale lœ ongbo yé œ pa fœ she adœke: “Gbozu pa adœke: Ada ɔlɔ nœ mœ li ye; mœ mbœrœ angbo pake dœ ayambarœ nœ mœ 6a ndœ zœ.”»

¹⁹ Ayambarœnœ mbœrœ 6ata á tshe pa tœnœ fœ endje, yé œ guma œrœ angbo Pakenœ.

²⁰ Lɔkɔ á ɔlɔ di, Yisu sœ pa ndaba kœziœ dœ ayambarœ ndjokpa dœ bisha.

²¹ Lɔndɔ á endje sœ kœziœ, tshe kœpa adœke: «Mœ sœ kœpa fœ 'e dœ adjapu, anga yanga 'e bale œ za mœ yɔ œrœ zœ.»

²² Oyo kœza endje, endje kœtetœ kœyu she uzu dœ uzu adœke: Æ dœ mœ a, Gbozu?

²³ Tshe kœgi adœke: «Æshe á tshe ngbɔ kane ye lœ gbarœ kœziœ awa bale dœ mœ ascœmœ, œshe dá za mœ yɔ œrœ.

²⁴ Gbolo nœ uzu œ tshu 6ata á endje sú lima ala buku nœ Ndjaba tœ upu nœ ye. Kashe oyo nœ uzu á tshe za Gbolo nœ uzu yɔ œrœ. Æ sœ má dœ ɔtshɔnœ mbœrœ uzunœ adœke adja endje zuzu she nene!»

²⁵ Yudasi, á tshe sœ kœza she yɔ œrœ, za o'o œ pa adœke: «Ædœ mœ a, Gbozu?» Yisu gi fœ she adœke: «Æbœ dœ tœ zœ bœ pa ye.»

*Ndangɔb kœzirœ nœ Yisu dœ ayambarœ nœ ye
(Wu 6a tœ Mar 14.22-26; Luk 22.14-20; 1Ko
11.23-25)*

²⁶ Dœ lɔndɔ kœzi œrœ, Yisu za mapa œ donga Ndjaba, œ kavwa tshelœncœ, œ ko fœ ayambarœ nœ ye, yé œ pa adœke: «'E ko œ zi, asœ kœdœ undu mœ.»

²⁷ Manda nœ, tshe za ndje yashi vinu, œ donga Ndjaba, yé œ za fœ endje dœ kœpa adœke: «E'e kɔ 'e ndjo,

²⁸ mbœrœ asœke kœdœ indji mœ, indji á guma ayo ugurutœ Ndjaba dœ azu, indji á tu mbœrœ azu ndjoro œdœ mbœrœ kœdjercœndœ ekperœ nœ azu.

²⁹ Mœ sœ kœpa dœ adjapu fœ 'e adœke, mœ kpa ndjo vinu nene œerrr ga tœ lɔkɔ á mœ ndjo bala tafonœ dœ 'e 6a lœ Ogo gbozu nœ Aba mœ.»

³⁰ Manda kœdonga Ndjaba dœ itshi, endje wuta ndœ kœɔ ga pa kaga ɔyɔ Olive.

*Yisu pa adœke Petro œ 'ea œne
(Wu 6a tœ Mar 14.27-31; Luk 22.31-34; Yow
13.36-38)*

³¹ Yé Yisu kœpa fœ endje adœke: «Lœ butshɔ asœ, e'e kɔ 'e katœ mœ ti ye. Gbambancœ nene, endje sú 6a la buku nœ Ndjaba adœke: “Mœ 6i bala ayi kœgbœndœ apata, yé ukpulu apatancœ œ ndjɔtshelœtœ endje.”

³² Kashe, Yisu kpa pa adœke: Lɔkɔ á Ndjaba kœshe mœ lœ kuzu, mœ na utshu 'e ga lœ Galilayi.»

33 Petro za o'o æ pa fœ she adœke: «Ædœ azu kã kœkatœ zœ ti, œmœ, mœ katœ zœ ti nene.»

34 Yisu gi fœ she adœke: «Mœ pa fœ bœ dœ ad-japu adœke, dœ butshãncœ asœke utshunœ adœke kãngato ki, bœ 'ea mœ awa votã.»

35 Petro pa fœ she adœke: «Ædœ œ kœsœ adœke a tshu dœ bœ, mœ 'ea bœ bale nene.» Yé ayam-barœncœ kã pa ndje awa bale.

Yisu 6a lœ Getesemane

(Wu 6a tœ Mar 14.32-42; Luk 22.39-46)

36 Yisu wuta dœ ayambarœ nœ ye 6a tœ anga osho á endje e ì'irincœ Getesemane, yé á pa fœ endje adœke: «'E sœ ga ati kpœke, mœ sœ kœna kœza avwala 6a 'e.»

37 Tshe za Petro œdœ agbolo yakoshe nœ Zebedayi bisha á na dœ endje. Tshe tetœ kœgbã oyo tœ lãsu ye, yé awa li she gãrã.

38 Yé á tshe kœpa fœ endje adœke: «Lãsu mœ su kperœ dœ oyo nœ kuzu. 'E sœ kpœke yé œ lolo nene awa bale dœ mœ.»

39 Tshe gitœ ye zara œ te dœ tshatshu ye ga tœ òshã, œ za avwala adœke: «Aba mœ, œdœ œ kœli, gi yashi œrœ kangancœ asœke zara tœ mœ ye. Æ sœsœ adœke bœ mbœrœ œneke á mœ yindœ nœ nene, kashe mbœrœ b̃ata á bœ yindœ nœ.»

40 Manda nœ, tshe gu ga ndœ ayambarœ yé œ gbã endje lœ olo. Tshe pa fœ Petro adœke: «Shimu, 'e sœsœ dœ gbãgbã kœsœ dœ uburu ala 'e awa bale dœ mœ manda ada òbã bale nene a?

41 'E lolo nene yé œ za avwala mbœrœ adœke 'e yoyo ga lœ kœwu lãsu nene. Ìshiri uzu su dœ gbãgbã, kashe undu ye gugu dœ gbãgbã nene.»

42 Tshe kpa gitœ ye zara tœ bishanœ kœza avwala dœ kœpa adœke: «Aba mœ, œdœ œ koeli, za yashi œrœ kanganœ asœke adœke mœ ndjondjo nene. Kaka 6œ mbœrœ 6ata á 6œ yindœ nœ!»

43 Tshe kpa gu ga ndœ ayambarœ nœ ye, œ gbœ endje kolœ loe olo, mbœrœ ala endje sœ lima dœ kikilinœ, awa kœkœrœ tœnœ gugu nene.

44 Tshe kpa gitœ ye, yé œ za avwala tœ votœnœ kolœ dœ kœpa tshetœ o'onœ asœmœ.

45 Manda nœ, tshe kpa gu ga ndœ ayambarœ œ pa fœ endje adœke: «'E sœpe kœlo tœnœ œdœ pe kœyatœ 'e! Ngœngœnœ asœke, ada œlœ á endje za Gbolo nœ uzu ga tshakane aayi kœmbœrœ ekperœ li ye.

46 'E alafo, a na zœ. Ayi kumu mœ á tshe za mœ ga tshakane endje na ye.»

Kœza Yisu

(Wu 6a tœ Mar 14.43-50; Luk 22.47-53; Yow 18.3-12)

47 Yisu sœpe kœpa o'o kolœnœ atake, Yudasi, anga yambarœ bale loe andjokpa dœ bisha yi kumu ye. Tshe na awa bale dœ ukpulu azu ndjoro dœ ingiri yakamba œdœ pe ndindi œyœ tshakane endje. Agbozu tshapa anganga Ndjaba œdœ agbozu Ikrizia dá vwa endje.

48 Uzu á tshe za Yisu ga tshakane endje yi lima œsœ ambárá œrœ adœke: «Uzu á mœ kœ'uru tshelœ utu ye, dá œshe dœmœ; 'e za she.»

49 Trale atake, Yudasi wuta œ na ga ndœ Yisu á pa fœ she adœke: «Abala, Rabi!» Manda nœ, tshe 'uru tshelœ utu ye.

⁵⁰ Yisu pa fœ she adœke: «Yanga mœ, mbœrœ œrœ á 6œ gbe dœ toœnœ.» Yé azunœ tepa ye, á za she.

⁵¹ Anga bale lœ ugurutœ endje á endje na dœ Yisu gbota ingiri yakamba nœ ye á de anga ayi akwa nœ egerœ nganga Ndjaba, yé á wa utu ye ndja toœnœ.

⁵² Á Yisu pa fœ she adœke: «Gi ingiri yakamba nœ zœ ga mangbanœ, mbœrœ azu kœ á endje nga koshe dœ ingiri yakamba, endje tshu kolœ kuzu nœ ingiri yakamba.

⁵³ Bœ wuwusœ nœ adœke œdœ mœ kœyœndœ azu 6a ndœ Aba mœ, tshe vwa ngœngœnœ asœ ukpulu aandjelu kœro pa ndjokpa dœ bisha fœ mœ adœke endje ti kane mœ nene a?

⁵⁴ Kashe, tœ œneke, dœ mara gadœ dá o'o ala buku nœ Ndjaba li kœmbœrœtœ endje linoœnœ adœke œ sœ ataa.»

⁵⁵ Dœ ada œlœnœ asœmœ, Yisu pa fœ ukpulu azu adœke: «'E na kœza mœ dœ ingiri yakamba œdœ pe dœ ndindi œyœ, 6ata œmœ kœdœ ayi angba a? Ōlœ dœ œlœ, mœ sœ lima kœsœ ga ati 6a lœ Tepelo kœyisœ œrœ, yé 'e zaza lima mœ nene.

⁵⁶ Kashe œneke kœ wuta mbœrœ á o'o aayi kœgbara o'o pa lima kœmbœrœtœ endje.» Yé, ayambarœ kœ katœ ye ti, œ kpa ye.

Yisu 6a utshu ayi kœwa ngbanga

(Wu 6a tœ Mar 14.53-65; Luk 22.54-55,63-71; Yow 18.13-14,19-24)

⁵⁷ Endje á endje za lima Yisu, gu dœ she 6a ndœ Kayifa, egerœ nganga Ndjaba á aayi kœyisœ awa akwa œdœ ndje dœ agbozu Ikrizia ngbœtœ endje 6a ndœ ye.

58 Petro sœ lima kœna manda Yisu yima yima lœ ingirinœ œrrr 6a lœ gbagba nœ egerœ nganga Ndjaba. Tshe li ga zœ œ sœ ga indiri aayi akwa ndœ kœwu mara á o'onœ œ ka dœ tœnœ.

59 Andaa, agbozu tshapa anganga Ndjaba dœ pe aayi kœwa ngbanga nœ azu nœ Ndjaba kœ, lœ lima kœpara awa adœke œne gbœ anga uzu á tshe kœpa anga ekpe o'o goro œsœ Yisu yeka á œne kœgbœ awa kœwa ngbanga nœ kuzu ga tœ ye.

60 Kashe ataa aayi kœpa ekpe o'onœ ma lima tœ endje ndjoro gbaa, endje gbœgbœ œrœ bale nene. Kwata œrrr, anga endje bisha matœ endje

61 yé œ pa adœke: «Uzunœ asœ pa adœke: “Mœ li kœndi tshelœ Tepelo nœ Ndjaba yé œ mœ ga mangbanœ manda olo votœ.”»

62 Egerœ nganga Ndjaba álafo œ pa fœ she adœke: «Bœ gugu dœ o'o kœgi tœnœ tœ œneke kœ á azu asœ pa ga pa zœ nene a?»

63 Kashe Yisu sœ lima kokoko. Yé egerœ nganga Ndjabanœ kœyu she adœke: «Mœ sœ kœyu 6œ, 6œ dara ama zœ dœ i'iri Ndjaba nœ soro: Œ6œ kœdœ Masiya Gbolo nœ Ndjaba a?»

64 Yisu gi fœ she adœke: «Bœ pa dœ tœ zœ ye. Kashe mœ sœ kœpa ngbi fœ 'e adœke: Kœto ngœngœnœ asœ, 'e wu Gbolo nœ uzu kœsœ ga ati ga tœ kuni Ndjaba nœ gbœgbœ kœ; 'e wu ndje she kœjerœ 6a pa ondoro 6a lafo.»

65 Yé egerœ nganga Ndjaba suru tshelœ lœba tœ ye œ pa adœke: «Tshe gu œsœ Ndjaba! A kpa gbegbe dœ atimu nene! 'E totœ kœdji kœgu oshœ á tshe gu tœ Ndjaba ye.

66 'E gbe má œne 'e tœnœ kotoo?» Endje gi adœke: «Tshe li dœ kuzu.»

⁶⁷ Manda noe, endje tetoe koetu ngusha ga tshatshu ye oe soe koedu she, ye anga endje soe koeda ala ye.

⁶⁸ Endje pa foe she adoeke: «Masiya, oedoe boe koedoe ayi koegbara o'o, pandoe noe foe 'a: Ede da bi boe a?»

Petro 'ea Yisu

(Wu ba toe Mar 14.66-72; Luk 22.56-62; Yow 18.15-18,25-27)

⁶⁹ Andaa Petro soe lima ga ati ba ushu ba loe gbagba, anga yashe akwa na ndoo doe she ye oe pa foe she adoeke: «Eboe ndje, boe soe lima awa bale doe Yisu uzu Galilayi!»

⁷⁰ Kashe tshe vusoe noe utshu azu ko doe koepa adoeke: «Moe wuwusoe o'onoe a boe yindoe koepa toene asoe nene.»

⁷¹ Bata a tshe soe lima koena gu ndoe oesoe manda gbagbanoe, anga angbi yashe akwa kpa wu she ye oe pa foe azu a endje soe lima kpoetemoe adoeke: «Uzu asoe soe lima awa bale doe Yisu uzu Nazarete.»

⁷² Petro kpa vusoe noe doe koedarama ye adoeke: «Moe wuwusoe uzunoe asoeke nene.»

⁷³ Manda noe teasho, azu a endje soe lima kpoetemoe gitoe endje ndoo doe Petro, ye oe pa foe she adoeke: «Adja, oeboe koedoe anga uzu noe endje, ye o'o zoe soe koema boe ataa.»

⁷⁴ Ye Petro tetoe koedarama ye doe koepa o'o adoeke: «Kaka Ndjaba za djofele foe moe oedoe moe koepa wala! Moe wuwusoe uzunoe asoeke nene.» Ngbewo, kangato ki.

⁷⁵ Ye Petro gbetsheloe ye ndoe o'onoe a Yisu pa lima foe she adoeke: «Utshunoe adoeke kangato ki,

6œ 'ea mœ awa votɔ adœke 6œ wuwusœ mœ nene.» Tshe wuta ga ushu, yé ki dœ oyo.

27

Yisu 6a utshu Pilato

(Wu 6a tœ Mar 15.1; Luk 23.1-2; Yow 18.28-32)

¹ Dœ amazi tuu, agbozu tshapa anganga Ndjaba kɔ dœ pe agbozu Ikrizia ngbɔtœ endje ga tœnœ kœwa o'o ndœ kœwo Yisu.

² Manda nœ, endje i Yisu ga tœnœ, œ na dœ she yé á za she fœ gbozugo á 'iri ye kœdœ Pilato.

Kuzu Yudasi

(Wu 6a tœ Akw 1.18-19)

³ Yudasi á tshe za she yɔ œrœ, wu adœke endje wa ngbanga ndœ kœwo Yisu, egerœ gbetshelœ za she, tshe kwa œ gi langere ngendjanœ zazu bale dœ ndjokpa fœ agbozu tshapa anganga Ndjaba dœ pe fœ agbozu Ikrizia,

⁴ yé á pa fœ endje adœke: «Mœ mbœrœ ekperœ, mœ za uzu á tshe mbœmbœrœ ekperœ nene fœ kuzu.» Kashe endje gi fœ she adœke: «'A soesœ loenœ nene! Tœnœ kœdœ o'o nœ zœ!»

⁵ Yudasi ko ngendjanœ va ga lœ Tepelo, yé á na kœdu uwu ga lœ igi ye ndœ kœwotœ ye.

⁶ Agbozu tshapa anganga Ndjaba rɔ ngendjanœ yé á pa adœke: «Awa akwa nœ azœ yiyindœ nœ adœke a ko mara ngendja ataa ga ugurutoœ kœgbɔrœ nœ Tepelo nene, mbœrœ tœnœ á to lœ ngendja indji uzu.»

⁷ Manda kœdjitœ endje, endje za œ yɔ dœ kindi nœ ayi kœmbœrœ lɔsú mbœrœ kœza tœ tshapa udu nœ agene.

⁸ Mbœrœe tœnce ataa œerrr ga tœ kpesheke, i'iri kindince ascœmœ koedœ: «Kindi indji uzu.»

⁹ Yé œ mbœrœetœe endje ataa mbœrœe o'o á ayi kœgbara o'o Yilimiya pa lima kœmbœrœetœe endje, tshe pa adœke: «Endje za ngendja zazu bale dœ ndjokpa, œtœnce koedœ ama ngendja á agbolo Israyele wa lima tœ upu nœ ye;

¹⁰ yeka á endje za ndœ kindi nœ ayi kœmbœrœe lœsú, ɓata á Gbozu vwa lima mœ ndœ kœpandœ nœ.»

Pilato sœ kœyu Yisu

(Wu ɓa tœ Mar 15.2-5; Luk 23.3-5; Yow 18.33-38)

¹¹ Yisu ka ɓa utshu gbozugo á i'iri ye koedœ Pilato. Gbozugo yu she adœke: «Ɛbœ koedœ gbozugo nœ Ayuda a?» Yisu gi fœ she adœke: «Ɛbœ dá sœ kœpa ataa.»

¹² Kashe o'o á agbozu tshapa anganga Ndjaba dœ pe agbozu Ikrizia sœ kœpa ga pa ye, tshe gigi lima o'o nene.

¹³ Pilato pa fœ she adœke: «Bœ djidji o'o á endje sœ kœpa ga pa zœ ascœ nene a?»

¹⁴ Tshe gigi lima o'o ndœ nœ bale nene, yé gbozugo za lima ama ye ti œœ.

¹⁵ Dœ lœndœ angbo Pake bale dœ bale kœ, gbozugo sœ lima kœvwara anga ayi kána bale á ukpulu azu yindœ ye.

¹⁶ Andaa, endje sœ lima dœ anga ayi kána á endje para wu lima sœ ye, i'iri ye koedœ Yisu Barabase.

¹⁷ Pilato yu ukpulu azunœ á endje ngbœtœe endje ga tœnce adœke: «Ɛdœ dá 'e yindœ nœ adœke mœ katœ ye a? Yisu Barabase too Yisu á endje e she Kristu?»

18 Mbœerœ tshe wu lima sœ nœ adœeke endje sœ dœ úkú ga tœ ye yeka á za she na tœnœ asœmœ.

19 Ɔlɔ́ á Pilato sœ kœwa ngbanganœ 6a lœ anda kœwa ngbanga, awonœ pa fœ she adœeke: «Lili ga lœ o'o nœ uzunœ asœ nene, tshe sœ ndjii. Mbœerœ mœ lu dœ abutshɔ́ asœ, lɔ́su mœ ka mœ mbœerœ she waa.»

20 Agbozu tshapa anganga Ndjaba dœ pe agbozu Ikrizia sœ kœli ga lœ azu adœeke endje katœ Barabase kashe œ wo Yisu.

21 Gbozugo kpa yu endje adœeke: «Ɛdœ ugurutœ endje bisha á 'e yindœ nœ adœeke mœ katœ ye fœ 'e a?» Endje gi adœeke: «Barabase.»

22 Pilato yu endje adœeke: «Ɛrœ gade á mœ kœmbœerœ tœ Yisu á endje e she Kristu a?» Endje para gi adœeke: «'E kuru she ga pa kurushi.»

23 Pilato yu endje adœeke: «Ɛkperœ gade dá tshe mbœerœ a?» Kashe endje tetœ kœta rawa dœ agbɔ́ adœeke: «'E kuru she ga pa kurushi.»

24 Lɔ́kɔ́ á tshe wu adœeke œne kpa wusœ œrœ á œne mbœerœ nene, tshe su ungu œ djutɔ́ dœ kane ye utshu ukpulu azu dœ kœpa adœeke: «Mœ dœdœé ayi kumu upu kuzu ye nene; œtœnœ kœdœ upu nœ 'e.» Gbambanœ nene, azu sœ lima kœoma dœ o'onœ waa.

25 Azu para gi adœeke: «Kaka adœeke indji ye sœ ga pa 'a dœ agbolo nœ 'a.»

26 Yeka á tshe kœkatœ Barabase, yé manda kœsɔ́ Yisu dœ ndjapa, tshe za she fœ endje adœeke endje kœkuru she ga pa kurushi.

Aturugu mɔ́ Yisu

(Wu 6a tœ Mar 15.16-20; Yow 19.2-3)

²⁷ Manda nœ aturugu nœ gbozugo gu dœ Yisu ga lœ gbagba nœ ye, yé ukpulu azu kpa dji she djikpata.

²⁸ Endje verœ læba tœ ye, yé á verœ yœgbœdœ odorœ læba ga tœ ye.

²⁹ Endje verœ kpoto nœ ishi ga tœ kumu ye b̄ata gbozugo, endje za tshœngbœlœ ga tœ kuni ye, á tetœ kœgote ga utshu ye dœ pe kœmœ she adœke: «'A bala 6œ gbozugo nœ Ayuda.»

³⁰ Endje sœ kœtu ngusha ga tœ ye, œ za tshœngbœlœnœ asœmœ á sœ dœ kumu ye.

³¹ Manda kœmœ she, endje verœ yœgbœdœ læbanœ tœ ye á gi œne ye ga tœ ye, yé á za she na tœnœ ndœ kœkuru she ga pa kurushi.

Yisu 6a pa kurushi

(Wu 6a tœ Mar 15.21-32; Luk 23.26-43; Yow 19.17-27)

³² Bata endje sœ lima kœwuta tœnœ, endje gbœ uzu tshalakpi Sirene, á i'iri ye kœdœ Shimu, endje vwa she dœ agbœ ndœ kœza átá kurushi tœ Yisu.

³³ Endje wuta ga tœ osho á i'irinœ kœdœ Gologota, œ yindœ kœpa adœke «Osho gbayashi kœrœ.»

³⁴ Endje sú ipi á endje ngbœba dœ shundœdœ œrœ œ za fœ Yisu adœke tshe ndjo. Tshe dji œtshœnœ kashe tshe yiyi lima ndœ kœndjo tœnœ nene.

³⁵ Endje kuru she ga pa kurushi yé œ ta wuka mbœrœ kœkurutshelœ læba nœ ye.

³⁶ Manda nœ, endje sœ ga ati 6a zœ mbœrœ kœgbœndœ ye.

³⁷ Endje su ádá kœwo she ga pa tsheporo ma6aya yé œ za ga pa kumu ye. O'onœ pa adœke: «Uzu asœ kœdœ Yisu, gbozugo nœ Ayuda.»

³⁸ Endje kuru anga aayi angba bisha ga pa kurushi ga indiri ye; anga ga pa kuni, yé anga ga pa gele ye.

³⁹ Azu á endje sœ lima kœvwanga tœnce, sœ kœgu she dœ kœmea kumu endje,

⁴⁰ yé œ sœ lima kœpa adœke: «Æbœ á bœ pa lima adœke bœ ndi tshelœ Tepelo yé œ kpa mœ anganœ manda olo votœ; œdœ bœ kœdœ Gbolo nœ Ndjaba, shetœ zœ dœ tœ zœ yé œ jeroe pa kurushi ga ati!»

⁴¹ Awa bale, agbozu tshapa anganga Ndjaba, aayi kœyisœ awa akwa œdœ pe agbozu Ikrizia sœ lima kœmœ she yé œ sœ kœpa adœke:

⁴² «Tshe she lima anga azu, tshe shetœ ye dœ tœ ye! Æshe kœdœ gbozugo nœ Israyele, tshe jeroe ngœngœnœ asœ pa kurushi yé a kœyindœ nœ ga ndœ ye.

⁴³ Tshe za lœsu ye ga pa Ndjaba yé œ pa ngbi adœke: “Æmœ kœdœ Gbolo nœ Ndjaba.” Ædœ Ndjaba kœyindœ ye, tshe she she ngœngœnœ asœ!»

⁴⁴ Aayi angba á endje kuru lima endje ga pa kurushi dœ she gu ndje she awa bale dœ mara ataa.

Kuzu Yisu

(Wu 6a tœ Mar 15.33-41; Luk 23.44-49; Yow 19.28-30)

⁴⁵ Dœ kakpi œb, osho bu kporokoto pa ogo djigi œrrr ga tœ ada œb votœ manda kakpi œb.

⁴⁶ Kœwuta ga tœ ada œb votœnœ asœmœ, Yisu ta rawa dœ œgbœ tshama ye adœke: «Eli, Eli, lema sabakatani?» Æ yindœ kœpa adœke: «Ndjaba nœ mœ, Ndjaba nœ mœ, mboerœ gade á bœ katœ mœ ti a?»

47 Anga azu ugurutœ endjeneke á endje sœ lima kpœtœmœ dji she yé œ pa adœeke: «'E dji ka, tshe sœ kœ'e Eliya!»

48 Trale, anga uzu bale ugurutœ endje kpa œ nduru ndôhœrœ ga la ikpi vinu yé œ vwele ga tœ kumu wara yeka á yi ga tœ ama ye adœeke tshe ndjo.

49 Anga endje pa adœeke: «'E kaka kane! A wu œdœ Eliya œ na kœshe she!»

50 Kashe Yisu kpa ta rawa dœ œgbœ tshama ye, yé œ tshu ye.

51 Dœ lœndœnœ asœmœ, lœba á endje du 6a lœ Tepelo suru tshelœtœ ye bisha kœto 6a lafo œrrr ga ati. Ôshœ turu, tshelœ ogboro badja 'oro,

52 udu kœrœ, yé ayindœ Ndjaba ndjoro á endje tshu, kwatœ endje ga lœ soro.

53 Manda Ndjaba kœshe Yisu lœ akuzu, manda kœwuta endje lœ udu, endje li ga lœ œyerœ ongbo Yerusaleme, yé á azu ndjoro wu endje 6a zœ.

54 Gbozu tshapa aturugu Roma œdœ aturugu á endje sœ kœgbœ lima ndœ Yisu dœ she, wu ôshœ á turu œdœ œneke kœ á wuta lima asœmœ, awa za endje tœpanœ kpuru yé endje pa adœeke: «Uzu asœeke kœdœ lima adja Gbolo nœ Ndjaba tako.»

55 Ayashe ndjoro ka lima zara á sœ kœtœndœ osho: Endje te lima mangba Yisu kœto 6a lœ Galilayi mbœrœ kœmbœrœ akwa fœ she.

56 Mareya uzu tshalakpi Magadala, dœ Mareya ayi Jake dœ Yozefu, œdœ pe ayi agbolo nœ Zebedayi, sœ lima ugurutœ endje.

Kœshiyisu

(Wu 6a tœ Mar 15.42-47; Luk 23.50-56; Yow

19.38-42)

⁵⁷ Dœ adila, anga ayi kœgb̃arœ ɓa lœ Arimateyo á i'iri ye kœdœ Yozefu yikumu ye; œshe kœdœ ndje lima yambarœ nœ Yisu.

⁵⁸ Tshe na ga ndœ Pilato yé œ yu she tœ oko Yisu. Yé Pilato za awa adœke endje za fœ she.

⁵⁹ Yozefu za oko Yisu œ vwele ga tœnœ dœ ɔtsh̃ lœba,

⁶⁰ yé á za ga lœ tafo udu á tshe totœ kœdji tœnœ ɓa lœ ɔng̃ɔ badja. Manda nœ, tshe vw̃iri egerœ badja ga tœ mandanœ yé œ gu da ye.

⁶¹ Andaa, Mareya uzu Magadala œdœ anga angbi Mareyanœ sœ lima ga ati ɓa utshu udunœ.

Kœgb̃andœ tshapa udu

⁶² Olo bale manda nœ, tœnœ kœdœ lima l̃k̃ɔ utshu sabata, agbozu tshapa anganga Ndjaba dœ pe Afarisayi na awa bale ga ndœ Pilato.

⁶³ Endje pa fœ she adœke: «Gbozu, 'a gbe dœ o'o á ayi wala asœ pa lima l̃k̃ɔ á tshe sœpe dœ soro. Tshe pa lima adœke: “Manda olo vot̃ɔ, Ndjaba œ she mœ lœ akuzu ye.”

⁶⁴ Za awa adœke endje gb̃andœ tshapa udu asœ œrrr ga tœ vot̃ɔ olo yekane, ete nene ayambarœ nœ ye œ zi angba ye, yé œ pa fœ azu adœke: “Ndjaba she lœ akuzu ye.” Yé walanœ asœ œ kpa ropa œneke lima utshunœ ye.»

⁶⁵ Pilato kœpa fœ endje adœke: «Aturugu kœgb̃andœ œrœ dœke. 'E na dœ endje dœ endje gb̃andœ tshapa udunœ ɓata á 'e wa asœmœ.»

⁶⁶ Ataa, endje na ga pa udu œ guma mara kœgb̃andœ nœ: Endje iw̃i badjanœ œ tshu dœ mandanœ yé á katœ aturugu ndœ kœgb̃andœ nœ.

28

Kæshe nœ Yisu læ akuzu
(*Wu 6a tœ Mar 16.1-10; Luk 24.1-12; Yow 20.1-10*)

¹ Manda olo sabata, kœli ga læ ali olo nœ pɔsɔ, Mareya uzu Magadala dœ pe anga angbi Mareyanœ na kœwu tshapa udu.

² Trale atake, ɔshɔ turu dœ agbɔnœ. Anga andjelu nœ Gbozu to 6a lafo œ jerœ, œ vwiri egerœ badja tœ manda udunœ yé á sœ ga pa nœ.

³ Tshe sœ lima 6ata kœyerœwa yavuru, yé læba ye sœ dœ imbinœ 6ata ondoro.

⁴ Aturugu sœ lima kœde gbaragbara dœ awa, yé œ sœ 6ata azu á endje tshu ye.

⁵ Kashe andjelu za o'o yé œ pa fœ ayashenœ adœke: «Awa zaza 'e nene, mœ wusœ nœ adœke 'e sœ kœpara Yisu á endje kuru she ga pa kurushi.

⁶ Tshe gugu kpeke nene, mbœrœ Ndjaba she she læ akuzu 6ata á tshe pandœ nœ lima fœ 'e. 'E na ga mœ œ wu osho á tshe lo lima tœnœ.

⁷ Yé 'e gu katsha œ pandœ nœ fœ ayambarœ nœ ye adœke: “Ndjaba shé she læ akuzu ye, yé tshe ro utshu 'e ga læ Galilayi da ye; 'e wu she 6a zœ.”
Ætœnœ dá mœ pandœ nœ fœ 'e asœmœ.»

⁸ Endje katœ tshapa udu ti dœ awa œdœ pe dœ yanga, œ kpagu kœpandœ nœ fœ ayambarœ nœ ye.

⁹ Trale, endje wu Yisu kœna ga ndœ endje, á pa fœ endje adœke: «Mœ bala 'e!» Endje gitœ endje ndoo ga ndœ ye, œ tepa ada ye yé á gote ga utshu ye.

10 Yé Yisu pa fœ endje adœeke: «Awa zaza 'e bale nene. 'E gu œ pandœ noe fœ aaya mœ adœeke endje ro ga loe Galilayi: ba zœ dá endje wu mœ.»

O'o tœ upu nœ aayi kœgbœndœ udu

11 Lœkœ á endje sœpe lima tœ ala awa, anga aturugu loe ugurutœ aturugu kœgbœndœ udu ro ga loe ongbo, œ pandœ œrœ kœ á ro ba zœ fœ agbozu tshapa anganga Ndjaba.

12 Manda kœngbœtœ dœ kœdjitœ agbozu nganga Ndjaba dœ pe agbozu Ikrizia, endje to ngendja dœ egerœ noe fœ aturugu,

13 yé œ pa fœ endje adœeke: «'E pa ngbi adœeke: Lœkœ á 'e sœ tœ olo, ayambarœ noe ye na dœ butshœ œ za angba oko ye yé.

14 Yé œdœ gbozugo kœdji o'onœ asœ, a'a dá ru alancœ yé á mbœrœ adœeke 'e gbœgbœ o'o nene.»

15 Aturugu za ngendjancœ yé œ tetœ kœmbœrœtœ endje lindœ o'onœ á endje za fœ endje ascœmœ. Ataa, o'onœ asœ kaka osho ba ndœ Ayuda œrrr ga tœ kpesheke.

Yisu matœ ye fœ ayambarœ noe ye

(Wu ba tœ Mar 16.14-18; Luk 24.36-49; Yow 20.19-23; Akw 1.6-8)

16 Ayambarœ noe ye ndjokpa dœ bale na ga loe Galilayi ba pa kaga á Yisu yi lima sœ noe fœ endje.

17 Lœkœ á endje wu lima she, endje gote ga utshu ye; kashe anga endje ugurutœ endje sœ lima dœ sharapu.

18 Yisu na ndoo dœ endje, œ pa fœ endje adœeke: «Ndjaba za tshagbozu kœ noe œrœ tshalafœ dœ pe œncœ tshapa shœ fœ mœ.

19 'E na djelœ ogo kɔ, 'e fa azu tœ ayambarœ nœ mœ, yé œ za batisimu fœ endje dœ i'iri Aba, dœ Gbolo dœ pe Ɔtshɔ ishiri,

20 'e yisœ nœ fœ endje adœke endje gbɔndœ œneke kɔ á mœ za lima dœ o'o fœ 'e. Yé œmœ, mœ sœ dœ 'e awa bale ɔɔ dœ ɔɔ œrrr ga tœ kœka tshapashɔ.»

TAF0 AYO
The New Testament in the Manumanaw languieg of
Myanmar

copyright © 2020 Wycliffe Bible Translators, Inc. and ACOTBA-SUBO

Language: Manumanaw

All rights reserved.

2024-07-29

PDF generated using Haiola and XeLaTeX on 18 Apr 2025 from source files
dated 29 Jul 2024

40e3c5cb-c2ea-5cf8-8a40-4c6f77a45343